

**JACOBI FRIDERICI
LUDOVICI,**

J. U. D. & PP. Extr.

**USUS PRACTICUS
DISTINCTIO.
NUM JURIDI-
CARUM**

juxta
Ordinem Digestorum adornatus.

PARS II.

Libros à XIV. usque ad XXIIIX.
complectens.



HALÆ MAGDEBURG.

Sumptibus JOHANNIS JACOBI SCHÜTZII,

Typis Johannis Jacobi Krehlii, Acad. Typ.

ANNO M DCCII.

THE ASSOCIATED PRESS

NEW YORK, N. Y.

APRIL 1923

RECEIVED

APR 19 1923

APR 19 1923

APR 19 1923



Usus Practici Distinctio-
num Juridicarum

PARS II.

LIBRI XIV. Digestorum

TIT. I. & III.

De Exercitoria & In-
stitoria actione.

DISTINCTIO I.

Inter actionem *exercitoriam*
& *institoriam*.



Qvod objecto differant, quo-
niam scilicet exercitoria ad
maritimam, institoria autem
ad terrestrem negotiatio-
nem pertinet, illud adeo
magnam utilitatem non ha-
bet. Verum in eo usus sese exerit non con-
temnendus, quod *exercitoria* locum habeat
contra exercitorem ex facto Magistri sub-
stituti, quamvis exercitor substitutionem

A

hanc

hanc expresse prohibuisset, *l. 1. §. 5. ff. de exerc. act.* ubi illud de institoria negatur, ob utilitatem, ut dicitur, navigantium ita introductum. Sed quæritur: *Si ejusmodi prohibitio à principali non fuerit facta, an tunc principalis ex facto substituti actione institoria teneatur?* de exercitoria enim nullum est dubium. Affirmant quætionem Lauterbach *b. t.* item Schilterus & Brunne-
mannus apud Schœpfferum *in Synops. jur. priv. b. t. num. 3.* sed mihi contrarium verius videtur. Textus enim à Lauterbachio in hanc rem allegati, nihil minus probant, quam quod ex ipsius intentione probare debebant. Videamus. Textus primus est in *l. 1. §. 5. de exerc. act.* ubi Ulpianus ita: *Magistrum autem accipimus, non solum, quem exercitor praposuit: sed & eum, quem Magister, & hoc consultus Julianus in ignorante exercitore respondit. Ceterum si scit & passus est, cum in navi magisterio fungi, ipse eum imposuisse videtur, quæ sententia mihi videtur probabilis: omnia enim facta Magistri debet prestare, qui eum praposuit: alioquin contrahentes decipientur, & facilius hoc in magistro, quam institore, admittendum propter utilitatem. Quid tamen, si sic Magistrum praposuit, ne alium ei liceret preponere? an adhuc Ju-
liani*

DE EXERCITOR. ET INSTIT. &c. 3

*lianæ sententiam admittimus, videndum est. Finge enim, & nominatim eum prohibuisse, ne Titio Magistro utaris; dicendum tamen erit, eousque producendam utilitatem navigantium. Ego hinc nec verba, nec rationem deprehendo, quæ dissentientibus patrocini-um præbere possit, & quamvis etiam verba adessent dubiæ interpretationis; ego ta-
men in tali ambiguitate potius regulæ in-
hærendum esse putarem, vi cuius illi sub-
stituendi facultas non permittitur, cuius
personæ industria electa fuit.*

Porro adducitur *l. 5. §. 17. ff. de instit. act.* in qua lege deceditur, quod heres, qui eodem institore utitur, quem defunctus preposuerat, actione etiam institoria teneatur, licet quis ante aditam hereditatem cum illo institore contra-
xisset. Bene. Sed quid hoc ad quæstio-
nem propositam?

Denique provocatur ad *arg. l. 8. §. 3. Man-
dat.* ubi procuratori extrajudiciali alium
substituere permittitur; sed huic legi ob-
stat *l. 15. §. 2. ff. de divers. temp. præscript.* quæ
expressis verbis contrarium disponit. Si
antinomia concedenda esset, tunc *l. 8. §. 3.
Mand.* tanquam à regula ante supposita
recedens rejici deberet; Sed ne alios vo-
cabulò *antinomie* irritemus, retinebimus

communem conciliationem, quod *d. l. de* eo casu saltem intelligenda sit, *ubi res est minimi praejudicii*. v. Dion. Gothofr. *ad d. l. Tholosan. Syntagm. jur. univ. l. 49. c. 4. num. 6.* Salycetus *ad d. l. 8. §. 3. ff. Mandati*, qui hanc materiam fusius persequitur. Sed hanc ratione iterum parum accedet opinioni contrariae. Nam res Mercatorum ut plurimum maximi sunt momenti.

Quid ergo manet? hoc scilicet. Magister indistinctè substituit, siue hoc ipsi permissum, siue prohibitum fuerit; Institor autem nunquam substituit, nisi hoc ipsi expressè permissum, aut res minimum praejudicium involvat.

DIST. II.

Inter *Verum & quasi* Institorem.

Hic nullam deprehendo utilitatem, praeterquam, ut terminos intelligamus. *Verus* institor vocatur, cui omnia; *quasi* institor, cui unum saltem negotium ad mercaturam pertinens est commissum, v. *l. 13. §. 25. ff. de act. emt.* Institorum varias species vid. in *l. 5. §. 1. seqq. ff. de instit. act.* In effectu autem eodem modo praeponeus tam ex veri, quam ex quasi institoris contractibus tenetur. Dixi ex *contractibus*. Nam ut verus siue

DE EXERCITOR. ET INSTIT. &c. 5
 five quasi Institor *delinqueret*, hoc præponens voluisse non censetur. Graviter quidem ob stare videtur l. 5. §. 6. ff. de instit. act. ubi dicitur, quod *libitinaris*, id est, mortuorum sepulturæ præpositus, (v. Gothofred. ad cit. l.) etiam tunc obligetur, si *pollinctor* mortuos spoliaverit. Sed ibi expressè Jctus de *servo pollinctore* loquitur, propter cujus delicta convenitur quidem Præponens, sed ex speciali ratione domini, quæ actio propterea magis est species actionis noxalis, quàm institoria, vid. Illustr. Dn. Stryk in not. ad Lauterb. tit. de instit. act. verb. obstat. l. 5.

LIB. XIV. TIT. IV. De Actione Tributaria.

DISTINCT. I.

Inter actionem Tributariam ex *contractu* & ex *dolo* Domini vel Patris orientem.

Hanc distinctionem apud paucissimos deprehendere licuit, plurimi enim, imò omnes ferè, unam saltem eamque actionem tributariam simplicem agnoscunt, nisi

quod B. Brunnemannus in *Comm. ad l. 7. §. 2. ff. b. t.* quorundam mentionem injiciat, qui actionem tributariam de dolo actioni simplici (quam in *factum* quoque appellare posses) contradistinguunt. Interim liquidò appareat hæc distinctio ex textibus juris. Primò provoco ad § 3. *J. quod cum eo*, ubi ita dicitur: *Namque si servus in peculiari merce sciente Domino negotietur, & quid cum eo ejus rei causa contractum erit: ita Prætor jus dicit, ut quidquid in his mercibus erit, quodque inde receptum erit, id inter Dominum, si quid ei debetur & ceteros Creditores pro rata portione distribuatur: & ideo tributaria vocatur*. Hactenus de actione tributaria ad suscipiendam distributionem mercis peculiaris, quæ est ex contractu. Pergit porro Imperator: *Nam si quis ex Creditoribus queratur, quasi minus ei tributum sit, quam oportuerit, hanc ei actionem adcommodat, quæ tributaria appellatur*. Habes actionem tributariam ex delicto, quæ ad corrigendam iniquam distributionem mercis peculiaris competit. Deinde addi quoque possunt *l. 1. §. 3. & l. 7. §. 2. & 3. ff. b. t.* quarum prior de actione ex contractu, posterior de ea, quæ ex delicto oritur, itidem non obscurè loqui videtur.

Ufus in eo se exerit, quod actio tributaria

DE ACTIONE TRIBUTORIA. 7

ria *ad corrigendam* distributionem non detur adversus heredes, nisi quatenus ad eos pervenit, quia est ex delicto, *l. 7. §. 5. ff. b. t. l. 9. §. 2. eod.* at verò ea, quæ divisionem *suscipiendam* urget, contra heredes etiam competit, quia ex contractu nascitur, quod ex vulgaribus principiis facile patet.

His notatis, facile patet confusa doctrina eorum, qui actionem tributariam simpliciter ex contractu nasci asserunt, vid. Lauterb. *b. t. Struv. Ex. 20. th. 43.* & quare Lauterbach statuere coactus fuerit, *quod hac actio exorbitantem naturam à Pretore acceperit*, quia scilicet ille supposuerat, fundamentum eius unice in contractu servi vel filii familiæ quærendum esse, unde comprehendere non poterat, quare hæc actio saltem detur *de eo, quod pervenit*, cum tamen alias actiones ex contractibus sine respectu, utrum quid pervenerit, annon, adversus heredes extendantur. Textus, quos adducit Struvius, scilicet *l. 7. pr. §. 2. l. 8. b. §. 3. f. quod cum eo. l. f. b.* pro nobis faciunt, prout paulò ante ostendimus. Provocat quidem ad Bachovium *in tr. de action. Disp. 8. th. 13.* sed hic Autor nostram potius sententiam confirmat. Statuit enim, actionem tributariam ex dolo oriri, & simul ad *l. 8. b. t.* quæ obsta-

re videbatur, respondet. Verba ejus hæc sunt: *ad quæ scilicet* (id est, ad distribuendas merces peculiares) *tenetur ex edicto, & si neutrum fecerit*, (id est, nec distribuerit, nec mercibus cesserit per l. 7. §. 1. b. t.) *tum domum hac actione tributoria, quæ coërcendo dolo comparata est, convenitur per l. 7. §. 3. b. t.* Nam quod dicitur in l. 8. eod. non esse hanc actionem de dolo, non eò pertinet, quasi hac actione non coërceatur dolo, sed quod non sit actio famosa, quæ in specie appellatur actio doli, ut ex l. præc. 7. §. ult. perspicuum esse potest: ut tamen hoc notetur, in d. l. 8. rei persecutionem continere, in specie usurpari, ut opponatur actioni famosa de dolo, quæ aliàs & ipsa rei persecutoria dici potest, quatenus hæc opponitur actioni poenali in duplum, triplum vel quadruplum, &c.

Sed posset quis objicere: ergò actio tributoria, quam tu ex contractu esse dicis, coincidit cum actione de peculio; Imo non coincidit. Differunt illæ duæ actiones & *objecto* & *effectu*. Actio de peculio intuitu *totius peculii*: tributoria *mercis alicujus peculiaris* respectu datur, l. 11. ff. b. t. Dominus item vel Pater actione de peculio conventus, *omne* deducit, quod sibi debetur, antequam reliquis Creditoribus satisfiat; sed
in

DE ACTIONE TRIBUTORIA. 9

in actione tributaria velut extraneus Creditor *pro rata* saltem in distributione concurrat, quia eò ipsò, dum passus est, servum vel filium in merce peculiari negotiari, privilegio suo renunciaſſe cenſetur, *v. l. 1. pr. & §. 2. l. 5. §. 7. b. t.*

Hæc quoad uſum theoreticum propter confuſionem communiter receptam moneri debuerunt. Quæritur autem, quid de uſu practico dicendum ſit? Hic diverſæ aſſertiones ſeparandæ. Quidam ex DD. ſtatuunt, quod actioni tributariæ propterea hodiè non ſit locus, quia filii negotiationem exercentes eò ipsò pro tacitè emancipatis habentur, *v. Schultz Synopf. inſtit. tit. Quocumque & c. lit. C. Beyer Poſit. ff. b. t. Hahn ad Weſenbec. b. t. in fin. quam ſequitur Lauterbach b. t. in fin.* Verùm hæc opinio non placet. Tacita enim emancipatio non niſi ex ſeparata demùm œconomia colligitur, *Brunn. ad l. 31. ff. de adopt. Dav. Mevius ad jus Lubec. l. 1. tit. 3. num. 24. conf. omninò Illuſtr. Stryk ad Lauterb. b. t. verb. habeantur.* Sed talis ſeparata œconomia in filioſam. peculium adminiſtrante non deprehenditur.

Quod addit Dn. Beyer *loc. cit.* quod hodiè exorto Creditorum concursu non pater bonis obaratis dividendi præſit, ſed iudex, &

quod per consequens ex hoc etiam capite actio tributoria cesset; in eo iterum fallitur. Non enim de eo est quaestio, quid pater post concursum coram Iudice motum fecerit; sed de distributione, quam suscepit, antequam causa ad iudicem devolveretur. Nec enim & hodie Creditores statim Iudicem adeunt, sed prius tentare solent, annon extrajudicialiter suum à Debitore consequi possint. Interim, quod rarior hodiè sit actio tributoria, quam olim quidem, facile largior, cum rariora sint filiorumfam. peculia, servos autem non habeamus.

Disputant hic quoque, annon beneficium *quasi separationis* ex hoc titulo deduci possit? Quod si enim servus apud Romanos plures exercebat negotiationes, vel ejusdem negotiationis plures habebat tabernas, tunc quilibet creditor intuitu ejus negotiationis, vel tabernæ, cujus intuitu specialiter contraxerat, reliquis præferebatur. Exinde DD. colligunt; si hodiè Mercator aliquis plures habuit negotiationes, aut tabernas & alter hujus tabernæ intuitu speciatim contraxit, quod tunc quoad bona in illa taberna reperta reliquis præferendus sit. Hic quidem quoad theoriam placet opinio eorum,

rum, qui dicunt, à negotiatione servi ad liberi hominis negotiationem non procedere consequentiam. Cum enim servi pro nullis habiti, *merci* magis, quàm personæ creditum videbatur & inde oriebatur separatio. At liberorum hominum *persona* obligatur, æque alienum, quod contrahunt, totum ipsorum patrimonium inminuit, non certi loci facultates respicit, Grönevvegen *ad l. 5. §. 15. & l. 16. ff. b. t.* quem sequitur Dn. Beyer *loc. prox. cit. ad b. t. in f.* Sed si de praxi quæritur, prout hoc ad scopum nostrum primariò spectat, illa iterum in contrarium est & pro observantia beneficii quasi separationis communiter pronuntiatur, v. Illustr. Dn. Stryk *in not. ad Brunnem, Proc. conc. Cred. C. 5. §. 13.* & quos ibi citat.

LIB. XV. TIT. I.

De Peculio.

DISTINCT. I.

Inter peculium *castrense*, quasi *castrense*, *profectitium* & *adventitium*, idque *ordinarium* & *extraordinarium*.

Communitè hæ distinctiones tanquam inutiles obiter saltem tractantur, quasi
non

non sint dignæ, ut ullum temporis spatium iis rectè intelligendis infumatur. Verùm ea, quæ mox dicentur, ostendent, fallere non solum DD. qui talia pro autoritate adfirmant, sed simul & eos falli, qui eadem cœco impetu sequuntur.

Usus scilicet habet ea distinctio *I. in actionibus judicialibus.* Intuitu peculii castrensis vel quasi castrensis, filius adversus ipsum Patrem, & adversus extraneum solus insciò & invitò Patre agere potest, *l. 4. ff. de judic. l. 4. §. 1 ff. de castrens. pecul.* Propter profectitium nec adversus patrem agit, ob *d. l. 4. de judic.* nec contra extraneum, patri enim & proprietas & ususfructus, id est, omne omninò jus competit, v. Struv. *Exerc. 9. thes. 6.* nisi forsàn Pater absens sit, tunc enim ex præsumpto mandato admittitur, *v. l. 18. §. 1. ff. de judic.* Ratione adventitii regularis Pater, tanquam Usufructuarius & legitimus Administrator, actionem instituit, consentiente tamen filio, si ejus ætatis est, ut consentire queat, *l. ult. §. 3. C. de bonis quælib.* quodsi Pater abest, vel furore impeditur, filius non minùs, ut antea admittitur, eum cautione tamen de rato, v. Struv. *loc. cit.* Denique quoad adventitium irregulare distinguit quidam Lauterbach *ad tit. de judic.*
utrum

utrum illud consentiente, an verò dissentiente Patre filius acquisiverit, sed ea distinctio effectu hîc destitui videtur, cum *l. fin. f. pr. C. de bon. qua lib.* filio agendi potestatum concedat cum consensu tamen patris, quamvis filius peculium eò dissentiente acquisivisset. Quidni ergò & eò casu, ubi pater in acquisitionem consensit, ejus quoque consensus in institutione actionis requireretur? Ergò ita dicendum: in adventitio irregulari filius semper agit, consentiente tamen patre, qui ad consensum illum præstandum juxta *cit. l. f.* compelli potest per Judicem.

Sed an ne quoad peculium adventitium inter filium & Patrem lis esse potest? Negatur ob vinculum unitatis, unde quamdiu patria potestas & per consequens ipsum illud peculium durat, omnes lites suspenduntur, quæ *rem ipsam* concernunt, de illis enim sermo est. Quod si de *modo administrandi* controversia oriatur, v. g. si pater bona adventitia dissipare incipit, tunc quidem patrem convenire potest filius, juxta Buium & Brunnemannum *ad l. 4. ff. de judic.* Sed tunc non adest actio proprie sic dicta, sed nuda & summaria officii Judicis imploratio, vel potius denunciatio aliqua.

Quis

Quis vero vinde affereret, quod *de re ipsa* etiam inter patrem & filium actio institui possit? quod tamen facere videtur Dn. Beyer in *Postl. ff. de judic. pos. 19. & 20.*

II. Usus distinctionis sese exerit in *materia contractuum & SC. Macedoniani.* In peculio castrensi & quasi filius ex omnibus contractibus obligatur, etiam ex mutuo, *l. 1. §. ult. & l. 2. ff. de SC. Macedon.* & sic ibi cessat SC. Macedoniani exceptio; secus in reliquis & quoties quis pro filiofam. habetur, quod ad adventitium irregulare minus rectè extendit Lauterb. *ad tit. de Sc. Macedon.* cum hic filiusfam. mortem patris expectare non habeat necesse. Posses & hoc addere: Intuitu peculii militaris filius cum patre contrahit, non autem intuitu reliquorum.

III. *In materia testamentorum.* De peculio castrensi & quasicastrensi testatur pro lubitu filius, *pr. f. quib. non est permiss. fac. testam. l. 2. C. de castr. pecul. l. 50. C. de Episc. & Cler.* non autem de reliquis cujuscunque generis ea sint, hoc unico exceptò quod de peculio adventitio ordinario patre permitte, de extraordinario autem patre etiam invito *donationem mortis causa* celebrare possit ad hanc enim præcisè non requiritur, ut

ut quis sit paterfamilias, quod tamen in testamenti factione necessum est, v. Struv. *Ex. 40. lb. 33.*

IV. In materia *computationis Legitimæ*. Castrense & quasi castrense peculium non computatur in Legitimam, neque etiam adventitium, v. *l. 36. pr. ibi: repletionem autem fieri ex ipsa substantia patris, non si quid ex aliis causis filius lucratus est. C. de in off. testam.* bene tamen profectitium, hoc enim ex ipsa Patris substantia proficiscitur & privilegio aliquo munitum non est.

V. In materia *relinquenda Legitimæ*. Quando quis post emancipationem de iis bonis testatur, quæ ante ex peculio adventitio ad ipsum pertinebant, tunc parentibus vel liberis ex iisdem legitimam portionem relinquere tenetur, v. *Nov. 115. c. 3.* sed quando quis testamentum de castrensi peculio condit, tunc ad legitimam relinquendam non tenetur, *l. 9. § 24. C. de inoff. testam.* idem in quasi castrensi, *l. fin. pr. § 1. eod.* quod tamen intelligendum, *quamdiu illa vera vel quasi militia durat*, eâ enim cessante ipsum quoque privilegium cessat, *l. 8. § 3. ff. de inoff. test. l. f. § 2. C. eod.* Disputant verò, annon illud privilegium *militum* per *Nov. 115. c. 3. verb. à rebus propriis, in quibus habent,*

bent testandi licentiam, sublatum sit? ita videtur Covarruv. in c. quia nos. 9. n. 9. X. de testam. Salyceto in l. f. C. de inoff. num. 4. Wessenbergio Conf. 17. n. 30. aliisque, v. Brunnem. add. l. 9. C. de inoff. testam. Mihi tamen se adprobat sententia Donelli comm. l. 19. c. 5. & Reusneri de testam. p. 2. c. 25. n. 7. quæstionem negantium, quia specialia privilegia generali correctioni subjacere non solent, jus testandi autem in peculio castrensi vel quasi castrensi ex speciali privilegio sine dubio dependet. Et ergò adlata verba Nov. 115. c. 3. quod liberi legitimam relinquere debeant à rebus propriis, in quibus habent testandi licentiam, intelligenda sunt, scilicet de jure communi.

VI. In materia collationis bonorum. Peculium castrense & quasi castrense nunquam confertur, l. 1. §. 15. ff. de collat. l. 1. C. de castrens. pecul. nec adventitium, l. f. C. de Collat. benè tamen profectitium, v. l. 17. C. d. t.

VII. Quoad beneficium competentia. Filius enim intuitu rerum castrensium conventus condemnatur in id solummodò, quod facere potest, l. 6. & 18. ff. de re judic. quod ad quasi castrensia eodem modò pertinet. Secus in aliis, v. g. adventitiis, præcipuè irregularibus.

IIX. In-

IIX. Intuitu *ipsius Patris*. In castrensi & quasi castrensi & proprietas & ususfructus pertinent ad solum filium, pater *nihil* habet, ne quidem administrationem, nisi filius nondum majorennis sit, ubi tamen pater non percipit fructus, v. Carpzov. *lib. 5. Resp. 84. num. 7.* In peculio profectitio contra pater *omne* habet, filius nihil: in adventitio ordinario *aliquid*, nempe ususfructus ad Patrem, aliquid, id est proprietas, ad filium spectat. In adventitio extraordinario Pater iterum nihil habet, præterquam nudam administrationem, si filius imperfectæ est ætatis, ubi tamen ad inventarium conficiendum & rationes reddendas æque est obstrictus, ut alius Curator, non enim tunc vi patriæ potestatis, sed ut Curator administrat, v. Illustr. Dn. Stryk, *ad Lauterb. b. t. voc. aministrare potest.*

LIB. XVI. Tit. II.

De Compensationibus.

DISTINCT. I.

Inter Compensationem *perpetuam*
& *temporalem.*

Prior mutuum debitum in perpetuum pro re nata vel tollit, vel minuit, fit-
B que

que ipso jure, ita ut ab illo momento, quo alter vicissim debere coepit, ego ad usuras ulterius solvendas non sim obligatus, *v. l. 4. C. b. t. ibique Gothofr. in not.* Posterior eoque saltem effectum suum exerit, donec debitor meus pecuniam mihi debitam persolverit, & quamvis ego jure hoc meo, quod *retentionis* aliàs vocatur, utar, usurae tamen interim nihilominus currunt. Deinde *prior* obtinet saltem, si quantitates debeantur, aut species quidem, v. g. duo equi, sed in genere solum sine certa determinatione promissae, in has enim non cadit pretium affectionis; secus in rebus determinatè promissis, unde certa species cum specie, aut species cum quantitate compensari nequit, quod fuse persequitur Lauterbach *ad b. t. sub lit. O.* In *posteriori* autem species quoque propter debitam quantitatem, aut aliam speciem justè retinetur, donec solutio facta fuerit. Hic enim rem alteri in perpetuum non aufero, sed ad tempus saltem, & sic non obstat, licet ille maximum affectum erga eam rem foveat.

DIST. II.

Inter Compensationem *propriam*
& *impropriam.*

Hæc

HÆc cum priore coïncidit, vocabulis solummodo mutatis. Per improprian enim temporalis, sive jus retentionis; per propriam autem perpetua compensatio indigitatur, v. Frantzk. *lib. 1. resol. 13. num. 26.* Ergò hîc eadem repetenda, quæ ad præcedentem distinctionem adlata fuerunt.

LIB. XIV. TIT. III.

Depositi vel contra.

DISTINCTIO I.

Inter Depositum *regulare & irregulare.*

IN regulari transfertur solum custodia, non jus utendi, qui enim re deposita utitur, furtum *usus* committere dicitur, v. §. 6. f. *de oblig. quæ ex delict. nasc.* secus in irregulari, ideo enim hoc nomen accepit, quia à regula, sive ab ordinaria depositi natura planè recedit. v. l. 24. ff. b. i. In regulari castis fortultus pertinet ad deponentem, tanquam ad Dominum: secus in irregulari, hoc enim reverà nihil aliud est, quàm mutuùm, ergo etiam Dominium cum omnibus suis effectibus in irregularem hunc Depositarium transfertur, v. omninò l. 9. §. f. & l. 10. ff. *de reb. credit.* Imò hinc simul deponens jura sua amittit, quibus aliàs in concursu creditorum fruitur.

Inter Depositum *judiciale* seu *sequestrum*, & *extrajudiciale*.

HÆc distinctio ita generatim proposita usum saltem habet theoreticum, quod nempe depositum *judiciale*, seu *sequestrum*, circa res litigiosas solum, extrajudiciale autem circa non litigiosas versetur, custodia autem utrobique eodem modo depositario conceditur. Quod si verò deinde ad subspecies descendimus, usus non contemnendus partim quoad jus Romanum, partim quoad mores nostros apparet, ut ex subsequentibus mox patebit,

DIST. III.

Inter Depositum extrajudiciale *voluntarium* & *necessarium* seu *miserabile*.

USus de jure Romano in eo consistebat, quod actio depositi miserabilis contra inficientem in duplum dabatur, *l. 1. §. 1. l. 18. ff. de b. t.* major enim in eo depositario est malitiæ gradus, qui afflicto afflictionem addit & misero novam miseriam, ergo etiam magis coerceretur, quàm quidem alius quispiam, qui in deposito voluntario restitutionem rei depositæ dolò malò detrectabat.

Hodiè

Hodiè ejusmodi nequam sine dubiò etiam graviter est coërcendus, sed non præcisè in duplum, quia actiones pœnales illæ apud nos teste fori experientia non sunt receptæ. Ipse B. Brunnem. *add. l. 1. §. 1. b. t. n. 3.* fateatur, actionem in duplum in deposito miserabili non frequentari in foro, sed simul tamen negat, eam exolevisse. Nobis verò unum ex altero profluere videtur, quod quæcunque actio nunquam in foro fuit frequentata, ea quoque non possit esse *recepta*, (ita melius dicitur, quàm *exolevisse*, hoc enim receptionem præcedentem supponit.) Melius fecisset notus ille Grœnvvegen, si tractatum suum non de Legibus *abrogatis*, sed potius de *non receptis* inscripssisset.

DIST. IV.

Inter Depositum judiciale *voluntarium & necessarium.*

Voluntarium, quoniam consensu utriusq; litigantium fieri solet, in omnibus causis est permissum, sicut enim quilibet juri suo renunciare potest, ita ille quoque, qui hactenus in possessione fuit ejusque favore uti potuisset. *Necessarium* autem, quod à Judice decernitur invitâ etiam parte, regulariter est prohibitum, quia scilicet speciem executionis constituit, à qua Processus non

est inchoandus, & possessorem beneficio possessionis privat, v. l. un. C. de prohib. sequestr. pecun. c. 1. X. de sequestr. possess. Excipiunt tamen communiter sequentes casus, si nempe metus armorum, dilapidationis aut fuga subsit & sufficiens cautio præstari nequeat à persona suspecta, vid. Gœddeus de sequestrat. c. 2. num. 16. seqq. Trentacinqu. lib. 3. tit. de solut. resol. 12. num. 4. seq. & quos magno numero allegat Brunnem. ad d. l. un. C. de prohib. sequestr. pecun. qui ibi quoque in fine rectè monet, quod summarie tamen constare debeat de jure sequestrum petentis & quod illud petat ad conservationem juris sui, Mynsing. Cent. 2. Qbs. 11.

DIST. V.

Inter Depositum juris & facti.

Depositum juris vocatur, quando Debitor ob Creditoris moram in accipiendo, pecuniam debitam in judicio deponit, præviâ legitimâ & reali oblatione, v. l. 19. C. de usur. l. 9. C. de solut. de quo in speciali tractatu egit Schultzius, Witteb. 1632. 12mo, quem excerpfit Dn. Beyer Pos. ff. tit. de acceptil. posit. 6. seqq. Et hoc depositum tendit ad obligationem, quæ antea suberat, dissolvendam ac per illud dominium in Creditorem transfertur, unde postquam debitum semel ritè depo-

DEPOSITI VEL CONTRA. 23

depositum fuit, casus fortuitus superveniens non ad deponentem amplius, sed ad dictum creditorem pertinet, qui sibi imputare debet, quod non statim receperit rem depositam eandemque ipse melius custodiverit. Ast verò in illo deposito, de quo sub præsentì titulo agitur, inducitur demùm obligatio, quæ antea nondum suberat, & casus fortuitus ad deponentem adhuc spectat, neque enim hîc depositi contractus ad transferendum dominium habilis reputatur.

LIB. XVII. TIT. I. Mandati vel contra.

DIST. I.

Inter Mandatum *expressum* & *tacitum*.



*E*xpressum vocatur, quod per verba, *tacitum*, quod per facta contrahitur, v. g. quando quis aliquid me sciente & non contradicente suscipit. Differunt ergò quoad conceptum illa duo mandata, sed in usu praxeos non differunt. Illa enim regula tam affirmativè, quàm negativè jamdudum communi DD. calculo probata est: *Quicum-*

que expresse consentire potest, ille etiam tacite hoc facere valet : & contra : quicumque expresse consentire nequit, ille nec tacite hoc potest. Item : quod taciti & expressi eadem sit vis & efficacia. Quod propterea semel hic generaliter monuisse sufficiat, nam ad reliquos cujuscunque generis contractus, qui in tacitos & expressos dispescuntur, eodem modo pertinet, conf. Excell. Thomasius in *Jurispr. divin. l. 2. cap. 7. §. 24.*

DIST. II.

Inter Mandatum *judiciale & extrajudiciale.*

Hic repeti debent, quæ de pactis judicialibus & extrajudicialibus in genere supra *circ. fin. tit. de pactis* monuimus, quibus adhuc addere posses, actus judiciales facilius probari posse, quàm extrajudiciales. Atq; adeò regulas justitiæ regulariter quidem non exigere, ut aliquid in judicio fiat, benè tamen regulas prudentiæ. Adde & hoc, quod mandata extrajudicialia sint simplicia & nihil nisi qualem qualem consensus declarationem exigant; ast in judicialibus variæ clausulæ requiruntur, unde majori cautione etiam concipienda, ne exceptione insufficientis & inidonei mandati procurator à judicio repellatur, Illustr. Dn. Stryk. *Caut. Contr. Sect.*

Secl. 2. Cap. 11. §. 1. Unde in multis provinciis certa formularia typis expressa prostant, quæ tollendarum litium & disputationum causâ à partibus subscribi & nomina Procuratorum iisdem inseri solent.

DIST. III.

Inter Mandatum quod fit (1) *mandantis tantum*, (2) *mandantis & mandatarii conjunctim* (3) *mandantis & tertii*, (4) *Mandantis, mandatarii & tertii* (5) *tertii tantum*, (6) *Tertii & Mandatarii gratiâ*.

Sedes hujus distinctionis est in §. 1. 2. 3. 4. & 5. *J. de Mandat.* & in l. 2. ff. *eod.* & sic eadem est textualis, non magisterialis; Scio quidem, nonnullos impugnare pleraque hujus distinctionis membra, quod impertinentia sint & ad materiam mandati referri nequeant; sed illis satisfieri posse puto ex iis, quæ hic tradit Struv. *S. I. C. Exerc. 22. tb. 8.* Sic e. g. si Mandatum fit *tertii causâ*, non adest quidem obligatio in omnibus casibus ad illud expediendum; quod si tamen ego gesserim hactenus negotia Caji, eaque nunc ulterius Sempronio gerenda demandem, hic Sempronius, postquam semel in se su-

scepit expeditionem mandati, ad illud exequendum quoque sine dubio obstringitur. Sic, ut verbis dicti Struvii utar, si mandavi tibi, ut Titio pecuniam crederes, licet meâ non interesset credi, tamen si impletum est mandatum, tibi contra me ob pecuniam mandatu meo creditam Titio, competit actio mandati contraria.

Quicquid interim sit de usu theoretico; usum practicum, qui in præsentî ad nostrum scopum spectat, non adesse lubentes fate-mur. Omnis enim ille, qui ex mandato agit, interesse aliquod docere debet, ut ipse innuit Ulpianus in *l. 5. §. 6. ff. h. t.* aliàs enim agenti objiceretur exceptio: *Tuâ non interest.* Ex quo etiam dubitare liceret contra Struvium, an mandatum *tertiû tantum* gratiâ fieri posset, cum in exemplo ab eodem adducto mandantis, qui negotia Caji hactenus gesserat, omninò intersit, ut ea negotia continuentur, si scilicet connexa sint. Ergò omnes sex species mandatorum in eo conveniunt, quod agens semper ad proprium interesse provocare teneatur. Quamvis verò meâ hac vice magis intersit, quàm aliâ; hoc tamen non statim constituit peculiarem contractus speciem, quoad effectum talem, cum magis & minùs rem nunquam variare soleant.

DIST.

DIST. IV.

Inter *Mandatum, commendationem & consilium.*

IN *mandato*, prout modò dictum, semper ejus vertitur interesse, qui alteri mandavit & propterea a mandatario actione mandati contrariâ ad indemnitatem mandati nomine præstandam conveniri potest, *l. 15. §. 20. ff. h. t. l. 12. §. 9. cod.* Secus in *Consilio*, hîc enim, qui consilium dat, nullum planè interesse habet, sed ipsi perinde est, an perficiatur negotium, annon, unde non teneretur, quamvis res malè cesserit & quamvis ille, qui consilium est secutus, illud aliàs planè non fecisset, *v. l. 2. §. 6. ff. h. t. ubi ratio additur, scilicet, quia liberum est cuique, apud se explorare, an expediat sibi consilium, add. l. 1. §. 14. ff. de pos.* Excipitur consilium fraudulentum, ex generali fundamento, quod fraus nullibi impunita esse debeat, *l. 47. de R. J.* In *Commendatione* aliquo quidem modò commendantis interest, sed tamen nec hîc principaliter, & sic indemnitatem non promittit alteri intuitu rei, aut personæ commendatæ, sed tantum suadet atque adhortatur. Unde Ulpianus in *l. 12. ff. Mandati*, cum quidam, inquit, talem Epistolam scri-

scripsisset amico suo: *Rogo te, commendatum habeas Sextilium Crescentem amicum meum*: non obligabitur mandati, quia commendandi magis hominis, quam mandandi causa scripta est. Exceptio est inter mercatores. Et huc pertinet *Lib. 3. tit. 10. Jur. Lubec.* Vom Befehlich/ welcher rathswaise geschicht/ ubi ita dispositu: Will jemand einem frembden sein Guth nicht verkauffen/und ein ander stehet dabey und saget: Ihr möget es ihme woll vertrauen/ die Bezahlung wird euch woll: wird der Verkäuffer von dem Käuffer nicht bezahlet/ so muß/ derjenige zahlen/ welcher den Frembden loben thut/ dadurch der Verkäuffer versichert worden/ *quam materiam fusius prosequitur Finckelth. Observ. 16.*

LIB. XVII. TIT. II.

Pro Socio.

DISTINCT. I.

Inter societatem universalem *omnium bonorum & bonorum in specie.*

Quomodo quoad conceptum differant hæ duæ societates, satis explicat Lauterbach aliique DD. *ad b. t.* scilicet in societate *omnium bonorum* socius socio ad ea quoque communicanda tenetur, quæ titulò *lucrativo* obtinuit, v. g. here-

hereditatis, legati, fideicommissi, donationis, &c. *l. 1. §. 1. l. 3. §. 1. ff. b. t.* Mantica *de tacit. & ambig. convent. lib. 6. tit. 15.* aut in societate bonorum in specie (quæ & generalis vocatur) ea solum sibi invicem communicant socii, quæ titulò onerosò acquirunt, seu per quæstum & negotiationem, ut communiter loqui siveverunt, *l. 7. ff. b. t.* Felic. *de societ. c. 13. n. 5. seqq.* Usus practicus præcipuè circa quæstionem: *qualis in dubio societas præsumi debeat?* sese exserit. Putamus autem, in dubio societatem omnium bonorum non præsumi, sed pro societate bonorum in specie potius pronunciandum esse. Quoniam enim in priori illa socius filiam socii dotare ejusque filiis sumtus studiorum præbere tenetur, quamvis ipse filios aut filias non habeat, quorum intuitu alter socius idem vicissim præstare possit, *l. 73. §. 1. ibi: utrinque imputanda ff. b. t.* hinc aperte sequitur, quod dicta societas omnium bonorum involvat speciem alicujus donationis; aut verò hæc nunquam facta esse censetur, *v. l. 7. ff. b. t.* Et hoc ex iis quoque, quæ ante dicta sunt, confirmatur, quod nempe socius etiam ad lucrativa & sic etiam ad thesaurum inventum communicandum, ut vult Felic. *d. tr. c. 12. num. 24.* obstrictus sit, quod iterum donationem involvit.

Por-

Porro, in societate bonorum in specie requiritur proportio lucri percipiendi & damni sustinendi secundum quantitatem rerum illatarum, vel operarum, aut periculi etiam suscepti, *l. 6. §. l. 80. ff. b. t.* at in societate omnium bonorum lucrum & damnum æqualiter dividitur, quamvis res illatæ maximè inæquales sint, *Felic. c. 9. num. 23.* sibi enim imputare debet alter, quod cum eo, qui parum, aut nihil in bonis habebat, societatem contraxerit, & ergò de damno sibi obveniente conqueri non potest.

In societate omnium bonorum traditione aliqua opus non est, sed res, quæ tempore societatis initæ jam præsentēs sunt, ipsò jure traditæ esse censentur, *l. 1. §. 1. junct. l. 2. ff. b. t.* nisi quod juxta *l. 3. pr. eod.* nomina cedi debeant pro rata, puto ex illa ratione, quoniam ex hypothēsi Juris Romani nomina & actiones offibus contrahentium adhærent & ab illis sine cessione separari nequeunt. Sed in societate bonorum in specie actualis traditio requiritur, quippe cujus intuitu nulla in Legibus exceptio deprehenditur, unde hic valet, quod aliàs dicitur, contractus consensuales *perfectionem* suam quidem ex solo habere consensu, sed ad *consummationem* eorum traditionem etiam requiri.

Ce-

Ceterum etiam videri posset, in hoc latere differentiam, quod in *l. 16. ff. de re judic.* de sociis omnium bonorum solummodo dicitur, eos frui beneficio competentia, non autem de sociis in societate bonorum; Verum enim verò cum in *l. 63. ff. b. t.* (cujus idem est Auctor, Ulpianus,) dictum competentia beneficium etiam unius rei sociis tribuatur, hinc illud quoque sociis in societate bonorum generali haud denegandum esse videtur, praesertim cum *cit. l. 16. ff. de re judic.* non aperte socios bonorum excludat, vid. Berger *resol. LL. obst. b. t. qu. 15.* Illustr. Dn. Stryk. *not. ad Lauterb. b. t. verb. obst. 16.*

Ex hisce simul constat, quid differentia inter societatem universalem & specialem intercedat. Inter societatem generalem & specialem autem nullam aliam reperio quoad effectum differentiam, quam quod specialis finiatur, quamprimum negotium illud speciale, cujus intuitu contraxerunt socii, finitum est; societas universalis & generalis autem regulariter usque ad dies vitae durare solet. Fateor denique, societatem universalem hodie admodum raram esse.

Inter communicationem rerum illatarum *quoad fructus tantum, vel quoad ipsum dominium.*

USus hicprehenditur maximus. Si enim communicatio quoad ipsum dominium fit, tunc casum fortuitum in rebus communicatis contingentem uterque sociorum ex æqua parte ferre tenetur, quod secus est in priori casu, ubi res saltem quoad fructus communicatæ fuerunt, ibi enim damnum fatale ad unum socium solummodo pertinet. Sed quæritur: *quidnam in dubio præsumendum sit?* Respondet Lauterbachius aliique, videri debere, quid inter partes actum fuerit, juxta *l. 34. ff. de R. J.* sed cum hoc non semper appareat, ad conjecturas quandoque recurrendum est, ex quo nova quæstio exoritur, in quam partem conjectura tunc tendere debeat? Mihi ita videtur. Societas initur aut *de rebus promercialibus*, quas non ad perpetuum usum servamus, sed mox iterum in alios quæstus causa transferimus, quod fit in societate bonorum in specie & particulari communiter: aut vero initur *de rebus non promercialibus*, quas nobis conservamus, quotannis exinde fructus

PRO SOCIO.

3

fructus percipientes, quod regulariter in societate omnium bonorum obtinere solet. Priori casu puto, quod in dubio præsumi debeat, res quoad ipsum dominium collatas esse, & sic casum fortuitum ad utrumque pertinere, modò actualiter illatae sint, conf. *l. 58. §. i. ff. b. t.* secus in casu posteriori. Non obstat *l. 58. pr. ff. b. t.* ubi dicitur, si equus tuus (qui cum meis ad venditionem destinatus erat) ante venditionem moriatur, quod tu hoc casu de reliquorum pretio nihil consequaris, & sic periculum ad te solum pertineat; causa enim hujus assertionis est, quia equus nondum actualiter collatus erat, *cum non habenda quadriga, sed vendenda coita esset societas*, uti verba *d. l.* habent. Ceterum iudicium suum hinc cuilibet relinquo. Sanè si unus pecuniam contulit, alter solas operas præstitit, tunc DD. facile concedunt, & res ipsa loquitur, communicationem quoad fructus solum factam esse.

DIST. III.

Inter socium nomine *proprio*, aut
societatis nomine contra-
hentem.

C

DIST.


P*riori* casu sibi soli acquirit obligationem & exinde dependens jus agendi, contra ipsum solum quoque vicissim competit actio ei, cum quo contraxit, quia ejus fidem solum secutus est, non omnium sociorum, nisi res in utilitatem societatis versa probetur, Felic. *de societ. cap. 30. num. 13. § 41.* *Posteriori* casu subdistinguendum: *an prepositus fuerit negotiationi*, tunc enim socii indistinctè obligantur, quamvis res in societatis utilitatem versa non fuerit, ipsi tamen agere nondum possunt, nisi in subsidium, aut nisi actio fuerit cessa, ex subtilitate juris Romani, quia jura quæ sita ossibus contrahentium inhærent, à quibus absque cessione separari nequeunt. Quod si non fuit prepositus, socios planè non obligat, nisi versio probetur, aut secundum legem societatis contraxerit: sociis etiam hoc casu non competit jus agendi, v. Felic. *d. cap. 30. passim* & quos magno numero allegat Lauterbach. *b. t.*

LIB. XVIII. TIT. I.

De contrahenda em-
tione.

DISTINCTIO I.

Inter Emptionem *naturalem* (s. *œconomica*) & *artificialem*, (sive *negotiatoriam*.)

 *Economica* vocatur, quâ omnes patresfamilias indigent, quando scilicet ea sibi comparant, quibus in re domestica indigent: *artificialis* è contrario, per quam quæstus intenditur, qua occupantur mercatores. U-
sus se variis modis exserit. Scilicet ab emtio-
ne-venditione artificiali sive negotiatoria
excluduntur *Nobiles* & in dignitate consti-
tuti, v. l. 3. C. de *Commerc. & mercat. Clerici*,
c. 15. & 16. X. de vit. & honest. Cleric. & in ali-
quibus locis *forenses*, v. Mev. ad *jus Lubec.*
lib. 1. tit. 2. art. 5. item apud Romanos *Officia-*
les, qui officii causâ in provincia agebant,
l. 62. pr. b. t. l. 46. §. 2. ff. de *jur. fisc.* sed nemini
œconomica est interdicta. Quamvis etiam
apud *Protestantes* clericis permittatur,
C 2 quod

P*Riori* casu sibi soli acquirit obligationem & exinde dependens jus agendi, contra ipsum solum quoque vicissim competit actio ei, cum quo contraxit, quia ejus fidem solum secutus est, non omnium sociorum, nisi res in utilitatem societatis versa probe-
tur, *Felic. de societ. cap. 30. num. 13. & 41.* *Pos-*
teriori casu subdistingendum: *an preposi-*
tus fuerit negotiationi, tunc enim socii indi-
stinctè obligantur, quamvis res in societatis
utilitatem versa non fuerit, ipsi tamen age-
re nondum possunt, nisi in subsidium, aut
nisi actio fuerit cessa, ex subtilitate juris Ro-
mani, quia jura quæ sita offibus contrahen-
tium inhærent, à quibus absque cessione se-
parari nequeunt. *Quod si non fuit prepo-*
situs, socios planè non obligat, nisi versio
probetur, aut secundum legem societatis
contraxerit: sociis etiam hoc casu non com-
petit jus agendi, v. *Felic. d. cap. 30. passim*
& quos magno numero allegat *Lauter-*
bach. b. s.

LIB. XVIII. TIT. I.

De contrahenda em-
tione.

DISTINCTIO I.

Inter Emptionem *naturalem* (s. *œconomica*) & *artificialem*, (sive *negotiatoriam*.)

Quæ *œconomica* vocatur, quâ omnes patresfamilias indigent, quando scilicet ea sibi comparant, quibus in re domestica indigent: *artificialis* è contrario, per quam quæstus intenditur, qua occupantur mercatores. U-
sus se variis modis exserit. Scilicet ab emptione-venditione artificiali sive negotiatoria excluduntur *Nobiles* & in dignitate constituti, v. l. 3. C. de *Commerc. & mercat. Clerici*, c. 15. & 16. X. de vit. & honest. Cleric. & in aliquibus locis *forenses*, v. Mev. ad *jus Lubec. lib. 1. tit. 2. art. 5.* item apud Romanos *Officiales*, qui officii causâ in provincia agebant, l. 62. pr. b. t. l. 46. §. 2. ff. de *jur. fisc.* sed nemini *œconomica* est interdicta. Quamvis etiam apud *Protestantes* clericis permittatur,

quod jus commercii municipalis, Bürgerliche Nahrung zu treiben / e. g. Bier zu schenken &c. acquirere possint, v. Schilter. *Instit. jur. Canon. lib. 1. tit. 18. §. 12. Ordin. Eccles. Saxon. tit. de privil. & immun. Cleric. §. 3.* solennem tamen mercaturam nedum hodie exercere possunt. Rectè enim monet Schilter *loc. cit.* quod cavere debeat Minister, ne talis negotiatio in detrimentum sacri ministerii quoquò modò vergat, & quod abusu privilegium amittatur. Illud quoque extra dubium est, Nobiles frumenta ex prædiis suis redacta non minus, quàm alios, quæstus causâ vendere posse.

In Saxonia porro usus hujus distinctionis circa mulieres contrahentes deprehenditur, scilicet, emtionem æconomicam valide celebrant mulieres sine curatoris consensu, Curator enim toties præsens esse nequit, quoties mulieres carnes, pisces & id genus alia coëmunt. At emtio negotiatoria sine Curatoris consensu celebrari nequit, nisi forsan mulieres sint mercatrices, tunc enim aliud dicendum, quia hoc casu mulieres privilegia sua amittunt, cum inter mercatores juxta simplicitatem naturalem procedatur, v. Mevius *ad Jus Lubec. lib. 1. tit. 10. Art. 1. num. 61. 62.*

Occo.

Oeconomica quoque illi validè exercent, qui adhuc sub Tutela vel Cura constituti, cum de admodum exiguo eorum præjudicio agatur, quod in concedenda restitutione in integrum Prætor attendere non consuevit. Secus autem in negotiatoria vel artificiali, ubi de majori periculo metus subest.

Posses denique & hoc addere, quod in venditione & emtione œconomica plerumque locum habeat *pretium legitimum*, in artificiali autem *arbitrarium*; sed de usu hujus distinctionis mox in materia de pretio in specie agetur.

DIST. II.

Inter emtionem-venditionem *sine scriptis & in scriptis* factam.

Termini quidem hujus distinctionis nullâ indigent explicatione; sed usus exinde apparet, quando controvertunt: *utrum in dubio partes scripturam in emtione adhibentes eandem tanquam partem essentialem, vel melioris saltem probationis gratia adjece- rint?* seu, quod idem est: *utrum emtio in dubio sine scriptis, an verò in scriptis facta esse censeatur?* Hæc controversia ventilata fuit inter Illustr. Dn. Strykium & Consultiss.

Dn. Wilhelmum Leiserum, Professore[m] Wittebergensem, prout ex tractatu *de Cautelis Contract. Sect. 2. Cap. 8. §. 2. & 3.* nec non ex additamento ad dict. tract. citati Viri Illustris videri potest. Scilicet B. Brunnem. in Comm. Cod. ad l. 17. C. de fid. instr. (in qua lege sedes est hujus materiæ) expressum pactum desideraverat, atque adeo si illud non adsit, scripturam in dubio non ad essentiam, sed ad meliorem solummodò probationem à partibus adhibitam esse affirmaverat, quod impugnandum sibi sumebat Leiserus, cui deinde in Cautelis Contractuum responsum fuit. Nostrum non est, ut omnia, quæ ab utraque parte adlata fuerunt argumenta, hic inferamus, quippe quæ in citato Tractatu legi & videri possunt; hoc saltem dicimus, DD. in eo convenire omnes, quod in dubio partes ab ordinaria negotiorum humanorum natura recessisse non præsumantur, nisi aliud liquidissimè doceatur, cum autem natura emtionis-venditionis hæc sit, ut *solo consensu* perficiatur, hinc applicatio sine dubio facillè fieri poterit. Nondum ergo scriptura ad essentiam emtionis-venditionis pertinet, quamvis in actu contrahendi partes petierint, man solle Seder und Tinte hercin geben / oder man solle einen Notarium

DE CONTRAHENDA EMT. 39

rium hohlen/ welcher den Kauff-Contract auff-
setzen könne/ quod volebat Leiferus, hæc e-
nim verba ex substratæ materiæ natura ex-
plicari debent; sed requiritur, ut partes
dixerint, *perfectum non prius esse debere con-
tractum, nisi instrumento completo*: vel, *se
non aliter, quam in scriptis contrahere velle*:
item: Zu wissen/ daß heute dato ein schriftstel-
cher Kauff geschlossen/ v. cit. *additam.* §. XVI.
ubi aliæ adhuc formulæ deprehenduntur.

Sed quisnam, dicis, est hujus controver-
siæ usus? Maximus sanè, si enim expressè
conventum, quod emtio in scriptis celebra-
ri debeat, partibus facultas pœnitendi tam-
diu salva manet, quamdiu scriptura & ei
accedens subscriptio & subsignatio non-
dum completa est. At verò, si scriptura
probationis saltem gratiâ adhibetur, (quod
in dubio præsumendum esse modò dixi-
mus,) neutri parti facultas pœnitendi com-
petit, quamvis ne verbulum quidem literis
consignatum fuerit, quod in reliquis con-
tractibus consensualibus pariter observan-
dum.

DIST. III.

Inter emtionem *spei & rei sperata.*

Dupliciter explicant hanc distinctionem
DD. *Primò* quidem ita: Emtio rei spe-

ratæ dicitur, quando quis emit rem, quæ nondum existit, *naturaliter* tamen produci solet, v.g. fructus futuri anni: spei autem emtio, quando quis illud emit, quod non naturali ordine, sed *per accidens* percipitur, v.g. jactus retis, de quo in *l. 12. ff. de act. emt.* juxta hanc explicationem usus distinctionis in oculos incurrit, scilicet emtio spei pura est, & inde, etiamsi nihil captum, integrum tamen pretium exolvendum, cum spes & alea locò rei venditæ sit, v. Molina *de I. & I. tr. 2. Disp. 340. n. 14.* Mantica *de tac. & ambig. convent. lib. 4. tit. 18.* Emtio autem rei speratæ tacitam in se continet conditionem, *si fructus nati fuerint*, unde si nihil natum, nihil etiam debetur, sed potius pretium, si jam in antecessum solutum, iterum repetitur; è contrario si aliquid, licet minimum natum fuerit, emtor ad integrum pretium obligatur, Illustr. Dn. Stryk *Caut. Contr. Sect. 1. c. 3. §. 4. & sect. 2. cap. 8. §. 9. & 10.*

Deinde nonnulli etiam ita explicant traditam distinctionem, ut quoad res, quæ per accidens percipiuntur, subdistinguant, an nempe aliquid v.g. *pro piscibus extrahendis*, Was soll ich euch geben vor die Fische/so ihr in diesem Zuge fangen werdet; utrum verò
pro

pro jactu retis, was soll ich euch vor den Zug geben? *promissum fuerit*. Priori casu vocant *rei sperata*, posteriori autem *spei emtionem*, quò collimat Lauterbach *Comp. jur.*, *h. t.* ibique Illustr. Dn. Stryk *verb. si nihil captum*. Mihi quidem illa explicatio non adeò absurda esse videtur; sed cum plerosque interpretes eandem rejicere videam, hinc usum ejus practicum Lectori commendare non audeo.

DIST. IV.

Inter emtionem rei *demonstrative*,
restrictive & modificative
factam.

D*Emonstrative* emtio facta esse dicitur, quando corporis primò fit mentio & deinde etiam quantitatis secundariò, v. g. Es verkaufft Cajus dem Sempronio allen in seinem Keller vorieho befindlichen Wein/ welcher etwa 12 Eymmer austragen wird. Dicitur etiam emtio *per aversionem* facta, überhaupt/ im Pausch und Bogen.

E contrario, si emtio *restrictive* fit, primariò ad certam quantitatem respexerunt contrahentes, v. g. Es verkaufft Mevius dem Ulpiano 12. Eymmer Weins/ welche ihm aus seinem/ des Mevii Keller/sollen gelieffert werden.

Modificative autem contrahitur, quando

quidem corporis primò fit mentio, quantitas tamen ut modus adjicitur, sine quo quis contracturus non fuisset, v. g. Es verfaufft Titius dem Javoleno allen in seinem Keller befindlichen Wein/ledoch will Titius zum wenigsten 12. Eymern gewehren.

Ufus distinctionis in eo consistit. Si venditio *demonstrativè* celebratur, tunc contractus mox est perfectus & periculum emtoris, nec diminuitur, vel augetur pretium, si plus vel minus deinde factà mensuratione deprehendatur, quàm quidem ab initio putarunt contrahentes, Mantica *de tac. & ambig. convent. lib. 4. tit. 17. num. 2.* Carpzov. *lib. 5. Resp. 25. num. 6.* Illustr. Stryk *Caut. Contract. sect. 2. cap. 8. §. 30.*

Secus, si *restrictivè* quid venditum. Tunc enim periculum ante mensurationem ad venditorem spectat, cum antequam illa facta, contractus ratione periculi perfectus non sit, l. 2. *C. de peric. & commod. rei vend.* quantitatis etiam defectus & excessus perinet vel ad damnum, vel ad emolumentum venditoris, Carpzov. *loc. cit. n. 16.*

Denique si *modificativè* contractus initus est, periculum statim emtoris est, cum contractus sit purus modusque adjectus ejus validitatem non suspendat. Si tamen minus

DE CONTRAHENDA EMT. 43

nus reperitur, quàm in adjecto modo expressum fuit, hoc damno venditoris cedit; si plus, hoc emtor tanquam lucrum retinet. Modus enim in favorem emtoris, non venditoris, adjectus fuit, conf. B. Brunnem. *in pecul. Disp. de vendit. ad corpus & quantit. passim.* Molina de J. & J. Tr. Disp. 367. num. 9.

DIST. V.

Inter Venditionem uno nummo & pro justo pretio factam.

PRior revera non est emtio, sed donatio, *arg. l. 10. §. 2. ff. de acqu. vel amitt. possess. neque in l. 66. ff. de jur. dot.* contrarium asseritur, sed illa ipsa lex in verbis: *remedii loco & c.* indicat, sermonem ibi esse de venditione imaginaria, v. Gothofred. *in not. ad d. l.* Dicitur autem venditio unò nummò facta, quoties pretium pro re vendita oblatum, ne minimam quidem proportionem cum eadem re habet, unde si e. g. prædium, cujus verum pretium est 2000. thal. pro 50. thal. venditur, tunc etiam 50. thal. hoc respectu & in sensu juridico unus nummus dicuntur, quamvis juxta sensum grammaticum aliud dicendum foret.

Ufus distinctionis in eo consistit: Veram venditionem omnes celebrare possunt, qui
aliàs

aliàs ad celebrandos contractus idonei sunt; aut simulatam non omnes. Sice.g. si conjux conjugi aliquid pro uno nummo vendidit, negotium non subsistit, quia Conjuges sibi donare prohibentur, v. l. 38. ff. b. t. sic quoque venditio unò nummò facta insinuationem judicalem requirit, si res imaginariè vendita pretium quingentorum solidorum excedit, nec non ob ingratitudinem emtoris iterum revocari potest à venditore, quæ omnia in vera venditione secus se habent.

DIST. VI.

Inter *Emtionem & Pactum de emendo.*

EMtio dicitur, quando non solum de *re vendenda*, sed etiam de *certo pretio* constat, hæc duo enim ad essentiam hujus contractus pertinent. At in *pactò de emendo*, de *re* saltem constat, non autem de *certo pretio*, ergo alterum requisitum deficit & sic nec actio ad tradendum, nec ad pretium solvendum exinde proficiscitur. Hunc tamen effectum ejusmodi pacto tribuunt, ut si res in eodem statu permanserit, venditor huic potius, quam alteri cuidam rem suam vendere teneatur, suppositò scilicet, quod

quod hic paciscens idem pretium, quod alter forsan obtulit, cum iisdem conditionibus solvere paratus sit, v. Illustr. Dn. Strykin not. ad Lauterbach. b. t. verb. Differat.

DIST. VII.

Inter pretium *legitimum* s. *legale*,
& *arbitrarium*.

Legale imponitur à Legislatore regulariter illis rebus, quibus quotidie indigemus, v.g. pani, cerevisiæ, carnibus, &c. *arbitrarium* autem quilibet privatus pro ratione circumstantiarum determinat in rebus reliquis, v.g. ædibus, fundis, &c.

Quoad usum hæc cape. Legale pretium accuratè est observandum, còque non observatò contrahentes statim de læsione queri possunt, quamvis læsio sit minima, arg. l. 5. C. de LL. conf. text. 2. F. 27. §. 4. sed in pretio arbitrario nemo de læsione querens auditur, nisi læsio dimidium justipretii excedat, v. l. 2. C. de resc. vend. Excell. Dn. Thomafius *jurisprud. divin. l. 2. cap. II. §. 54. seqq.* ubi in specie §. 57. notat, quod intuitu pretii legitimi interdum nec minus accipere liceat, si e.g. determinatio ejusdem pretii ad prohibitionem monopoliorum respexerit. Curiosum exemplum ad hanc mate-

materiam pertinens refert Pufendorff. *de J. N. & G. lib. 5. cap. 1. §. 8. in fin.* in Civitatibus Græciæ receptum fuisse, ut venditores piscium non sedere deberent, sed stare, ut standi tædio lassitudineque confecti quàm recentissimos & pretio æquo venderent.

DIST. IIX.

Inter substantialia, naturalia & accidentalia contractuum.

PERTINET quidem hæc distinctio ad materiam de contractibus in genere; sub præsentī tamen titulo à Lauterbachio tractatur, cujus vestigia sequi volumus. Scilicet *substantialia* vocantur, quæ ad constitutionem alicujus contractus necessario requiruntur, & propterea per pacta adjecta mutari nequeunt, quemadmodum homo esse nequit, cui vel anima rationalis, vel corpus humanum deest, v. *l. 36. ff. b. t.* ubi dicitur, *quod non videatur vendere, qui in venditione rei pretium ponit, donationis causa illud non exacturus.* Talia substantialia sunt in *mutuo*, ut rei fungibilis dominium transferatur: in *commodato*, ut rei non fungibilis usus certus concedatur, (hinc si dominium in commodatarium transfertur, fit commodatum irregulare, Mantica *de tac. & ambig. conv. lib. 9. tit. 3. num. 10.*) in *Deposito*,

sito, ut custodia alteri demandetur, si enim jus utendi consequitur depositarius, fit iterum irregulare depositum, id est, planè definit esse positum & fit mutuum: in *pignore*, ut nudum jus detinendi consequatur creditor: in *emtione*, ut res pro certo pretio tradatur: in *locatione*, ut usus rei vel opera pro certa mercede præstetur: in *feudo*, ut dominium utile sub lege fidelitatis concedatur, & ita in reliquis.

Naturalia dicunt, quæ regulariter contractum jam constitutum consequuntur, non minùs, quàm ut in homine, postquam ex anima & corpore constitutus est, partes integrales, manus, brachia, pedes, &c. regulariter adesse solent. Sed quemadmodum defectus ejusmodi partium integralium essentiam humanam non tollit: ita quoque licet naturalia contractus absint, contractus ipse tamen propterea novum nomen neutiquam consequitur. Sic in *mutuo* ad naturalia refertur, quod gratis fiat: In *commodato*, quod culpa levis: in *emtione*, quod itidem culpa levis & evictio præstetur, idem in *locatione*. In *feudo*, quod servitia præstentur: quod soli masculi succedant: quod feudum gratis concedatur, &c. quæ omnia ipsis tyronibus nota sunt, & sic probatione aliqua non indigent.

*Accidental*ia denique sunt, quæ à partibus adjiciuntur, nec regulariter adsunt, prout interdum homines deprehenduntur, qui sex digitos habent, vel quibus etiam una ex partibus integralibus deest. Sic in *mutuo* interdum præstantur usuræ, cum tamen mutuum suâ naturâ sit gratuitum: in *commodato* interdum commodatarius ad levem saltem culpam obstringitur: in *pignore* verò & in *emtione* aliisque similibus contractibus non rarò ad levissimam. Ita in *emtione* sæpè remittitur necessitas evictionis: fides habetur de pretio: adjicitur pactum additionis in diem, Legis commissoria, de retrovendendo, & similia: in *locatione* merces per anticipationem solvitur, aut conductor casus fortuitos in se recipit: In *feudo* interdum foeminae succedunt: servitia remittuntur, unde feudum francum: feudum emitur, & quæ sunt sexcenta in reliquis contractibus alia.

Ex adductis quoad usum sequentes profluunt assertiones:

Essentialia non solum adesse præsumuntur, sed nec pacto contrahentium salvò contractu mutari possunt.

Naturalia adesse quidem præsumuntur; sed pacto tamen mutari possunt, quamvis ille,

ille, qui hoc factum esse dicit, ad ejus probationem obstringatur, cum scilicet partes in dubio à dispositione juris communis recessisse non videantur.

Accidentalialia adesse non præsumuntur, adjici tamen possunt, & tunc illi, qui hoc asserit, itidem necessitas probandi incumbit.

Consueverunt nonnulli adlata hæc sequentibus terminis succinctè exprimere: quod essentialia *debeant*: naturalia *soleant*: & denique accidentalialia adesse *possint*.

DIST. IX.

Inter Naturalia *interna* & *externa*.

Hanc distinctionem tanquam à se primis inventam tradit atque multis commendat Udalr. Zasius *in intellectu. juris singular. rubr. de substant. & natural. contract. p.m. 88.* Naturalia *interna* vocat, quæ per

naturam coherent & ex visceribus contractuum sumta, quasi intrinseca qualitate insunt, tanquam virtus à propria contractus specie producta. Logici, addit, propriam passionem rerum nominant, velut ab essentialibus principiis enatam. Tale est, ut in contractu emtionis dominium per traditionem in emtorem transeat, nec non, ut in

D

loca-

locatione conductor facultatem utendi re locatâ consequatur. Lauterbach *ad b. t.* huc quoque doli præstationem retulit.

Externa describit idem Zasius, quæ contractibus ex consuetudine adsunt, & non alia ratione naturalia dicuntur, nisi quod frequentiori & assidua consuetudine, quæ in nomen naturæ transiit, ad contractus accesserunt. Huc refert evictionis & culpæ præstationem, & reliqua, quæ nos antea ad naturalia in genere retulimus.

Usum distinctionis esse dicit Zasius, quod naturalia quidem externa pactis contrahentium mutari possint, non autem interna, v. g. ne dolus præstetur, ne dominium in emptione transferatur &c. quò ipso, subjungit, commodè respondi posset ad *l. 80. §. fin. ff. de contrab. emt.* & ad *l. 24. ff. de pos.* juxta quos textus aliàs ex mente Zassii naturalia mutari nequeunt, unde maximam in explicando difficultatem orituram esse putat, nisi quis illas duas naturalium species admittere vellet.

Quamvis verò illa subtiliter disputari possint, (ipse enim Zasius fatetur, rem eam egere ingenio & quidem instructo, ne substantialia cum naturalibus inseparatis misce-

sceantur) quantum tamen ad usum practicum attinet, inter illa duo, *substantialia* contractuum eorumque *naturalia interna*, nulla differentia adesse & sic entia præter necessitatem multiplicari videntur. Omnia enim, quæ de substantialibus prædicantur, etiam de memoratis naturalibus internis prædicari possunt & vice versa. At verò duas res, de quibus eadem in universum & affirmantur & negantur, nihilominus diversas species esse posse, ex regulis Logicorum non recorder. Consensus est sine dubio primum omnium contractuum substantiale, ergò & ad eorum substantiam pertinet, ut dolus consensui oppositus exulet. Ita quoque sine dubio ad essentiam emtionis pertinet, ut dominium per traditionem transferatur, aliàs enim non esset emtio, id est, titulus dominii acquirendi habilis. Et sine causa Zasius *cit. leges* tanquam obstantes & difficilis interpretationis sibi imaginatus est; cum in illis, quantum ego quidem legere potui, hoc non dicatur, quod ea, quæ adduxit Zasius, ad naturalia pertineant. Et quid si hoc etiam in iisdem vel in aliis juris textibus diceretur? Abusivè hoc fieret, ut sæpè in aliis casibus,

sibus, sed eo ipso nova distinctio non introduceretur.

Reliquæ Distinctiones de pactis mutantibus vel adjicientibus aliquid: de pactis ex intervallo & in continenti adpositis, &c. jam ex iis, quæ ad tit. *de pactis* in genere diximus, dijudicari possunt,

DIST. X.

Inter Jus *protimiseos* & *retractus*.

PROfluunt hæc duo ex uno eodemque fonte, & cuicunque competit jus protimiseos sive ex speciali pacto, sive immediate ex Legis dispositione, ille etiam jure retractus gaudet, & vice versâ. Differunt ergò solummodò quoad diversum conceptum. Jus *protimiseos* est facultas, venditionem adhuc perficiendam oblato eodem pretio, quod tertius solvere paratus erat, *impediendi*; jus *retractus* è contrario, venditionem jam perfectam (scilicet, quæ me non consentiente nec juri meo renunciante celebrata) iterum *rescindendi*. Plura ad hanc materiam pertinentia collegit ex Tiraquello aliisque Gothofr. Anton. *Disp. feudal. 10. thes. 1.*

DIST.

DIST. XI.

Inter *Jus retractus & pactum de retrovendendo.*

SÆpè quidem Jus retractus tam latè à DD. accipitur, ut quoque pactum de retrovendendo sub se comprehendat; interim tamen accuratè loquendo alterum ab altero longè est diversum. Scilicet propter præcedens pactum de retrovendendo venditori intra vel post præfinitum tempus rem venditam *simpliciter & absque ullo respectu* reemere permittitur; ast ius retractus locum non habet, nisi eò casu, quando *emtor rem emtam in tertium extraneum ulterius transferre intendit*, unde si liberi succedant patri mortuo, vel pater etiam vivus liberis suis eam rem cedat, jus retractus nondum locum invenit, quia hîc non subest alienatio in tertium aliquem, v. Faber in *Codic. lib. 8. tit. 38. D. 21.* Illustr. Dn. Stryk in *not. ad Lauterbach. b. 1. Verb. iterum vendita.*

DIST. XII.

Inter *ius retractus ex Lege, & ex conventionione* competens.

Hujus distinctionis mentionem paulò ante injecimus sub *Dist. X. b. tit.* quæ ad eò

nunc aliquantò accuratius excutienda erit. Scilicet, si ex *ipsa lege* competit jus retractus, tunc res contra legis dispositionem tertio vendita, à quocunque possessore iterum repeti potest, modò hoc intra annum à die adeptæ scientiæ, rem venditam esse, suscipiatur v. 2. *Feud. 26. §. Titius. Carpzov. P. 2. C. 32. Def. 2.* unde hæc actio communitè etiam illis, quæ in rem scriptæ dicuntur, accenseri solet, Gail. 2. *Obs. 19. num. 6. v. Struv. Jurispr. Rom. Germ. l. 3. tit. 11. apb. 33.* Idem est, si jus retractus *ex testamento* mihi competat, quamvis hîc nonnulli dissentiant, v. Struv. *l. c. apb. 21. in f.* Verùm enim verò quotiescunque quis dictò jure *ex conventionne* fruitur, tunc cautus esse debet, ut interveniat, antequam res vendita novo emtori tradita fuerit? Post traditionem enim jus retractus adhuc quidem effectum suum habet, non tamen talem, ut tertium possessorem convenire possim, sed contra illum solummodò, qui vendendo leges pacti violavit, actio ad interesse datur, idque intra 30. annos. Exceptio esset, nisi quis hypothecam sibi constitui curasset, vel pactum etiam commissorium adjecisset, tunc enim actione hypothecaria, vel ipsa rei vindicatione adversus quemcunque possessorem intra

DE IN DIEM ADDICTIONE. 55

intra tempus hiſce actionibus præſinitum experiri liceret, conf. Illuſtr. Stryk. *de inveſt. action. ſect. 1. membr. 6. §. 24. 25. 26.* Thom. Maul. *de emt. vendit. tit. 7. num. 81.* Carpzov. *loc. cit. Def. 8. 9.* Struv. *alleg. loc. apb. 21.*

Deinde hoc quoque tanquam notabilis differentia obſervandum, quod jus retrahendi ex pacto competens cuilibet cedi poſſit, niſi ad perſonam paciſcentis reſtrictam ſit, Mod. Piſtor. *p. 3. qb. 169.* Maul. *d. l. 7. n. 46.* quod ſecus in eo, quod ex legis diſpoſitione competit, Boer. *decif. 159.* Struv. *d. l. apb. 23. & 32.* qui etiam omnes caſus, quibus ex ipſa lege jus retractus competit, accuratè recenſet *aphor. 25. ſeqq.*

LIB. XIIIX. TIT. II.

De in diem additione.

DISTINCT. I.

Inter Pacta, quæ *ex tunc* & quæ *ex nunc* venditionem factam reſolvunt.

TErmini huius diſtinctionis paululum obſcuri ſunt, non tamen utilitate ſua deſtituuntur, ſi quis ritè eos intelligit. Scilicet, ſi pacta venditionem

resolvunt *ex tunc*, tunc retrotrahuntur ad tempus initi contractus & perinde habetur, ac si contractus nunquam celebratus fuisset, unde etiam ille, qui hactenus rem emtam possedit, omnes fructus & accessiones unà cum ipsa re principali restituere tenetur. Exemplum est in pacto addictionis in diem & L. Commissoriae, v. l. 4. §. 4. l. 6. pr. l. 16. ff. b. t. l. 5. l. 6. §. 1. ff. de L. Commissar.

Quoties verò venditio *ex nunc* resolvitur, v. g. in pacto de retrovendendo, tunc emtor omnes ac singulos fructus durante tempore retrovenditionis perceptos irrevocabiliter retinet, nec venditori, qui postea rem vi hujus pacti recipit, ad eos consequendos ulla suppetit actio, conf. l. 2. C. de pact. inter emt. & vendit. compos. ibi: *habita ratione eorum, quæ post oblatam ex pacto quantitatem.*

DIST. II.

Inter Additionem in diem *tacitam & expressam.*

Taciti quidem & expressi eandem esse vim & efficaciam alibi diximus & sic hoc intuitu nullus adlatæ distinctionis usus deprehenditur; exerit se tamen ille intuitu quæstionis: *annon interdum additio in emtio-*

DE IN DIEM ADDICTIONE. 57

emtionem subintelligatur, quamvis expressa non fuerit? Hic distinguendum est, utrum vendita sit res à *privato* aliquo, an verò ab *ipso Fisco*. Priori casu addictio in diem tacita nunquam subintelligitur, sed indistinctè & necessariò adjicienda est, si quis ejusdem effectibus perfrui velit; ast posteriori casu ejusmodi adjectio expressa non requiritur, sed addictio in diem venditionibus Fiscalibus ex legis dispositione jam inest, *l. 21. §. 7. ff. ad municipal. l. 4. C. de fid. & jur. bast. fisc.* ibique Gothofredus *in not.* Cujac. *l. 2. obs. 24.* modò tamen adjectio ab alio licitatore intra tempora subhastationi præfinita fiat, quæ tempora pro diversitate provinciarum admodum variant.

DIST. III.

Inter additionem in diem sub conditione *suspensiva & resolutive* factam.

EXplicatur hæc distinctio in *l. 2. pr. ff. b. l.* Quod si enim Partes dixerunt: *ut meliore conditione adlata (ab emtione) discedatur*, *resolutiva*; si ita: *ut perficiatur emtio: nisi melior conditio offeratur*, *suspensiva* conditio adest.

Ufus practicus maximè in quaestione de-

sustinendis calibus fortuitis rei venditæ accidentibus deprehenditur. Quod si enim per modum conditionis suspensivæ additio in diem adjicitur venditioni; casus fortuitus eâ pendente accidens ad venditorem pertinet, quia ipse adhuc fuit Dominus: contrà, si res sub conditione resolutive alicui addicitur, dominium statim ad emptorem transit & per consequens hîc etiam ex naturâ dominiî damnum fatale pati tenetur, *l. 2. §. 1. l. 3. & l. 4. ff. b. t. Dion. Gothofr. ad d. l. 2. §. 1. b. t.*

Porro in priori casu emptor nec usucapit, nec fructus percipit; benè tamen in posteriori, *dd. text.* modò scilicet melior non adferatur conditio, tunc enim omnia restituenda sunt. Quod & tunc obtinet, licet primus emptor ad idem solvendum paratus sit, quod tertius aliquis obtulit. Ad idem, inquam, solvendum. Quamvis enim Dn. Beyer in *Posit. b. t. posit. 17.* in eâ opinione sit, *quasi in venditionibus privatis prior posteriorem in pretio superare debeat, & quod textus communiter afferri soliti aliud non probent*; nescio tamen, quid sibi velint verba Pauli in *l. 8. ff. b. t.* quando dicit, venditorem meliore conditione adlatâ priorem emptorem certiores facere debere, *ut si quid*

quid (non plus quam) *alius adjicit, ipse quoque adjicere possit.* - Neque refragantur verba ejusdem Pauli in *l. prac. 7. b. t.* ibi: *nisi prior paratus sit plus adjicere;* hic enim *tò plus* non refertur ad illud, quod *secundus emtor obtulit*, sed ad pretium *ab ipso priori emtore oblatum*, cui nostræ opinioni præterea etiam praxis suffragatur.

DIST. IV.

Inter pactum additionis verbis *directis & obliquis* conceptum.

PRius fit per verba resolutionem prioris contractus directo & ipso jure atque sine ullo emtoris facto intercedente inferentia, v.g. *res esto inempta, contractus esto nullus, liceat venditori rem suam vindicare, recipere, &c.* & tunc, quamvis emtor rem sub hoc pacto emptam de facto interim alienaverit venditor tamen eandem à quocunque possessore vi Dominii sibi competentis vindicare poterit. Secus est, si verba ita concipiantur, quod *emtor meliore conditione adlata rem restituere teneatur, &c.* tunc enim venditori nuda personalis actio adversus emtorem ad illam restitutionem faciendam competit. Unde est, quod svadet Illustr. Stryk in *Caut. contract. sect. 2. Cap. 8.*

§.27. venditorem, si cautè procedere velit, directis potius, quam obliquis verbis uti debere. Idem in reliquis pactis resolutivis observandum.

LIB. XIIX. TIT. III.

De Lege Commissoria.

DISTINCT. I.

Inter L. Commissoriam *cum die*
& *sine die.*

U Sus in eo consistit, quod *priori casu* mora sine ulla interpellatione contrahatur, cum & hic dies pro homine interpellet, quam tamen moram emtor tamdiu purgare potest, quamdiu venditor nondum declaravit, utrum jure suo uti velit, an minus. *Posteriori casu* ad id, ut emtor in mora constituatur, interpellatione sine dubio opus est, v.g. si dixerit emtor, *Er wolle das Kauffgeld in kurzem bezahlen* / hoc enim in puncto non consistit. Verum enimverò licet ita mora ex interpellatione oriatur, eam tamen usq; ad litis contestationem purgari posse, asserunt DD. conf. Lauterbach. *ad b. l.*

LIB. XII. Tit. IV.

De Hereditate & actione vendita.

DISTINCT. I.

Inter Hereditatem *delatam* & *futuram*, & hanc vel *tertii certi*, vel *incerti*.

Hereditas jam delata non minus dispositioni nostræ subjacet, quàm aliæ res, & ergò eandem quoque vendere sine dubio permissum. Ast in hereditate futura non item. Hic enim subdistingueudum, an vendatur hereditas *tertii certi*, utrum verò alicujus *incerti*. Priori casu venditio non est permissa, ob votum captandæ mortis, nisi tertius ille consentiat & in eodem consensu persistat, v. *l. ult. C. de pact.* Secus autem est *posteriori* casu, ubi ejusmodi præsumtum votum captandæ mortis cessat, & sic quoque ratio *all. l. ult.* deficit, in qua lege dicitur, pacta de hereditate *tertii certi* odiosa esse & tristissimi & periculosi eventus plenissima, atque adeò contra bonos mores ea impingere, v. Hartman. Pistor. P. 4. qu. l. n. 5. § 29.

DIST.

DIST. II.

Inter Pacta de hereditate *conservativa*, *acquisitiva*, *restitutiva* & *renunciativa*.

Pacta *conservativa* vocantur, quæ inter cognatos, jure successionis ab intestato jam aliàs gaudentes, interponuntur, eò fine, ne forsàn à sperata successione per testamentum cognati excludantur. Talia sunt, quando e.g. filius metuit, ne à patre propter delictum ex *Nov. 115.* admissum exheres fiat, & propterea cum eodem paciscitur. Item, quando frater cum fratre pactum init, ne facto testamento extraneum instituat, v. Struv. *S. J. C. Ex. 10. 1b. 11. in fin.* Hæc ipsò jure Romano (& sic multò magis moribus nostris) permissa esse, ostendit Illustr. Stryk *in tr. de success. ab intest. Diss. 8. Cap. 12. §. 16. & 17.*

Acquisitiva sunt, quibus novum planè jus successionis nobis obvenit, quod aliàs nec ex jure civili, nec ex Prætorio habebamus. Hæc jure Romano militibus quidem permittuntur, *l. 9. C. de Pact.* neutiquam verò paganis, idque, sive simplicia sint, sive reciproca, prout contra Gailium, Musculum alios-

aliosque ostendit Id. *d.l. §. 19. seqq.* Sed quid moribus nostris? inter Personas illustres, Status scilicet Imperii aliosque Imperio immediatè subjectos, ea licita esse, unanimis DD. est assertio, unde pacta *confraternitatis & Ganerbinatus* originem habent, v. Hahn *de jur. rer. conclus. 74. num. 34.* Myler. ab *Chorenbach de Princ. & Stat. Imper. P. 1. c. 25. §. 33.* Strauch *Dissert. Acad. 3. apb. 7.* de Nobilibus mediatis idem asserit Nic. Bets. *de pact. fam. cap. 5.* verum reclamant reliquorum cohors, & sic illis quoque, qui civici ordinis sunt, hoc jus ineundi pacta denegat. Rationem differentiae adducunt, quia Principes Imperii legibus civilibus sunt soluti & sic quoad successionem proprias leges sibi ipsis condere possunt, Bets. *loc. cit. cap. 4.* Klock *Tom. 3. Cons. 150. n. 6.* Illustr. Dn. Stryk *cit. tr. Diss. 8. c. 7. §. 19.* quod aliter sese habet intuitu subditorum quippe quos jus civile adhuc stringit. Concedunt tamen privatis pacta *inter conjuges & unionis prolium*, de quibus prolixè agitur in *d. Diss. 8. cap. 5. & 6.*

Restitutiva pacta involvunt fideicommissum aliquod, dum de unius ex paciscentibus propria hereditate alteri paciscentium, aut illi, cui is vult, testituenda ineuntur. Hæc
jure

jure Romanò jam licita fuisse probatur *cit. loc. cap. 9. §. 4. & cap. 12. §. 37.* hodiè inter familias illustres præcipuè frequentantur, unde bona *Majoratus* seu *Senioratus*, *d. Cap. 9. §. 7.*

Denique *renunciativa* vocantur, quando quis hereditatem aliàs ad se pertinentem spontè omittit, v. g. si filius propter acceptas studiorum impensas, vel filia propter acceptam dotem, reliquæ hereditati paternæ renunciat. De hac quidam disputant, utrum de jure Romano valuerit, annon, & non pauci negativam defendunt; verùm enimverò ut rationes ab utraque parte adferri solitas prolixè hic recenseamus, instituti nostri non est, videsis *Illustr. Dn. Stryk. d. Diss. 8. Cap. 12. §. 38. seqq.* qui affirmativam propugnat. Nobis sufficere potest, quod juxta mores hodiernos validitas ejusmodi pactis non denegetur, idque sive à privatis, sive ab illustribus personis celebrentur, v. *Carpzov. P. 2. C. 35. Def. 8.* Exempla habes in *cit. tr. de success. ab intest. diff. 8. c. 10. §. 4. seqq.* v. *Guttierrez in c. quamvis 2. de pact. in 6. verb. filia num. 4.* *Struv. Exerc. 35. thes. 50.* Id probè hic observandum, quod non nuda sufficiat renunciatio, sed quod ea jurementò confirmari debeat, *c. 2. de pact. in 6.*

Coler.

DE HERED. ET ACT. VENDIT. 65

Coler. *Decis.* 38. adeo, ut assertionem bey Fürstlichen/Gräfflichen/Ädelichen Ehren/ item an Eydesstatt/non sufficere statuunt, Kellenbentz *de renunciat. success. quest.* 3. secus de jure Saxonico communi, ubi tale juramentum non exigitur, sed sola renunciatio sufficit, *Land. R. lib. 1. art. 13.* Richter *Decis.* 69. num. 7. seqq. Struv. *cit. Exerc.* 38. *ib.* 50.

DIST. III.

Inter venditum nomen *verum*
& *bonum.*

Duplex in nominibus cessis moveri solet quæstio: (1) *an revera debeatur?* & (2) *an etiam debitor solvendo sit?* Ex affirmatione prioris, *veri*; ex posterioris autem, *boni* nominis prædicatum oritur. Non sunt hæc nuda saltem vocabula, ab otiosis metaphysicis inventa, sed effectum quoque post se trahunt. Quæritur enim: *an cedens ad utrumque, verum scilicet & bonum nomen, an verò ad alterutrum solummodo præstandum obligetur?* Respondet Ulpianus in *l. 4. ff. b. i.* si nomen sit distractum, locupletem esse debitorem, non debere præstare: debitorem autem esse debere præstare, nisi aliud convenit. Quod variis modis ampliant DD. scilicet, quamvis jam periculum tem-

pore venditionis adfuerit & venditor evictionem expresse promiserit, aut denique emtor ignoraverit, debitorem non esse solvendo, Frantzk. *ad tit. de evict. num. 25. 27. seqq.* Lenz *de nom. cess. c. 27. Membr. 7. 14. 15. seqq.* Lauterbach *ad b. t.* Exceptio est, nisi in dolo fuerit cedens, aut expresse promiserit, quod non solum *verum*, sed etiam *bonum* nomen emtori præstare velit, v. Aut. *allegg.*

DIST. VI.

Inter actionem *utilem & directam* à cessionario institutam.

Vtilem actionem illam vocant, quando Cessionarius *sibi* obligatum esse dicit Debitorem, *seque* creditorem appellat & *venditionem, vel donationem* tanquam *titulam cessionis* allegat; E contrario autem *directam*, quando cessionarius *in personam cedentis* concludit, & *in ipsa cessione* sese fundat, Franc. Caldas *de emt. vendit. c. 24. num. 28.* B. Brunneman. *de cess. act. c. 5. n. 19.* Subtiliter satis! unde videri poterat, hic idem applicandum esse, quod aliàs de distinctione inter actiones directas & utiles diximus, eam merè theoreticam esse & nullum omnino in praxi usum præstare; sed
nescio,

nescio, quò factò evenerit, quod communiter DD. hâc parte adhuc utilitatem aliquam adesse asserant.

Scilicet usus juxta eos conspicitur (1) *intuitu reconventionis à debitore cesso instituta*. Quod si enim directa egerit actione cessionarius, ad eandem respondere tenetur; secus, si utili, v. Brunneiman. *d.c.5. num. 10. & 11.* ubi tamen prius in eò casu limitatur, si cessio necessaria fuerit, aut voluntaria quidem, sed tamen ex causa onerosa profecta, modò absit dolus & læsio debitoris cessio hic non expressè intendatur, quæ & similes limitationes totam ferè regulam absorbent.

(2) *intuitu exceptionum, qua cessionario opponi possunt.* Exceptio enim, quæ cedenti obstabat, indistinctè etiam Cessionario opponitur, si actionem directam instituit. Verum, si actione utili experitur, actiones ipsam rem concernentes solummodo admittere tenetur, v.g. solutionis, compensationis, (quas fusè recenset Brunneiman. *d. 21. cap. 6. num. 29.*) non autem eas, quæ qualitatem personæ cedentis respiciunt, v.g. competentia. Hinc si v.g. socius contra socium ipse ageret, frueretur Reus condemnatus hoc competentia beneficio, verum

si actionem eam extraneo cedit & hic actione utili experitur, reus beneficio suo excidit. Dura sane assertio, quam propterea recte perstringit *Id. d. c. 6. num. 21. 22.* Limitant illam, si actio titulo lucrativo sit transacta, v. Joh. à Sande *de cess. act. cap. 13.* Franc. de Caldas *de emt. & vend. c. 24. num. 56.*

Reliqua, v. g. quod actio directa sit *nativa* & ex cessione seu mandato oriatur: utilis autem *dativa*, quæ ab Imperatore, (anti-quam subtilitatem tollere volente, v. *l. 5. C. de berea. vel act. vendit. l. 1. in f. C. de O. & A.*) data est iis, qui iustum titulum absque actuali cessione habent: Item: quod directa expiret morte cedentis, non utilis: nec non, quod cessionarius ipsum cedentem intuitu cessionis utili quidem, non vero directa actione convenire possit, v. Brun-neman. *d. c. 5. num. 6. seqq.* leviora esse videntur.

Vides ergo B. L. eam esse interpretum sententiam, quod melius faciat cessionarius, si actione utili, quam si directa experiat. Ergo illa quoque semper eligenda erit, id quod in dubio etiam factum esse præsumitur, præcipue si herba betonica, famosa illa clausula salutaris, libello adjecta est.

LIB. XIIIX. TIT. V.

De rescindenda vendi-
tione & quando licet ab em-
tione discedere.

DISTINCT. I.

Inter læsionem *modicam*, *enormem*
& *enormissimam*.

Modica vocatur, quæ est infra dimi-
dium; *enormis* quæ est ultra dimi-
dium, id est, quando vel emtor
plus quam duplum solvit, vel venditor ne
dimidiam quidem justi pretii partem acce-
pit; *enormissimam* appellant, quando læsio
ultra triplum, quadruplum, &c. adest.

Ob *modicam* in minorenes quidem restitu-
untur, modo non planè sit minima, non au-
tem majores, prout ex tit. de minor. 25. ann.
constat; verum ob *enormem* & *enormissi-*
am majorenibus etiam succurrunt Leges.
Hac parte ergò inter *enormem* & *enormissi-*
am nulla adest differentia. Nec illud ali-
cujus momenti videtur, quod dicit Carp. 2. P.
2. Const. 34. Def. 7. princ. læsionem *enormissi-*
am contractum ipso jure nullum reddere,

propter enormem autem *restitutione civili ex l. 2. C. de resc. vend.* opus esse; hoc enim legum autoritate destituitur, quæ ob *presumptum dolum contractum* pro nullo nunquam declarant, sed solum ob dolum verum. Ergo hoc unicum remanet, quod nempe, si quis beneficio rescindendi contractum ob læsionem renunciat, ea renunciatio in dubio saltem de enormi intelligenda sit, non autem de enormissima, quippe de qua probabiliter non cogitavit renunciens, ad non cogitata autem renunciatio extendi nequit. Idem est, si majorennis juravit, se contractum servaturum esse; tunc enim juramentum infert quidem renunciationem læsionis enormis, neutiquam verò enormissimæ, vid. Barbof. *ad l. 2. C. b. t. num. 130.* Frantzk. *l. 1. Resol. 4. num. 25. & 31.*

Equidem nonnulli putant, quod ob læsionem enormissimam etiam tertius possessor conveniri possit, non verò ob enormem, v. Berlichium, Barbofam & quos præterea citat Lauterbach. *ad b. t.* verum hæc differentia iterum autoritate juris destituitur, nec leges à Lauterbachio tanquam obstantes allegatæ, *l. 94. §. 1. ff. de Leg. 1. l. 13. §. 1. ff. de minor. & l. 67. ff. de contrab. emt.* ad hanc quæstionem in specie pertinent; sed ad eam in

in genere: annon ob læsionem tam enormem, quàm enormissimam in subsidium tertius conveniri possit? quod quamvis generaliter ex dictis textibus probari nequeat, à DD. tamen in praxi conceditur, Struv. S. J. C. Ex. 23. thes. 92.

LIB. XIIX. TIT. VI.

De Periculo & commodo rei venditæ.

DISTINCT. I.

Inter Venditionem *perfectam*
& *consummatam*.

Perfectio venditionis ex declaratione consensus reciprocè facta, *consummatio* autem ex subsequente traditione dependet. Quoad facultatem poenitendi, commodorum perceptionem & onerum præstationem inter utramque nihil interest, hæc omnia enim semper ad emptorem pertinent, sive perfecta fuerit venditio, sive consummata. Unica saltem adest differentia, scilicet *intuitu actionis realis* instituendæ. Hinc si ante traditionem res vendita ad tertium possessorem pervenit, emptor

contra eundem non potest instituere actionem realem, sed venditor, quia jus vindicandi demum ex traditione consequitur emtor. Et hinc non absolute, sed hoc saltem respectu venditor ante traditionem adhuc dicitur Dominus in §. 3. *J. de emt. vend.* ibi: *utique tamen rei & conditionem exhibere debet emtori: quia sane, qui nondum rem emtori tradidit, adhuc ipse Dominus est, ex quo §. nec non ex l. 20. C. de pact. & ex arg. l. 3. pr. ff. de O & A.* Lauterbach proinde ad tit. *ff. de acquir. rer. dom.* male infert, quod thesaurus ante traditionem in fundo vendito repertus ad venditorem pertineat, hic enim respectu emolumentorum non est Dominus, v. d. §. 3. *J. de emt. vend.* Fluit verò ex adductis, quod si venditor ante traditionem rem venditam tertio alicui denuò vendat, primus emtor contra hunc secundum actionem etiam non habeat, sed saltem contra venditorem ad interesse.

Ergò, ut binis verbis summam rei exhibeamus: venditio *perfecta* actionem personalem contra solum venditorem: *consummata* autem realem adversus quemcunque possessorem rei venditæ producit.

LIB. XIX. TIT. II.

Locati Conducti.

DIST. I.

Inter Locationem *rerum* &
operarum.

IN Locatione rerum locator ad usum rei concedendum *precisè* obligatur, v. Zœsius *b. t. num. 5. in f.* at vero in locatione operarum liberatur, modò interesse præstet. Porro: Locatio operarum non transit ad heredes, quia ut plurimum industria personæ est electa; secus in locatione rerum, quæ ad heredes utriusque transit, tam locatoris, quàm conductoris, ob defectum modò adductæ rationis. In locatione operarum interdum præstatur culpa levissima, si quis tanquam artifex aliquid expedire obstrictus est, *l. 25. §. 7. ff. b. t.* sed in locatione rerum præter levem culpam nihil exigitur. In locatione operarum interdum aliquis ad operas alteri præstandas invitus cogi potest, sic v. g. rustici (licet non sint homines proprii) operas, quas locandas destinaverunt, nondum tamen alicui in specie promiserunt, tenentur easdem Dominis suis præ aliis locare,

E 5

modò

modò Dominus eodem tempore illas exigat eandemque mercedem offerat, v. Carpz. *Const. 51. Def. 9.* verum, ad locationem rerum nemo unquam compellitur, &c.

DIST. II.

Inter locationem *operarum & operis.*

Locationem *operarum* vocant, quando operæ nudæ & indeterminatæ, v. g. à famulis nostris & ancillis promittuntur; *Operis* verò, quando operæ ad certum aliquod opus perficiendum sunt destinatæ, v. g. ut faber lignarius, vel murarius, integrum ædificium aut partem aliquam extruat. Jam ulterius ita pergunt DD. in locatione *operarum* is dicitur Locator, qui usum rei, vel operas præstat & mercedem accipit; conductor verò, qui pro usu rei vel opera mercedem solvit. Sed in locatione *operis*, qui est Locator operæ suæ, *der seine Arbeit verdinget* ille dicitur Conductor respectu operis faciendi, v. g. ædium; qui verò est conductor operæ, *der etwas machen läßt* ille dicitur Locator respectu operis, *des Dinges das Er machen läßt* & hic mercedem solvit, ita hoc explicat Rebban. *Hodeg. jur. chart. 2. clim. 4. §. 10. & Hopp. Exam. f. 6. l. qu. 3. alique.*

Subtilia inventa, fateor, sed ita subtilia, ut propter subtilitatem suam omnem in foro
uti-

utilitatem amiserint. An enim exinde, quod locator operæ intuitu operis, ad quod operas suas locat, conductor vocatur, novum jus, aut nova obligatio, aut alius aliquis novus atque peculiaris effectus profluit? Ego sanè hætenus non vidi ullum, qui hoc demonstrasset. Hinc sufficere potest, modo quis sciat: *Locatorem* vocari illum, qui mercedem accipit, *Conductorem* autem, qui mercedem solvit, & hoc sine distinctione, utrum locatio operarum, operis aut rerum adlit.

DIST. III.

Inter Locationem *regularem*
& *irregularem*.

I*rregularis in l. 31. ff. b. t.* appellatur, quando res aliqua locatur, non ut eadem, sed ut similis, vel ejusdem generis redderetur, veluti cum argentum pusullatum fabro daretur, ut vasa fierent, aut aurum, ut annuli. Et hoc casu dominium transfertur, quod secus in regulari. Posses etiam ad irregularem locationem referre, quando *non nummo, sed partibus locavit* aliquis, dicente Plinio lib. 9. *Epist. 37.* id est, quando Colonus non certam mercedem in pecunia numerata consistentem, nec certam fructuum quantitatem,

tatem, sed incertam, seu partem *quotam*, v. g. semissem, trientem &c. ejus, quod natum fuerit, locatori suo præstat, qui in *l. 25. §. 6. ff. b. t. Colonus partiarus* dicitur. Hic enim revera adest societas. Unde Conductor culpam levem in concreto solummodo præstat, non in abstracto, ut aliàs. Quod si etiam maximum lucrum consequeretur colonus, locatori ejus partem præstare tenetur, & è contrario locator etiam minimum damnum pro rata ferre tenetur, quod in societate regulari utrobique secus se habet, *v. d. l. 25. §. 6. ff. b. t.* Posses etiam hoc addere, quod hæc conductio irregularis non transeat ad heredes, *v. Gothofred. ad d. l. 25. conf. de colono partiaro Mantica de tac. & ambig. convent. l. 5. tit. 2. num. 26.*

DIST. IV.

Inter *Colonum & Inquilinum.*

Qui agrum conduxit, vel aliud prædium rusticum, *colonus*; qui ædes, *inquilinus* dicitur. Ita theoreticè differunt, sed adest etiam usus practicus, scilicet *in relocatione tacita*. Intuitu Inquilini enim relocatio saltem fit ad illud tempus, quò conductor ultra tempus ab initio determinatum in re conducta mansit, unde si prima locatio ad

an-

annum inita fuit, relocatio non statim quoque ad annum infra censetur, sed ad sex vel plures septimanas, quousque scilicet inquilinus permansit, *l. 13. §. fin. ff. b. t.* sed in colonio aliud observatur. Quia enim in prædiis rusticis fructus non quotidie percipiuntur, ut in urbanis, sed integrò demum anno elapsò, hinc locatio quoque ad annum renovata esse præsumitur, *d. l. 13. §. fin. b. t.* Interdum quoque ad triennium, vel quinquennium, quando fructus in omnibus campis non possunt perfectè, nisi exactò demum trienniò, percipi, v. Frantzk. *ad b. t. num. 18.* Brunnem. *ad d. l. 13. ff. b. t. num. 16.* qui quæstiones huc pertinentes fusè pertractat.

De jure Romano etiam non levis effectus hujus distinctionis in eo deprehendebatur, quod res *inquilini* locatori tacitè obligatæ erant, in securitatem mercedis ab inquilino solvendæ, *l. 4. ff. in quib. caus. Pign. vel hyp. tac. contr.* non verò res *coloni*, *d. l. 4.* Hodie autem DD. hanc differentiam cessare & res coloni non minus, quàm inquilini, Locatori tacitò pignoris vinculo obstrictas esse asserunt, v. Mev. *P. 4. Decis. 127.* qui etiam adlatam differentiam ne quidem Legibus Romanorum convenire dicit.

DIST.

DIST. V.

Inter Conductorem rerum *privatarum & fiscalium* s. publicarum.

Conductores rerum privatarum finito contractu & tempore in eodem determinato non obligantur, ut ulterius invitæ conductionem continuent. Pacta enim & hic dant legem contractui. Verum, si Conductor vectigalium maximos fructus consecutus sit & vectigalia tanta mercede postea locari non possint, tunc invitus ad conductionem continuandam cogitur per *l. 11. §. fin. ff. de publican. Peregrin. de jur. fisc. l. 6. tit. 5. n. 9. Boër. Decis. 249. num. 2.*

Qui bona civitatum (quò pertinent etiam fiscalia) durante conductionis tempore fructuosiora reddidit, ipsi deinde prærogativa præ aliis competit, si conductionem continuare velit, *H. Pistor. obs. 162. num. 8. ob l. congruit. 4. C. de locat. pradiar. civil. Brunnem. ad l. 11. ff. de Publican. quod secus in conductoribus rerum privatarum.*

Tutores & Curatores vectigalia conducere nequeunt, donec rationes reddiderint, & si fortè dissimulato munere conduxerint, poena falsi coercentur, *l. un. C. ne tu-*

tor,

tor. vel curat. vectig. cond. l. 49. ff. Locati. sed à conductione rerum privatarum nemo, & sic neque Tutores & Curatores arcentur, v. *Struv. Exerc. 39. ibes. 17.*

Qui vectigalia conduxit, eò ipso pro Patrefamilias habetur, & sic in eo cessat SCrum Macedonianum, per *l. 3. §. 1. ff. ad SC. Maced.* aliud, si filiusfam. privata prædia conduxit, *Struv. loc. cit.*

DIST. VI.

Inter Locationem ad tempus *longum* & *modicum* factam.

Usum in eo constituunt, quod locatio ad tempus *longum* facta, in conductorem speciem dominii cujusdam utilis transferat, v. *Carpzov. l. 5. Resp. 17. num. 10. Garl. de Expens. c. 14. num. 1. seqq.* aliosque plures; quod secus est in ea locationis specie, quæ ad brevius tempus initur. Quamvis verò hæc DD. opinio principiis juris apertè contrarietur, cum scilicet locatio ab initio non sit titulus ad transferendum Dominium habilis & sic quoque ex postfacto eam habilitatem consequi non possit, conf. *l. 39. ff. b. t.* nihilominus tamen ad evitandas lites tanquam cautelam commendat Illustr. Stryk. de *Caus. contr. sect. 2. c. 9. §. 6. ne locatio ultra no-*

vel immas fiat, vel si in longius tempus eadem placuerit, ut addatur pactum, de locatione quovis novennio renovanda.

LIB. XIX. TIT. III. De Æstimatoria.

DISTINCT. I.

Inter Contractus innominatos regulares & irregulares.

AD priores referunt contractum *do ut des : facio ut des : do ut facias : facio ut facias :* ad posteriores autem contractum *permutationis & æstimatorium.* Irregulares autem ideò hi duo vocantur, quoniam ad contractus nominatos quàm proximè accedunt, simulque nomen aliquod habent, v. Lauterb. *Comp. jur. tit. de contr. innomin.* Paulò aliter Struv. *Ex. 25. lb. 2.* Quemadmodum verò supra *ad tit. de Pactis* differentiam inter contractus nominatos & innominatos in genere rejecimus, quia facultas poenitendi nec in his nec in illis locum amplius invenit, prout contradissentientem sibi que ipsi contradicentem Carp zovium *P. 2. C. 33. Def. 23.* & contra alios jamdum ostendit Illustr. Dn, Stryk. *de investig. act. sect. 1. membr. 7. §. 3.*

ita

ita quoque præsentis distinctionis nullam omninò in foro hodie utilitatem esse intrepide, asserimus. Ex irregularibus non minus, quàm regularibus, oritur actio præscriptis verbis, & in neutra classe poenitere amplius licet, conf. Id. *loc. cit.* §. 8. Præterea inter contractum permutationis & do ut des nullam reverà intercedere differentiam, jam alii monstrarunt, unde unicus saltem irregularis manet contractus innominatus, æstimatorius scilicet.

Cum DD. sub hoc titulo de materia æstimationis in genere agere soleant; hinc subjungenda quoque fuit

DIST. II.

Inter Æstimationem venditionis & taxationis causâ factam.

PRior dominium rei æstimatæ in accipientem transfert, & per consequens omnes ejusdem effectus, commodum scilicet & incommodum, ipsumque casum fortuitum. Neque etiã danti licet restituto pretiò rem æstimatam iterum recipere, sed accipiens illam invito dante retinere potest. *Posterior* huncce saltem scopum habet, ut si forsitan accipiens rem æstimatam deterioraverit atque corruperit, dans eò melius interesse, F. quod

quod hoc nomine prætendit, probare possit. Sic v. g. res alteri concessa à peritis 100. thal. æstimatur : accipiens istam admodum deterioratam restituit, unde factâ restitutione ab iisdem peritis 60. thal. solummodò æstimatur; patet hinc statim, dantem 40. thal. interesse nomine petere posse.

Sed quæritur hîc, quid *in dubio* præsumendum sit: *utrum scilicet æstimatio venditionis, an saltem taxationis causâ contractui adjecta fuerit?* Puto, hanc quæstionem ex vulgata regula: quod accessorium naturam sui principalis sequatur, facile decidi posse. Scilicet contractus, quibus adjicitur rei æstimatio, *vel est habilis ad transferendum dominium, vel non est.* Priori casu, æstimatio venditionis causâ facta esse præsumitur, & huc præcipuè refertur contractus dotis, l. 15. ff. de jur. dot. l. 10. §. 4. ff. eod. quia maritus dominus rerum dotalium per hunc contractum efficitur. Ex quo patet, quod si in pactis dotalibus hæc clausula deprehendatur: *Es bringe die Caja dem Sempronio ein Hauß nomine dotis zu, welches hiemit auff 2000. Rthl. angeschlagen werde;* quod, inquam, hîc casu, si illæ ædes per incendium aliumque casum fortuitum pereant, damnum ad maritum pertineat & hic nihilominus ad restitu-

tuen-

tuendos istos 2000. thal. sit obligatus. E contrario autem hoc commodum, v. g. in Saxonia ad ipsum pertineret, quod mortuâ uxore totam summam tanquam heres mobiliaris lucretur, cui lucro absque facta æstimatione locus non fuisset, v. Carpzov. *P. 3. C. 23. Def. 26.* Potest etiam tunc maritus liberè de fundo dotali disponere.

Posteriori casu, si scilicet æstimatio adjicitur contractui ad transferendum dominium inhabili, v.g. locationi, commodato, deposito, pignori, &c. tunc taxationis gratiâ hoc factum esse censetur. Non leviter quidem ob stare videntur verba l. 5. §. 3. ff. commod. & si fortè res æstimata data sit, omne periculum præstandum; verum enim vero verba immediatè subsequentiâ: ab eo, qui æstimationem se præstaturum recepit, liquidò ostendunt, dictam legem de eo casu loqui, quando accipiens per expressum pactum periculum adjectâ æstimatione rei traditæ in se recepit; at nos in præsentî de eo disquirimus, quid in dubio præsumendum sit. Idem responderi potest ad l. 3. & ad l. 54. §. f. ff. Locati. Quò pertinet, quod addit Lauterbach b. t. si tamen hisce in casibus fuerit conventum, ut res incorrupta, vel ejus æstimatio restituatur, tum omne periculum pertinet.

ad accipientem. Plurima scitu necessaria de æstimatione dotis v. apud Mevium *ad jus Lubec. lib. 1. Tit. 5. art. 8. num. 21. seqq.* add. Rauchbar p. 2. qu. 29. Gometz var. resolut. l. 2. c. 7. num. 1. Panormit. in c. un. X. de commod. n. 23. & præ aliis Brunneman. ad d. l. 5. §. 3. ff. commodati num. 5. seqq. Mascard. de probationib. conclus. 1664. Burgund. de peric. & culp. cap. 12.

LIB. XX. TIT. I.

De Pignoribus & Hypothecis, & qualiter ea contrahantur & de pactis eorum.

DISTINCT. I.

Inter Pignus *legale* (tacitum) & *conventionale* (expressum).



*P*ignus *legale* certæ tantum personæ habent, v. g. liberi in bonis parentum ratione adventitiorum: pupilli in bonis tutorum & universitates in bonis administratorum: Locator in rebus ab inquilino illatis & in fructi-

fructibus à Colono perceptis, Legatarii, uxores, &c. de quibus latè Brunnem. *Proc. Conc. Cred. cap. 5. §. 51.* aut *conventionale* omnes creditores habere possunt.

Qui ad pignus *legale* provocat, certum juris textum proferre tenetur, in quo hoc ipsi conceditur, & tunc nulla conventionem opus est; aut qui *conventionale* pignus præ-tendit, jus suum ex speciali contractu pignoratitio adstruere tenetur, non enim pro se hâc parte præsumptionem habet. Ex quo simul patet, omni fundamento destitui eorum opinionem, qui jus tacitæ vel legalis hypothecæ etiam aliis nonnullis concedunt, quorum tamen Leges nullam mentionem injiciunt, v. g. quod Dominus in bonis furis reliquis, juxta Carpzov. *P. 4. Const. 39. D. ult.* nec non quod deceptus in bonis ejus, qui animo novandi transactionem dolosè suscepit, tacitum pignus habeat, quod vult Berlich *P. 1. Concl. 67. num. 91.* quamvis enim fortè allegarent, æquitatem tamen postulare, ut hisce personis succurratur; ego tamen responderem, æquitatem etiam postulare, ut omnibus & singulis Creditoribus satisfiat, & ergo omnibus Creditoribus etiam jus tacitæ hypothecæ adscribendum fore, quod tamen absolum

esse quilibet facilè perspicit, conf. Brunne-
man. *loc. prox. cit.*

DIST. II.

Inter pignus legale *purum & mixtum.*

P*urum* vocant, ubi nullum planè factum
ejus præcedit, in cuius bonis pignus
competit: *Mixtum* è contrario, ubi aliquod
factum præcedit, non tale autem, quod ad
constitutionem pignoris liquidò tendit, &
huc referunt pignus locatori in rebus in-
quilini competens, non omnibus, sed il-
lis, *quas in ades conductas intulit*, illatio enim
est illud factum, ex quo dicta mixtura pro-
fluit, v. DD. passim. Sed si dicendum, quod
res est, hæc distinctio mere theoretica esse
nullamque in foro utilitatem producere
videtur. Utrumque enim, & purum &
mixtum pignus, eundem ubique effectum
post se trahit.

DIST. III.

Inter pignus *judiciale & Prætorium.*

P*rius* propter præcedentem rem judica-
tam per pignorum captionem, vel per
missionem in possessionem bonorum in il-
lius bonis constituitur, qui sententiæ spon-
te

te parere recusat, l.2. § 3. C. *si in caus. judic.* *Posterius* autem ante sententiam per missionem ex secundo decreto, eum in finem, ut Reus in iudicio se sistere per indirectum cogatur; t. t. ff. *quib. ex caus. in poss. eat.* Hæc distinctio ex diverso Prætoris & Judicis pedanei officio profluxit, atque adeò hodiè apud nos in sensu juris Romani nullam utilitatem habere potest.

DIST. IV.

Inter *Pignus* & *Hypothecam*.

Vulgus auditis *pignoris* & *hypotheca* vocabulis differentiam in eo quærere solet, quòd *pignus* in rebus mobilibus, *hypotheca* autem in immobilibus constituitur, quam opinionem etiam veteri juri non adeò adversam esse existimat Dn. Beyer *Pos. ff. b. t. ab init.* sed hodie quidem illa explicatio locum amplius non invenit, ubi unicè ad id respiciendum est, utrum res obligata Creditori simul tradita fuerit, annon; quod si enim traditio non accessit, *hypotheca*, si verò res tradita, *pignus* vocari consuevit, v. §. 7. j. *de act. l. 1. ff. de pign. act.* ibique Dion. Cothofr. *in not.* qui simul l. 238. §. 2. ff. *de V. S.* explicat, quamvis & hæc lex de jure veteri intelligi possit. Interim libenter fatemur,

regulas prudentiæ exigere, ut intuitu rerum mobilium obligatarum non in nuda conventionem acquiescamus, sed præterea traditionem quoque urgeamus, quia aliàs in loca disita faciliè transferrentur & sic jus persequendi nobis difficillimum reddi posset, unde etiam huc fortè per vocem: *propriè*, (id est, quod communiter fit) respexit Jctus in *cit. l. 238. §. 2. de V. S.*

Ufus in eo se exerit, quod propter hypothecam, detur actio hypothecaria, non autem propter pignus. Ceterum verò eodem effectus in securitatem creditoris utrumque producit, & huc pertinet *l. 5. §. 1. ff. b. t.*

DIST. V.

Inter hypothecam *generalem* & *specialem*.

Hæc distinctio maximam sine dubio in iure præbet utilitatem. Exprimamus rem verbis Illustr. Strykii *de Caut. contr. sect. 2. cap. 4. §. 16.* Utraque, dicit, sua habet commoda & incommoda. Qui enim generali hypotheca gaudet, ex universis debitoris bonis eam eligere potest, ex qua commodissime debitum suum se consequi posse existimat, quamvis illa res alteri cuidam specia-

specialiter obligata fuerit, *l. 2. pr. ff. qui pot. in pign.* ast, qui specialem solummodo habet, illi in reliquis debitoris bonis nihil juris competit, & hinc sæpè in classem chirographariorum rejicitur, quando scilicet res specialiter obligata vel periit, vel ab aliis creditoribus consumpta est, v. Bruneman. *Proc. conc. cred. cap. 5. §. 66.* E contrario autem specialis hypotheca magis afficit rem obligatam & ad hoc prodest, ut si Debitor postea hanc rem distraxerit, Creditor statim tertium ejusdem possessorem convenire possit, ita ut hic exceptione excussionis se tueri nequeat, quod aliter in hypotheca generali propter *Nov. 4. c. 2.* quamvis hic dissentiant *Frantz. lib. 1. resol. 12.* & *Struv. S. J. C. Ex. 26. th. 38.* qui juxta hanc opinionem judicatam fuisse dicit. Habes ergò hinc opinionem communem contra communem, unde quæ in quâcunque foro recepta sit, dispiciendum erit illi, qui manum praxi admoveere intendit.

DIST. VI.

Inter actionem *Servianam* &
quasi Servianam.

PRior est specialis, competens eo saltem casu, quando Locator prædii rustici hy-

pothecam in rebus coloni sibi expressè constitutam, vel in fructibus etiam tacitè competentem adversus quemcunque possessorem persequitur, §. 7. *J. de act. l. 7. ff. in quib. caus. pign. vel hypoth.* Posterior autem reliquis Creditoribus omnibus datur, *d. §. 7. l. 16. §. 3. ff. b. t.* Cum ergò hæ duæ actiones nudò saltem objectò differant, in effectu autem prorsus convenient; hinc patet, adlatæ distinctionis nullum omninò in praxi usum esse, unde etiam apud Practicos Servianæ & quasi Servianæ actionis nullà planè fit mentio, sed hi vocabulo generali *actionis hypothecariæ* contenti esse solent.

LIB. XX. TIT. IV.

Qui potiores in pignore vel hypotheca habentur.

DISTINCTIO I.

Inter Hypothecam *publicam* & *privatam*.

PEr *publicam* non solum ea indigitatur, quæ in iudicio, sed etiam, quæ extra iudicium in præsentia tamen trium testium (masculorum, integræ fidei & ma-

DE PIGN. ET HYPOTH. &c 51
manum suam in iudicio recognoscentium
juxta Guttierrez *l. 3. qu. 102. num. 2. seqq.*) con-
stituitur, *l. 11. C. qui pot. in pign.* Et hæc hypo-
theca omnibus privatis, licet priores sint, in
concurſu creditorum præfertur. Idem in
Saxonia quoad judicalem; at verò ea, quæ
coram tribus testibus constituitur, ejusmodi
prælationem in immobilibus ibi non tri-
buit, quia hæc non aliter, nisi in iudicio, va-
lidè obligari possunt, v. Brunnem. *Proc.*
Conc. Cred. c. 5. §. 45. ibique in not. Quod
si de cetero duæ hypothecæ publicæ con-
currant, ex prioritate temporis eadem di-
judicantur.

LIB. XXI. TIT. I.
**De Aedilitio Edicto &
Redhibitione & Quanti
minoris.**

DISTINCT. I.

Inter actionem *Redhibitoriam* & *æ-*
stimatoriam s. *Quanti minoris.*



Differunt hæ duæ actiones tripli-
ci modo:

I. Actio *Redhibitoria* ob tale
viti-

tionis, *l. 19. §. f. b. t. estimatoria* autem intra
annus demum à die scientiæ, *d. l. 19. l. 2. C.*
b. t. Struv. l. c. thes. ii.

LIB. XXII. TIT. I.

De usuris & fructibus & causis & omnibus acces- sionibus & mora.

DISTINCT. I.

Inter Usuras *punitorias, compensa-
 torias & lucratorias.*

P*unitoria* vocantur, quando ab
 initio nihil quidem promissum,
 sed usus pecuniæ alteri ad cer-
 tum tempus gratis concessus
 fuit, at verò debitor terminum solutionis
 ipsi præfixum non observavit, sed pecuniam
 ultra tempus à contrahentibus determina-
 tum retinuit inque usus suos convertit, v.
l. 17. §. 3. b. t. huc pertinet etiam, si quis, v.g.
 socius, pecuniam communem sine alterius
 socii voluntate invaserit, de quo casu in *l. 1.*
§. 1. b. t. Unde generaliter dici potest, pu-
 nitorias usuras propterea persolvi, quod al-
 ter

ter alterius pecunia absque ejus voluntate usus sit.

Compensatoria sunt, quando quidem Creditoris voluntas adest, ipsi tamen simul aliquid decedit, quod è contrario debitori, qui reſcredita utitur, accrescit. Hæ ergò eadẽm ratione solvuntur, prout aliàs conductor mercedem pro usu rei nostræ mercedem persolvere consuevit, conf. Struv. *Ex. 27. tb. 43.*

Lucratorias denique describunt, quæ ultra normam in Legibus præscriptam debitumque compensationis modum percipiuntur, vel etiam ab egeno, qui non ad lucrum, sed necessitatem adhibet pecuniam creditam, exiguntur, cum tamen nos absque dispendio nostro eum, credendo pecuniam absque usuris, juvare potuissimus.

Punitorias & compensatorias omni jure permissas esse, fatentur DD. communiter, *lucratorias* verò in classẽ prohibitorum referunt, vide quos allegat Struv. *cit. tb. 43.* Verum hoc ultimum non ita simpliciter concedi posse videtur. Quamvis enim illud per se pateat, *lucratorias*, si modum compensationis à magistratu præscriptum excedant, ad res illicitas pertinere: quamvis etiam absque dubio ille in conscientia,

id

id est, in foro interno peccet, qui ab ege-
 homine pecuniam creditam ad meram ne-
 cessitatem & non ad lucrum captandum
 applicante, usuras percipit; interim tamen
 in foro externo non suppetit remedium,
 per quod aliquis hâc parte ad exercendum
 officium charitatis compelli, & si contrâ il-
 lud peccavit, pœnâ condigna affici possit.
 Confirmat sententiam nostram B. Brunne-
 man. *de jur. Eccles. l. 2. c. 18. §. 44.*

DIST. II.

Inter *Usuras mordentes & non-
 mordentes.*

M*ordentes* nihil aliud sunt, quàm quas
 modò lucratorias nominavimus, dile-
 ctionem proximi offendentes: *non-mor-
 dentes* autem, qui modò licitò exiguntur.
 Hîc ergo eadem repetenda erunt, quæ ad
prec. dist. attulimus.

DIST. III.

Inter *Usuras ex pacto & ex mora
 debitas.*

UTilitas in eo consistit, quod usuræ ex
pacto debitæ adhuc peti possint, quam-
 vis fors jam soluta fuerit, Carpzov. *P. 2. C. 30.
 Def. 13.* aliud obtinet, si ex mora solummo-
 dò

annis regulariter percipiantur, v. g. pyra,
poma, frumentum, vinum, &c. *Civiles* au-
tem quotidie, nam ædes, stabula, pecuniam,
non ad integros annos, sed ad brevius etiam
spatium, v. g. ad semestre, ad unum men-
sem, imo interdum & ad unam septimanam
unumque diem alteri concedimus. Sunt
autem *naturales*, qui ex ipso rei corpore
proveniunt: *civiles*, qui propter rem per-
cipiuntur. Hinc thesaurus, qui saltem oc-
cassione rei percipitur, ad fructus planè non
pertinet.

Ostendamus jam nonnulla consuetaria
practica:

Scilicet Usufructuarius, si ante finitum
annum & sic ante perceptionem fructuum
naturalium moritur, ad heredes suos nihil
transmittit, l. 13. ff. quib. mod. ususfr. *Civi-*
les verò pro dimidia vel tertia anni parte,
ubi usufructuarius decessit, inter heredes
ipsius & proprietarium pro rata dividuntur,
v. l. 26. ff. eod.

Si quis vendit fundum, ex quo naturales
fructus percipiuntur, tunc si venditio ante
messum celebratur, ad emitorem; si post
messum, ad venditorem integri fructus per-
tinent, l. 13. §. 10. ff. de act. emt. & vend. *civiles*
autem, qui quotidie percipiuntur, pro rata

temporis dividuntur inter emtorem & venditorem usque ad tempus venditionis, v. Lauterbach. *ad tit. ff. de act. emt. & vend.*

DIST. VI.

Inter Fructus *pendentes* & *perceptos*.

Repetenda hic eadem, quæ modo ad *prec. diff.* dicta fuerunt. Scilicet fructus naturales pendentes ad Proprietarium, percepti ad usufructuarii heredes pertinent. Aliud jure Saxonico, ubi eò respicitur, an semen rastro subactum fuerit, v. Finckelth. *Obs. 54.*

Fructus pendentes ad emtorem, percepti autem ad venditorem spectant.

Colono ob damnum in fructibus pendentibus perpeffum aliquid de pensione remittitur, non verò, si fructus jam percepti fuerunt, Gail. 2. *Obs. 23. num. 12.* Sed quando hic discuntur percepti? Nonnulli allegati à Lauterbachio *ad tit. Locat. Cond.* requirunt præter separationem à fundo etiam collationem in horreis, v. Carpzov. *P. 2. C. 37. Def. 20. n. 8, 9.* quos sequitur Dn. Beyer *Pos. ff. Locat. pos. 53. seqq.* sed in eorum castra transire non possumus ob §. 36. *J. de R. D. ibi: eadem ferè & de Colono dicuntur,*

tur, ubi antecedentia aperte monstrant, quod Colonus & Usufructuarius in hoc tertio comparentur, quod scilicet uterque fructuum dominus eodem modo fiat, reliqua enim, quæ de heredibus Usufructuarii ibi habentur, ad Colonum non quadrant, & propterea Imperator voculam: *ferè*, adjecit.

Alia, ex iisdem principiis profluentia, facile suppleri possunt. Speciale quid est, quod fructus in fundo dotali pendentes soluto matrimonio inter maritum & uxoris heredes pro rata temporis dividantur, *l. 5. & l. 7. §. 1. ff. solut. matrim.* Finckelth. *Obs. 54. n. 1.* Gothofred. *ad l. 22. C. de R. V.*

DIST. VII.

Inter Fructus perceptos *extantes*
& *consumptos*.

USus hujus distinctionis tunc maxime deprehenditur, si quis rem aliquam cum fructibus vindicat. Eo casu enim quaeritur: *an extantes solum, an vero consumpti etiam fructus Domino vindicanti restitui debeant?* Respondetur distinguendo inter *bonæ* & *malæ fidei* possessorem. Prior extantes saltem restituit, non consumptos, *§. 2. ff. de O. J. l. 22. C. de R. V.* sed nec extantes, si

sunt usucapti, l. 4. §. 19. ff. de Usucap. quamvis hodie communiter velint, etiam consumptos restituendos esse, in quantum b. f. possessor exinde locupletior factus est, Illustr. Stryk de invest. act. sect. 1. membr. 2. §. 49. Majæ fidei possessor indistinctè omnes fructus restituit, sive adhuc extent, sive consumpti sint, cum ex consumptione non poterit firmius jus consequi, quàm antea quidem habebat. Ceterum hic non solum consumptio naturalis, sed etiam civilis intelligitur, quæ fit per translationem dominii in emtione, donatione, permutatione, &c. conf. Gothofr. ad l. 22. C. de R. V.

DIST. IIX.

Inter Fructus perceptos & percipiendos.

Quando in *Dist. VI.* fructus percepti pendentibus opponerantur; tunc ad solum actum perceptionis, hic vero, ubi percipiendis opponuntur, ad debitum modum respicitur. Vocant enim percipiendos, qui revera quidem non sunt percepti, sed tamen debita diligentia adhibita facile percipi potuissent, & ab aliis Patribus familias etiam percipiuntur. Quoad usum iterum inter b. & m. f. possessorem distinguere oportet. Il-

le de percipiendis non tenetur, sed de percipiendis solummodo, hic vero de percipiendis etiam, cum sibi imputare debeat, quod negligenter in ea re, quam tamen alienam esse sciebat, versatus sit, v. §. 2. *f. de O. f. l. 22.*

G. de R. V.

Ad materiam de Usuris & fructibus *anatocismus* etiam pertinet, unde Distinctiones ibi obvenientes hic simul perlustrabimus.

DIST. IX.

Inter *Anatocismum menstruum*
& *anniversarium*.

M*enstruus* vocatur, quando usuræ quolibet mense exeunte in sortem computantur, *anniversarius* autem, quando hoc à fine cujusque anni fit. Uterque est prohibitus & sic distinctio theoretica est.

DIST. X.

Inter *Anatocismum separatum*
& *conjunctum*.

C*onjunctum*, quando scilicet usuræ sorti principali immiscentur, per Leges prohibitum esse, fatentur communiter DD. propter *l. 28. C. de Usur.* *Separatum* autem, quando super usuris debitis specialis obli-

gatio conficitur, tanquam super nova sorte, in praxi communiter permissum esse testantur, vid. Cothmann. *Vol. 1. Conf. 18. num. 218.* Berlich. *P. 2. Dec. 268. num. 8.* Mev. *P. 4. Dec. 213.* quamvis, si theoreticè disputemus, hæc opinio dubio non careat, de quo v. Brunneman. *ad d. l. 28. C. de Vfur.* Struv. *Ex. 27. th. 50.*

DIST. XI.

Inter Moram ex re & ex persona.

Quotiescunque ex re inducitur mora, toties nulla interpellatione opus est, quæ tamen præcise requiritur, si ex persona eadem oriri debet. Multum ergo interest, ut utraque mora ab invicem accurate separatur. Ex re autem moram induci dicunt, si dies certus solutioni adjectus: si pupillo vel minori aliquid debetur: si quid fisco debeatur: in fideicommissariis libertatibus: in prædonibus & furibus, vid. Arumæus *de mora c. 4.* Struv. *d. Exerc. 27. th. 68.*

Quæ de adjectione certi diei diximus, quod scilicet ea moram sine interpellatione inducat, nonnulli ex DD. restringunt ad eum casum, si creditor & debitor sint ejusdem fori, quod si verò sub diverso foroprehenduntur, interpellationem nihilominus requirunt, v. Mynsing. *Cent. 3. Obs. 95.*

Brun-

DE NAUTICO FOENORE. 103

Brunneman. *Cent. 3. decis. 64.* Beyer *Pos. ff. b. t. pos. 62. 63.* Verum, quod salva autoritate dissentientium dictum sit, nobis illa sententia principiis juris aperte contrariari videtur. Quid enim diversitas fori ad hoc contribuere valet, ut dies non interpelliet pro homine? aut, an homines, qui sub diverso foro vivunt, propterea etiam diverso statim jure utuntur? Ridiculum sanè. Hinc de ea jam dubitare cœpit Saporita *de mora c. 2. num. 63.*

Ceterum interpellationem unicam sufficere, neque opus esse, ut præcise in judicio fiat, sed extra judicalem huic æquipollere, satis notum est.

LIB. XXII. TIT. II.

De Nautico Fœnore.

DISTINCT. I.

Inter Usuras *vulgares & nauticas.*

VSus partim in foro Romano, partim etiam in nostro deprehenditur. Apud Romanos in contractu mutui usuræ non debebantur, nisi per stipulationem promissæ erant; at usuræ nauticæ etiam nudo pacto valide promittebantur, *l. 5. §. 1. l. 7. ff. b. t.* Verum ea diffe-

rentia hodie non amplius attenditur, postquam nudis pactis ubique eadem vis tribuitur, quæ olim stipulationibus compete-
bat. Mansit adhuc hodiè usus intuitu *quantitatis usurarum*. Vulgares enim usuræ per Leges ita sunt restrictæ, ut majores, quam quincunces, promitti non possint, nisi quis poenas usurariæ pravitati dictitatas sustinere velit; at nauticæ eum modum longè excedunt. Non solum enim jure Romano, *l. 26. §. pen. C. h. t.* centesimæ; sed & hodie adhuc majores valide promittuntur, v. *Illustr. Stryk Caut. Contr. sect. 3. c. 5. §. 29.* add. *Hahn ad Wesenbec. h. t. num. 1.* Posset etiam hoc addere, quod propter usuras nauticas periculum sortis ad Creditorem pertineat, propter vulgares autem ad Debitorem, v. *Hagen de Usur. cap. 1. num. 14. seqq.*

LIB. XXII. TIT. III.

De Probationibus & Præsumptionibus.

DISTINCT. I.

Inter Probationem *artificialem* & *inartificialem*.

HEc merè theoretica est. *Artificialis* dicitur, quæ per indicia & conjecturas:

Inar-

Inartificialis, quæ per testes & instrumenta perficitur. Perinde autem est, siue artificiali, siue inartificiali utaris.

DIST. II.

Inter *Probationem* (Beweis) & *Demonstrationem* (Bescheinigung) siue inter *Probationem solennem* & *minus solennem*.

P*Rior*, quæ in causis ordinariis obtinet, requirit articulorum oblationem in iudicio, citationem adversæ partis ad videndum jurare testes, danda interrogatoria, & recognoscendum, & quod pro principaliter merito habetur, ad terminum probatorium præcisè est adstricta; aliud in *posteriori*, quæ ad causas summarias pertinet. Sic in causa *summariisimi possessorii* testes absente etiam adversario coram Notario examinati sufficientem probationem faciunt, neque hic super habilitate testium disputatio admittitur, quod in probatione solenni fieri debet. Sic, si quis ex *instrumento garantigato* agat, non opus est, ut articulos offerat & iisdem instrumentum adjungat, sed mox ad recognitionem devenitur, exceptiones quoque alterioris indaginis rejiciuntur, quas tamen in causis ordinariis

admitti oportet. Sic, si quis in termino præfixo emanferit & contumaciam per allegationem *legalis impedimenti* purgare velit, tunc v. g. etiam injuratum Medici de morbo attestantis testimonium sufficit. Huc pertinet etiam probatio per *ocularem inspectionem*, quæ ipsa, non minus ac præcedentes, ad terminum probatorium nequitquam est adstricta. Unde si in causa summaria Judex per sententiam Actori injungat, daß Er den Grund seiner Klage beweisen solle/ Actori iusta appellandi causa supererit, sicut è contrario Reus etiam appellare poterit, si Judex ab Actore in causa ordinaria solummodò desideret, daß Er es bescheinigen solle/ Processus enim ordinarius invito Reo in summarium mutari nequit, conf. Sverdendörff. in not. ad Process. Fibigii. Carpzov. Proc. Tit. 8. Art. 2. n. 52.

DIST. III.

Inter Probationem *plenam* &
minus plenam.

DE hac solummodò notandum, quod *plena* tantum operetur, quantum ad totius causæ decisionem necessarium est, & quod vocabulo *probationis* absolutè posito ea semper intelligatur, non solum in
cri-

DE PROBAT. ET PRÆSUMT. 10

criminalibus, sed in civilibus etiam: *Minus plena* è contrario per se non facit plenam fidem, sed alio adhuc indiget adminiculo, de quo ad subsequentem distinctionem dispiciendum.

DIST. IV.

Inter Probationem semiplenam *ma-
jorem*, semiplenam *simpliciter
dictam*, & semiplenam
minorem.

Semiplena *simpliciter dicta* oritur ex depositione unius testis, qui omni exceptione major est: quod si ejusmodi testi adhuc alius accedat, qui non omni exceptione est major, vel alia quædam præsumtio, tunc exinde probatio semiplena *major* exsurgit: è contrario, si unum saltem testem non omni exceptione majorem, vel aliam conjecturam habeam, v. g. in causa imputati adulterii literas amatorias: in causa homicidii præcedentes minas &c. probatio semiplena *minor* vocari consuevit, v. Carpz. P. 2. Const. 23. Def. 4.

Ulus in eo consistit: Si Aëtor semiplenam *simplicem*, vel *majo-rem* etiam pro se habet, tunc ad juramentum suppletorium admittitur, scilicet in causis civilibus, non ve-

rò in criminalibus, v. *suprà tit. de jurejur. Dist. XI.* ast si semiplena *minori* saltem munitus sit, tunc Reo juramentum purgatorium deferri consuevit. Posses & hoc addere: Semiplena *major* in causis summariis, antiquis & in defensione rei pro perfecta habetur, non autem reliquæ, Cravetta *Conf. 158. num. 11.* Menoch *lib. 1. præsumt. 41.* Brunneman. *Proc. civil. c. 18. num. 10.* Coler. *de Proc. execut. P. 3. c. 1. num. 62.*

DIST. V.

Inter Præsumptionem *hominis, juris,*
juris & de jure.

PRÆSUMPTIO *hominis & juris* in eo conveniunt, quod utraque admittat probationem in contrarium: præsumptio autem, quæ *juris & de jure* dicitur, eam neutiquam admittit.

Ne verò putes, præsumptionem *hominis & juris* propterea planè idem esse. Persvasisse hoc sibi videtur Dn. Beyer in *posit. ff. b. t. in subjunct. post posit. 46.* de cujus objectionibus breviter videbimus. *Utraque,* inquit, *nititur sanâ ratione & consequentia certa, vel probabili, ex conditione humani generis, qualitatis personarum, aut rerum, natura contractus & negotii, &c. desumpta.* Re-
ctè.

&c. Sed in eo tamen manet differentia,
 quod præsumptio *juris* desumatur *ex natura*
rerum & generis humani in univ^{er}sum conside-
 ratu, præsumptio *hominis* autem ex specialibus
 circumstantiis in hoc illove negotio occurrenti-
 bus. Pergit Dn. Beyer: Ad posteriorem (præ-
 sumptionem *juris* scilicet) prætereā requirunt,
 ut in LL. sit expressa. Verū cui usui? cum &
hominis præsumptio, si frivola non sit, eodem
juris effectu gaudeat, neque regula alicujus
 qualiscunque in Legibus expressio majorem ei
 validitatem conciliet, sed requiratur, tū ut
 exprimat^{ur} dispositivè & per modum thes^eos,
 tū ut constet, eam nullius, vel minoris mo-
 menti fuisse, nisi in Lege esset expressa. Hic
 ante omnia supponendum est, Jctos per
 Vocem *hominis* non quemcunque homi-
 nem, sed Judicem solum intelligere, cujus
 scilicet præsumptio effectum decisivum in
 foro post se trahere potest, conf. Disp. nostr.
 inaugural. de præsumt. bonitat. Quamvis
 verò utraque præsumptio eodem *juris* effe-
 ctu gaudeat; hæc tamen iterū adest dif-
 ferentia, quod præsumptio *juris* immediatè
 ex Lege descendat nullamque præcedentem
 probationem requirat, v. g. quando Leges
 præsumunt, quemlibet bonum esse: quem-
 libet fundum libertate gaudere: neminem
 suum

suum jactare, &c. verum præsumptio *hominis præcedentem probationem aliquam omnino desiderat.* Est quippe illa vel in bonam, vel in malam partem. Priori casu oritur ex semiplena probatione & propterea Judex mihi juramentum suppletorium defert, quia præsumit, justitiam causæ à mea parte stare, cum unum testem omni exceptione majorem pro me habeam. Posteriori casu ex depositione unius testis omni exceptione non majoris desumitur, & proinde juramentum purgationis defertur. Hæc sine dubio adhuc alicujus usus esse videntur.

Addit Dn. Beyer: *pleraque præsumptionis juris exempla in Legibus saltem per modum hypothescos & tanquam rationes equitatis naturalis, vel regulas bonæ interpretationis allegari, neque minùs valere præsumptiones: neminem suum jactare; contractum intelligi rebus sic stantibus &c. licet in LL. expressæ non forent.* Verùm hic non putamus, quod aliquem dissentientem habeat, qui genuinis Jurisprudentiæ civilis fundamentis est imbutus. Quando enim DD. præsumptionem *juris* nominant, tunc non præcisè talem intelligunt, quæ ex jure civili solo descendat, sed eam quoque, quam *jus natu-*

ra indigitat, quamvis in Legibus civilibus non fuerit repetita. Hic ergò sine necessitate dissentire videtur Dn. Beyer.

Denique, quando ad præsumtionem *juris & de jure* argumenta apodictica, v. g. mulierem prægnantem non esse virginem, &c. refert; tunc itidem à recepta hactenus vocabuli significatione recessisse videtur. DD. enim hoc saltem eodem denotant, (quod paulò post addit) *quando Leges non adeò ex facto inferunt, quàm disponunt & constituunt, quod aliter se habere conclusio non debeat.* Hinc quando in LL. dicitur, quod moriens non præsumatur jocatus esse, tunc idem est, ac moriens non debet joculari. Sic quando Tutor dicit, se res proprias per errorem in inventario inter res pupilli retulisse, tunc Leges ejus probationem non admittunt, in pœnam, quia Tutor in confectione illius inventarii majorem circumspectionem adhibere debuisset, v. *l. 13. C. arbitr. Tutel.* Fateor quidem, præsumtionis vocabulum hîc admodum improprie accipi, cum aliud sit præsumptio, aliud juris dispositio; sed vocabulis ita utimur, prout receptum est, quia nobis illorum significationes mutare neutiquam convenit.

LIB. XXII. TIT. IV.

De Fide instrumentorum & amissione eorum.

DISTINCT. I.

Inter Instrumentum *publicum* &
quasipublicum.

Quasi *publicum* vocant, quod trium testium subscriptione est confirmatum, juxta *l. u. C. qui pot. in pign.* & illi eundem effectum tribuit Lauterbach *b. t.* quem instrumentum publicum coram Judicè confectum, sive actis insinuatum habet, unde nullus usus practicus hujus distinctionis esse videtur. Sed salva nihilominus res est, manet adhuc usus non contemnendus. Quando enim in multis locis requiritur, ut v. g. contractus super venditis prædiis rusticis & urbanis in publicum instrumentum redigantur, tunc ne utquam, puto, sufficeret, si quis loco confirmationis judicialis, quæ eo ipso indigitatur, subscriptionem trium testium, tanquam æquipollens aliquod, substituere vellet. Quando E. Lauterbach, utrique instrumento

DE FIDE INSTRUM. ET AMISS. &c. n^o 3
to, eundem effectum tribuit, hoc saltem in
casu constitutæ hypothecæ procedit, juxta
cit. l. ii. C. qui pot. in pign. quamvis nec ha-
ctenus quidem in Saxonia applicari possit,
quia ibi non solum in plenaria alienatione,
sed in oppignoratione immobilium etiam
præcisè requiritur, ut judicialiter fiat.

DIST. II.

Inter Instrumentum *publicum*
& *privatum*.

Publicum plenam meretur fidem, unde
qui ex publico agit, recognitionem pete-
re necesse non habet: secus in *privato*,
quod quidem contra producentem, non
tamen pro eodem ante factam recognitio-
nem probat. Speciale quid est de jure Sa-
xonico, ubi publica quoque instrumenta ad
recognitionem offerenda sunt, Carpzov. *de*
Process. Tit. 14. Art. 3. n. 18. quamvis, cum hîc
juratæ diffessioni locus non concedatur
juxta Eundem *cit. Tit. 14. Art. 3. num. 48.* can-
dem superfluum & abundantem non im-
meritò dixeris, v. Illustr. Stryk *Introd. ad*
prax. for. cap. 19. §. 7. in f.

Publicum in concursu creditorum hypo-
thecæ jus prælationis tribuit præ omnibus
H hypo-

hypothecis *privatis*, quamvis hæ tempore priores sint. —

Publicum in materia testamentorum nullas requirit solennitates, benè tamen *privatum*.

Publicum interdum præcisè requiritur & *privatum* non sufficit, v.g. si mulier intercedit pro alio, hoc enim, si in privato instrumento fiat, mulier exceptione Sc. Vellejani opus non haberet, sed ipsò jure tuta esset, l. 23. §. f. C. ad Sc. Vellejan. Item in Saxonia in alienatione & oppignoratione immobilium, & alibi etiam in alienatione prædiorum rusticorum.

DIST. III.

Inter Instrumentum à *Notario* & à *privatis* confectum.

Hic maximus usus intuitu adhibitionis certarum solennitatum deprehenditur. In instrumentis Notariorum invocatio nominis divini præcedere, & tunc porro annus Christi, indictio Romana, nomen Imperatoris regnantis, mensis, dies, hora & locus specialis, ubi negotium gestum est, exprimi debent: adhibendi etiam sunt testes, & subscriptio non solum, sed subsignatio etiam sigillò Notariatus lata

DE FIDE INSTRUM. ET AMISS. &c. 115
ēta adjicienda est, de quibus omnibus fu-
sius disponit *Ordin. Notar. de A. 1512. §. Unde*
demnach/ conf. Halin ad Wesenb. b. t. num. 5.
verb. sunt & solennes clausula, ubi alia adhuc
occurrunt; sed neutrum horum in Instru-
mentis privatis exigitur, ne quidem sub-
scriptio, si quis integrum instrumentum
propriā manu conscripsit. Excipiunt com-
muniter *rationes*, quæ & subscriptionem &
diem requirunt, l. 8. §. 15. ff. quib. mod. pign.
solv. l. 1. §. ff. de Edend. idque posterius ex
ipsius rei indole, cum rationes non uno eo-
demque tempore, sed de die in diem confi-
ciantur.

DIST. IV.

Inter *Chirographum, Syngrapham,*
Antapocham & Apocham.

C*hirographum* vocant, quod in contracti-
bus *unilateralibus*, præcipuè mutui, à
Debitore Creditori in securitatem Crediti
offertur, melioris probationis ergò: *Syn-*
grapha ē contrario in contractibus *bilate-*
ralibus conficitur & ab utroque contra-
hentium subscribitur atque cuilibet ex-
emplar ejusdem traditur, quò pertinent
instrumenta super emtione, locatione, so-
cietate, &c. confecta. Per *Apocham* Cre-
ditor testatur, pecuniam debitam à debito-

re sibi solutam esse, atque adeò hæc Chirographo directò opponitur. *Antapocha* denique est instrumentum, quò fateretur debitor, se præstationes annuas solvisse, easque ex prædio suo debere, juxta *l. 19. C. h. l.* Ceterum præter diversum huncce conceptum in effectu non differunt, omnia enim eandem vim probandi habent, conf. Hahn *loc. cit. num. 2. verb. scripturarum autem privatarum.*

DIST. V.

Inter Protocolum & transsumtum.

Protocollo sunt scripturæ à Notariis super negotio aliquo memoriæ causâ confectæ, ex quibus postea *transsumta* (quæ propriè Instrumentorum nomine veniunt) conficiuntur. *Protocolum* ergò non desiderat solennitatem aliquam, sed distinctam saltem adnotationem omnium eorum, quæ de tempore in tempus Notario expedienda commissa fuerunt. At verò in *transsumto* omnia illa adesse debent, quorum paulò ante sub *Dist. III.* mentionem injecimus. Non tamen requirimus, ut testes à Notario adhibiti instrumentum illud simul subscribant, quod quidem putat Bachov. *in not. ad Wesenb. b. t.* sufficere enim posse putamus, quæ hic adduxit Hahn *loc. cit.*

DE FIDE INSTRUM. & AMISS. &c. 117
cit. num. 5. verb. tamen communis distinctio,
quod scil. novæ solennitates præter Leges
non sint introducendæ, & quod ex *Nov. 73.*
c. 5. firmum pro Bachovii opinione argu-
mentum desumi nequeat. Deinde, si dis-
sonantia quædam inter protocollum &
transumptum deprehendatur, hoc ex illo
est dijudicandum, illiusque fides huic præ-
valet, *Carpzov. P. 1. C. 17. Def. 44.* hoc enim
est referens, illud verò relatum. At refe-
rens, si à relato recedit, fidem non mere-
tur.

DIST. VI.

Inter *Originalia & Copias.*

Illa semper probant, modò vitiò aliquo
non laborent, juxta ea, quæ ad *Dist. II.* dixi-
mus. *Hæ* verò regulariter non probant,
cum nesciamus, an fides adhibenda sit ejus-
modi Copiis, annon, *v. l. 2. ff. § l. 7. C. b. t.*
quia error in describendo admodum faci-
lis & frequens.

Probant tamen *Copia* interdum. Huc
pertinet, si exemplificatio facta citatis iis,
quorum interest: si exemplum ex archivo
producatur: & si in causis antiquis verse-
mur, *v. Brunnem. Proc. Civ. c. 10. n. 9. 10. 11. add.*
Hahn ad Wesenb. b. t. num. 2. verb. Exemplar.

Copia *vidimata* (aut *fidemata*, utrumque enim rectè scribitur) ab *auscultata* in effectu non differt, sed solum quoad modum exemplificationis, quia in auscultatione alter prælegit, alter verò auscultat, in vidimatione autem unus utrumque, & copiam factam & originale, perlegit.

LIB. XXII. Tit. V.

De Testibus.

DISTINCT. I.

Inter Testes *omni exceptione majores & idoneos.*

T Estis *omni exceptione major* (qui etiam *classicus* vocari consuevit) semiplenam facit probationem & propterea juramento suppletorio locus est: secus in teste, qui *idoneus* saltem, aut *omni exceptione major* non est, v. quæ diximus *ad tit. de probat. Dist. IV.*

LIB. XXII. Tit. VI.

De Juris & Facti ignorantia.

DISTINCT. I.

Inter *ignorantiam & errorem.*

Ignorantiam vocamus, quando quis ad propositam ipsi quæstionem *plane tacet*:

DE JUR. ET FACT. IGNORANT. 119
errorem verò, si minus rectè respondet. Unde
Metaphysici priorem ignorantiam *pura ne-*
gationis, posteriorem verò *prædispositio-*
nis vocari consueverunt. Ceterum in pra-
xi usum non habet distinctio, quia quicquid
de ignorantia in jure affirmatur, vel nega-
tur, id quoque affirmatur vel negatur de er-
rore eodem ubivis modo.

DIST. II.

Inter ignorantiam *juris & facti.*

IN hac distinctione maxima latet utilitas.
Regula enim quoad *ignorantiam juris est,*
quod ea excusationem neutiquam præbeat,
cum jus certum sit & definitum, quod om-
nes subditi scire possunt & debent, atque
adeò eorum ignorantia hac parte planè
supina & serè affectata sit.

Exceptio est in *minoribus, feminis, mili-*
tibus & rusticis, de quibus Struv. *S. J. C. Ex. 28.*
lib. 56. modò observes, hanc exceptionem
solummodò in iis procedere, quæ meri ju-
ris civilis, non autem, quæ juris naturalis &
divini positivi sunt, unde poena non miti-
gatur, quamvis interdum inquisiti in Actis
inquisitionalibus respondisse deprehen-
duntur, *Sie hätten den Catechismus und die*
zehn Gebote niemahln gelernt / wüßten auch

nicht/ ob stehlen/ huren/ u.d. gl. unrecht sey/ oder
 nicht/ quis enim in causa est, quod hæc nesci-
 ant, nisi illi ipsi. Præcepta siquidem juris
 civilis sæpè multis subtilitatibus scatent &
 sic à quolibet comprehendi nequeunt, non
 autem leges divinæ, quæ simplices sunt &
 intellectu facillimæ.

Distingvunt verò DD. *utrum is*, qui igno-
 rantiam juris allegat, *de damno vitando*, an
 verò *de lucro captando* certet. *Posteriori casu*
eam nocere dicunt, non autem priori. Sed
 tamen etiam *prior casus* subdistinguendus.
 Aut scilicet, *damnum reverà jam passus su-*
mus rem nostram in alium transferendo, &
 tunc ignorantia juris iterùm nocet, id est,
 propter errorem vel ignorantiam juris non
 conceditur actio, *l. 10. C. de jur. & fact. ignor.*
 aut *damnum nobis saltem imminet*, ubi rem
 adhuc possidemus, & tunc talis ignorantia
 non nocet, sed nobis exceptio competit,
l. 7. & 8. ff. b. t. quæ conciliatio harum Le-
 gum optima esse videtur & sic melior, quam
 eorum, qui eò casu, ubi damni reparatio-
 nem intendimus, nos de captando aliquo
 lucro sollicitos esse asserunt, quod funda-
 mentis juris ipsique loquendi formæ dire-
 ctò contrariatur. Unde etiam illi, qui ex
 errore juris aliquid solvit, *condictio inde-*
biti

biti rectè denegatur, prout contradissenti-
entes (quibus se etiam jungere voluit Dn.
Beyer *Pos. ff. de Condict. indeb. pos. 29. seqq.*)
rectè adstruit Lauterbach *eod. tit.* Et licet
ille excipiat, *debere in accipiente causam
subesse, ob quam jura ipsi retentionem indul-*
gent; facili tamen negotio responderetur, eò
ipsò justam causam adesse, quod leges alteri
hanc rem in pœnam supinæ & crassæ negli-
gentiæ adimant, modò scilicet accipiens
etiam in errore fuerit, quod ubique suppo-
nitur. His suppositis facilè intelligi potest,
cur Ulpianus in *l. 25. §. 6. ff. de hered. petit.*
dixerit, quod is quoque fructus retineat &
pro b.f. possessore habendus sit, qui in jure
erravit, v. g. qui putavit rectè factum testa-
mentum, cum inutile erat, &c. certat siqui-
dem hic *de damno imminente avertendo, non
de damno jam perpeffo resarciendo,* & ergò
Leges ipsi ignoscunt. Vides ergò, in hac
quoque materia verum esse, quod aliàs di-
cunt J Cti: *Leges faciliùs exceptionem conce-*
dere, quàm actionem, quam Legum analo-
giam qui non observant, mirificè se tor-
quere coguntur.

Jam ad *ignorantiam facti* progrediamur.
Hic regula priori è diametro opposita de-
prehenditur. *Ignorantia enim facti excusa-*

sionem omninò præbet. Facta scilicet publicè non promulgantur, ut Leges, sed secretò & nobis insciis, qui omniscientia destituti sumus, expediuntur, ergò & à nobis exigì nequit, ut omnium factorum noticiam habeamus.

Subdistingue autem inter facta *propria* & *aliena*. Regula nostra de alienis loquitur, non de propriis. Hæc enim ignorare velle iterùm supini & affectati notam incurreret. Quid ergò, si quis e.g. ex contractu emtionis ad pretium solvendum obligatus esset, sed tamen, ubi solutionem differebat, se ex hoc capite, à mora excusare vellet, quod hujus obligationis oblitus planè fuerit? Non credo ipsi hoc profuturum esse, quamvis enim oblitus fuisset, oblivisci tamen non debebat. Exceptio admitti posset, si de facto antiquo ageretur, ubi executio contractus in multos annos dilata erat, hic enim excusationem forsan præberet vulgatum illud: *Memoriam hominum esse labilem*. Et hæc vera hujus materiz fundamenta esse credimus; qui plures limitationes & sublimitationes, rem non explicantes, desiderat, is adire potest Hahn *not. ad Wesenb. b. t.* Nostrum non est, ejusmodi confusiones ulterius propagare.

LIB. XXIII. TIT. I.

De Sponsalibus.

DISTINCT. I.

Inter Sponsalia *de presenti* &
de futuro.



Ec distinctio ex jure Canonico
desumpta est, & apud eos quoque,
qui lingua Latinâ utuntur, non
parum utilitatis habet. Scilicet
Sponsalia *de presenti* dicuntur, quæ verbis
præsentis temporis celebrantur, v. g. *Duco te
in uxorem*, & hæc firmam obligationem præ-
ducunt. Sponsalia *de futuro* autem appel-
lant, ubi promissio per verba futuri tempo-
ris expeditur, v. g. *Ducam te in uxorem*, &
hæc præparatoria potius sponsaliorum,
quàm ipsa sponsalia dici merentur, quia
nullam planè effectum post se trahunt, v.
Excell. Thomasius in *Disp. Lips. de validit.
Conjug. invit. parent. contr. §. 5.* Dessel. *Ero-
tem. jur. Canon. lib. 4. Tit. 1. qu. 3.* sed hæc
quidem in verbis differentia apud Germa-
nos locum non invenit, postquam jam ipse
Lutherus in *libello von Ehe-Sachen* agnovit.

es sene elnerlen / ab Hans zu Grieten spreche / ich
nehme dich / oder ich will dich nehmen / quemad-
modum etiam in aliis casibus eodem reci-
dit, sive v.g. quis dicat, ich schencke dir dieses /
oder ich will dir's schencken / nisi forsan sponsus
verba ita formaverit. Er wolle künfftig einmal
mit der Caja Verlöbntß machen. Hodie ergo
sponsalia impuberum solum ad Sponsalia de
futuro pertinent. Communis quidem DD.
confusio huc quoque sponsalia conditiona-
lia refert, cui sententiæ ipsum Schilterum
in Instit. jur. canon. lib. 2. Tit. 10. §. 3. nec non
Huberum *Digress. P. 1. l. 2. c. 7. circ. fin.* acces-
sisse valde miror; sed cæcus etiam hic, ni
fallor, videre posset, utramque sponsalio-
rum speciem totò cœlo à se invicem dista-
re, cum *sponsalia de futuro nullam plane*; ea
autem, quæ *sub conditione* celebrantur, ob-
ligationem *ad expectandum conditionis e-*
ventum inferant & sic pendente conditio-
ne neutri ex contrahentibus facultas pœni-
tendi competat, v. Dn. Thomasius *loc. prox.*
cit. §. 8.

Existimant quidem nonnulli eruditi Vi-
ri, hodie quoque illum actum, ubi prima
promissio fit de ineundo matrimonio, no-
stri vocant das Ja-Wort / cum sponsalibus
Canonistarum de futuro convenire; ve-
rùm

rūm cum & hic jam adsit purus consensus, & solennitates postea adhiberi solitæ, v.g. annuli traditio, convivium, publicæ gratulationes, &c. non pertineant ad essentiam sponsaliorum, hinc illi opinioni subscribere nullò modò possumus.

DIST. II.

Inter Sponsalia *publica* & *clandestina*.

P*ublica* sunt, quæ coràm testibus accedente Parentum consensu celebrantur.

Clandestina autem iterum duplicis sunt generis: aut enim *testium præsentia*, aut testibus præsentibus *parentum consensus* deficit. Hæc neutiquam confundi debent, quod quidem sæpè à DD. fieri consuevit.

Ufus in eo consistit: *Publica* firmam producant obligationem ad matrimonium in eundum, quia juxta formam in Legibus præscriptam celebrata fuerunt.

Clandestina, ubi saltem testes desunt, pariter contrahentes obligant, nisi quod probatio difficilior reddatur v. Heigius p. 1. qv. 22. ubi tamen multos scrupulos sine necessitate movet. Melius procedit Illustr. Stryk in not. ad Brunnem. jus Ecclesiast. l. 2. c. 16. §. 12. verb. de his constat.

Verūm

Verùm *Clandestina*, qua parentum consensu destituuntur, nulla sunt, quia forma in Legibus & divinis & naturalibus requisita deficit. Parentibus enim & hac parte liberi reverentiam exhibere tenentur. Appositè Catullus:

Virginitas non tota tua est, ex parte parentum est,

Tertia pars matri data, pars data tertia patri,

Tertia sola tua est, noli pugnare duobus.
v. Heigius d. qd. 22. num. 59.

DIST. III.

Inter sponsalia *pura* & *conditionalia*.

Pura statim obligationem producant & in illis facultas pœnitendi utrique parti simpliciter est præscissa. Ast in *conditionalibus* effectus usque ad eventum futurum in suspenso manet, ac quamvis nec pendente conditione pœnitere liceat, è contrario tamen eâ pendente etiam ad consummationem, agi non potest, quod in omnibus conventionibus conditionalibus ita observatur, v. Carpzov. *Jurispr. Eccl. lib. 2. Def. 21. & 70.* Ceterum omnis conditio possibilis licitè adjicitur, quamvis spem lucri

eri contineat, v. g. si sponsus officium aliquod consecutus fuerit, aut sponsa aliquot mille thalerorum attulerit dotis nomine Carpzov. *l.c. Def. 22.* Schilter *Instit. jur. Canon. lib. Tit. 10. §. 4.*

Sed quid de Conditione *impossibili* vel *turpi* statuendum, si ea forsitan sponsalibus adjecta deprehendatur? Sedes hujus materiæ est in *c. fin. X. de condit. appos.* ubi Papa Gregorius IX. distinguit, (1) utrum conditio adjecta sit *factò impossibilis*, an *turpis*, & (2) an hæc turpitudine impingat *contra leges quascunque*, utrum verò *contra leges matrimoniales in specie*.

Si conditio *contra leges matrimoniales* impingit, v. g. si generationem prolis evites: donec inveniam aliam honore vel facultatibus ditiores: aut si pro quæstu adulterandam te tradas; tunc ipse Papa fatetur, matrimonii contractum, quantumcunq; sit favorabilis, effectu carere, & hætenus benè decedit. Sed videbimus ulterius.

Scilicet, si conditio *contra leges quascunque impingat*, v. g. si furtum, homicidium, vim & similia commiseris: item, *si factò est impossibilis*, v. g. si cælum digito tetigeris, &c. tunc Papa has condiciones in favorem matrimonii pro non adjectis habendas

das esse pronunciat, quod Dessel. *Erotem. Jur. Canon. l. 4. tit. 3. qu. 3.* exinde deducere nititur, quia etiam in ultimis voluntatibus ejusmodi conditiones pro non adjectis haberi solent.

Ergo de jure Canonico maximus usus distinctionis inter diversas hasce conditionum impossibilium species deprehenditur. Sed quid apud Evangelicos? Certè si Carpzovium aliosque nonnullos inspicimus, jurisprudentia Evangelicorum ab hypothefibus Pontificiorum nihil peculiare habebit, nam & ille in *cit. Jurispr. Eccl. lib. 2. Def. 24.* eadem repetit, quæ Papa dixit, & non minus, quàm hic, favorem matrimonii crepat, add. Schilter. *d. l. 2. tit. 10. §. 4.* Verum enimverò cum hæc dispositio juris Canonici planè irrationabilis sit, cum scilicet consensum inducat, ubi talis non est, & homines invitas etiam ad nuptios cogat, quod ipsum detestatur jus divinum naturale & positivum; DD. autem nostri in ea sint opinione, & rectè quidem, jus Canonicum Evangelicos non obligare, neque inter eos pro recepto haberi posse, nisi quatenus cum jure divino congruit; hinc juri Canonico in hac materia autoritas aliqua apud Evangelicos tribui nullà ratione potest,

est, quod ipsum non solum rationibus concludentibus, sed autoritatibus etiam & Theologorum & JCtorum Protestantium fusè ostendimus in *petul. Dissertat. de Conditionibus sponsaliorum impossibilibus*, hic Hale ante duos annos habita, quò nos brevitatis causa remittimus.

DIST. IV.

Inter *Arrham sponsalitiā, sponsalitiam largitatem & Morgengabam.*

Arrha sponsalitia vocatur, quæ in ipso actu desponsationis plerumque offertur à sponso sponsæ & vice versa, quò pertinent annuli, &c.

Sponsalitiam largitatem autem sponsus sponsæ tempore intermedio post celebrata scilicet sponsalia usque ad nuptias offerre solet ad eliciendum scilicet, ut creditur vulgò, sponsæ amorem.

Morgengaba denique à sponso sponsæ altero nuptiarum die in pretium delibatae virginitatis dari consuevit.

Ufus in eo consistit: *Arrham* retinent quidem desponsati, si matrimonium subsequitur: ast si non sequitur, tunc distinguendum, cujus culpa hoc fiat. Si culpa sponsi subest,
I tunc

nicht/ ob stehlen/ huren/ u.d. gl. unrecht sey/ oder
 nicht/ quis enim in causa est, quod hæc nesci-
 ant, nisi illi ipsi. Præcepta siquidem juris
 civilis sæpè multis subtilitatibus scatent &
 sic à quolibet comprehendi nequeunt, non
 autem leges divinæ, quæ simplices sunt &
 intellectu facillimæ.

Distingvunt verò DD. *utrum is*, qui igno-
 rantiam juris allegat, *de damno vitando*, an
 verò *de lucro captando* certet. *Posteriori* casu
 eam nocere dicunt, non autem *priori*. Sed
 tamen etiam *prior* casus subdistinguendus.
 Aut scilicet, damnum *revera jam passus*
mus rem nostram in alium transferendo, &
 tunc ignorantia juris iterum nocet, id est,
 propter errorem vel ignorantiam juris non
 conceditur actio, *L. 10. C. de jur. & fact. ignor.*
 aut damnum *nobis saltem imminet*, ubi rem
 adhuc possidemus, & tunc talis ignorantia
 non nocet, sed nobis exceptio competit,
l. 7. & 8. ff. b. t. quæ conciliatio harum Le-
 gum optima esse videtur & sic melior, quam
 eorum, qui eò casu, ubi damni reparatio-
 nem intendimus, nos de captando aliquo
 lucro sollicitos esse asserunt, quod funda-
 mentis juris ipsique loquendi formæ dire-
 ctò contrariatur. Unde etiam illi, qui ex
 errore juris aliquid solvit, conditio inde-
 biti

biti rectè denegatur, prout contra dissentientes (quibus se etiam jungere voluit Dn. Beyer *Pos. ff. de Condict. indeb. pos. 29. seqq.*) rectè adstruit Lauterbach *eod. tit.* Et licet ille excipiat, *debere in accipiente causam subesse, ob quam jura ipsi retentionem indulgent*; facili tamen negotio respondetur, eò ipsò justam causam adesse, quod leges alteri hanc rem in pœnam supinæ & crassæ negligentiae adimant, modò scilicet accipiens etiam in errore fuerit, quod ubique supponitur. His suppositis faciliè intelligi potest, cur Ulpianus in *l. 25. §. 6. ff. de hered. petit.* dixerit, quod is quoque fructus retineat & pro b.f. possessore habendus sit, qui in jure erravit, v. g. qui putavit rectè factum testamentum, cum inutile erat, &c. certat siquidem hic *de damno imminente avertendo, non de damno jam perpeffo resarciendo*, & ergò Leges ipsi ignoscunt. Vides ergò, in hac quoque materia verum esse, quod aliàs dicunt JCrī: *Leges faciliùs exceptionem concedere, quàm actionem*, quam Legum analogiam qui non observant, mirificè se torquere coguntur.

Jam ad *ignorantiam facti* progrediamur. Hic regula priori è diametro opposita deprehenditur. *Ignorantia enim facti excusa-*

sionem omninò præbet. Facta scilicet publicè non promulgantur, ut Leges, sed secretò & nobis insciis, qui omniscientia destituti sumus, expediuntur, ergò & à nobis exigì nequit, ut omnium factorum notitiam habeamus.

Subdistingue autem inter facta *propria* & *aliena*. Regula nostra de alienis loquitur, non de propriis. Hæc enim ignorare velle iterùm supini & affectati notam incurreret. Quid ergò, si quis e.g. ex contractu emtionis ad pretium solvendum obligatus esset, sed tamen, ubi solutionem differebat, se ex hoc capite, à mora excusare vellet, quod hujus obligationis oblitus planè fuerit? Non credo ipsi hoc profuturum esse, quamvis enim oblitus fuisset, oblivisci tamen non debebat. Exceptio admitti posset, si de facto antiquo ageretur, ubi executio contractus in multos annos dilata erat, hic enim excusationem forsàn præberet vulgatum illud; *Memoriam hominum esse labilem*. Et hæc vera hujus materiæ fundamenta esse credimus; qui plures limitationes & sublimitationes, rem non explicantes, desiderat, is adire potest Hahn *not. ad Wesenb. b. t.* Nostrum non est, ejusmodi confusiones ulterius propagare.

LIB. XXIII. TIT. I.

De Sponsalibus.

DISTINCT. I.

Inter Sponsalia *de presenti* &
de futuro.



Ec distinctio ex jure Canonico
desumpta est, & apud eos quoque,
qui lingua Latinâ utuntur, non
parum utilitatis habet. Scilicet
Sponsalia *de presenti* dicuntur, quæ verbis
præsentis temporis celebrantur, v.g. *Duco te
in uxorem*, & hæc firmam obligationem præ-
ducunt. Sponsalia *de futuro* autem appel-
lant, ubi promissio per verba futuri tempo-
ris expeditur, v. g. *Ducam te in uxorem*, &
hæc præparatoria potius sponsaliorum,
quàm ipsa sponsalia dici merentur, quia
nullam planè effectum post se trahunt, v.
Excell. Thomasius in *Disp. Lips. de validit.
Conjug. invit. parent. contr. §. 5. Dessel. Ero-
tem. jur. Canon. lib. 4. Tit. 1. qu. 3.* sed hæc
quidem in verbis differentia apud Germa-
nos locum non invenit, postquam jam ipse
Lutherus in *libello von Ehe-Sachen* agnovit.

es seye einerley / ob Hanß zu Griten spreche / ich
 nehme dich / oder ich will dich nehmen / quemad-
 modum etiam in aliis casibus eodem reci-
 dit, sive v.g. quis dicat, ich schencke dir dieses /
 oder ich wil'ldits schencken / nisi forsan sponsus
 verba ita formaverit: Er wolle künfftig einmal
 mit der Caja Verlöbniß machen. Hodie ergo
sponsalia impuberum solum ad Sponsalia de
 futuro pertinent. Communis quidem DD.
 confusio huc quoque sponsalia conditiona-
 lia refert, cui sententiæ ipsum Schilterum
in Instit. jur. canon. lib. 2. Tit. 10. §. 3. nec non
 Huberum *Digress. P. 1. l. 2. c. 7. circ. fin.* acces-
 sisse valde miror; sed cæcus etiam hic, ni
 fallor, videre posset, utramque sponsalio-
 rum speciem totò cœlo à se invicem dista-
 re, cum *sponsalia de futuro nullam plane*; ea
 autem, quæ *sub conditione* celebrantur, ob-
 ligationem *ad expectandum conditionis e-*
ventum inferant & sic pendente conditio-
 ne neutri ex contrahentibus facultas poeni-
 tendi competat, v. Dn. Thomasius *loc. prox.*
cit. §. 8.

Existimant quidem nonnulli eruditi Vi-
 ri, hodie quoque illum actum, ubi prima
 promissio fit de ineundo matrimonio, no-
 stri vocant das Ja-Wort / cum sponsalibus
 Canonistarum de futuro convenire; ve-
 rum

rūm cum & hic jam adsit purus consensus, & solennitates postea adhiberi solitæ, v.g. annuli traditio, convivium, publicæ gratulationes, &c. non pertineant ad essentiam sponsaliorum, hinc illi opinioni subscribere nullò modò possumus.

DIST. II.

Inter Sponsalia *publica* & *clandestina*.

Publica sunt, quæ coram testibus accedente Parentum consensu celebrantur.

Clandestina autem iterum duplicis sunt generis: aut enim *testium presentia*, aut testibus præsentibus *parentum consensus* deficit. Hæc neutiquam confundi debent, quod quidem sæpè à DD. fieri consuevit.

Ufus in eo consistit: *Publica* firmam producunt obligationem ad matrimonium in eundum, quia juxta formam in Legibus præscriptam celebrata fuerunt.

Clandestina, ubi saltem testes desunt, pariter contrahentes obligant, nisi quod probatio difficilior reddatur v. Heigius p. 1. qv. 22. ubi tamen multos scrupulos sine necessitate movet. Melius procedit Illustr. Stryk in not. ad Brunnem. jus Ecclesiast. l. 2. c. 16. §. 12. verb. de his constat.

Verum

Verum *Clandestina*, *qua parentum consensu* destituuntur, nulla sunt, quia forma in Legibus & divinis & naturalibus requisita deficit. Parentibus enim & hac parte liberi reverentiam exhibere tenentur. Appositè Catullus:

Virginitas non tota tua est, ex parte parentum est,

Tertia pars matri data, pars data tertia patri,

Tertia sola tua est, noli pugnare duobus.
v. Heigius d. qv. 22. num. 59.

DIST. III.

Inter sponsalia *pura* & *conditionalia*.

P*ura* statim obligationem producunt & in illis facultas pœnitendi utrique parti simpliciter est præscissa. Ast in *conditionalibus* effectus usque ad eventum futurum in suspenso manet, ac quamvis nec pendente conditione pœnitere liceat, è contrario tamen eâ pendente etiam ad consummationem, agi non potest, quod in omnibus conventionibus conditionalibus ita observatur, v. Carpzov. *Jurispr. Eccl. lib. 2. Def. 21. & 70.* Ceterum omnis conditio possibilis licitè adjicitur, quamvis spem lucri

eri contineat, v. g. si sponsus officium aliquod consecutus fuerit, aut sponsa aliquot mille thalerorum attulerit dotis nomine Carpzov. *l.c. Def. 22.* Schilter *Instit. jur. Canon. lib. Tit. 10. §. 4.*

Sed quid de Conditione *impossibili* vel *turpi* statuendum, si ea forsan sponsalibus adjecta deprehendatur? Sedes hujus materiæ est in *c. fin. X. de condit. appos.* ubi Papa Gregorius IX. distinguit, (1) utrum conditio adjecta sit *factò impossibilis*, an *turpis*, & (2) an hæc turpitudine impingat *contra leges quascunque*, utrum verò *contra leges matrimoniales in specie*.

Si conditio *contra leges matrimoniales* impingit, v. g. si generationem prolis evites: donec inveniam aliam honore vel facultatibus ditiores: aut si pro quæstu adulterandam te tradas; tunc ipse Papa fatetur, matrimonii contractum, quantumcunq; sit favorabilis, effectu carere, & hæcenus benè decedit. Sed videbimus ulterius.

Scilicet, si conditio *contra leges quascunque* impingat, v. g. si furtum, homicidium, vim & similia commiseris: item, si *factò est impossibilis*, v. g. si cælum digito tetigeris, &c. tunc Papa has condiciones in favorem matrimonii pro non adjectis habendas

est, quod ipsum non solum rationibus concludentibus, sed autoritatibus etiam & Theologorum & Jurisconsultorum Protestantium fusè ostendimus in *pecul. Dissertat. de Conditionibus sponsaliorum impossibilibus*, hic Hale ante duos annos habita, quò nos brevitatis causa remittimus.

DIST. IV.

Inter *Arrham sponsalitiā, sponsalitiā largitatē & Morgengabam.*

Arrha sponsalitia vocatur, quæ in ipso actu desponsationis plerumque offertur à sponso sponsæ & vice versa, quò pertinent annuli, &c.

Sponsalitiā largitatē autem sponsus sponsæ tempore intermedio post celebrata scilicet sponsalia usque ad nuptias offerre solet ad eliciendum scilicet, ut creditur vulgò, sponsæ amorem.

Morgengaba denique à sponso sponsæ altero nuptiarum die in pretium delibata virginitatis dari consuevit.

Ufus in eo consistit: *Arrham* retinent quidem desponsati, si matrimonium subsequitur: ast si non sequitur, tunc distinguendum, cujus culpa hoc fiat. Si culpa sponsi subest,

tunc sponsa itidem arrhas, quas accepit, retinet; *sin sponsae*, tunc hæc acceptas duplicatas restituit; *sin neutrius*, tunc simpliciter restituantur, *v. l. 3. § 5. C. de sponsalib.* Hodie usus practicus longè diversus obtinet. Conistoriales enim sibi communiter arrhas vindicare solent, si inter desponsatos litigia oriantur & sponsalia celebrata iterum rescindantur.

Circa *sponsalitiæ largitatem* distinguitur in *l. 16. C. de donat. propt. nupt.* an matrimonio non subsequente *osculum intervenerit, annon.* Priori casu dimidiam retinebat sponsa, *posteriori* nihil. Et hic perinde esse dicunt, siue oscula præcedant donationem, siue sequantur, modo post jam inita sponsalia dentur, Barbosa *in rubr. ff. solut. matrim. p. 2. num. 112.* Quid hodiè obtineat, de eo ferè silent DD. quantum ego memini, nunquam audiui, sponsalitiæ largitatem unquam redditam fuisse, nec tale quid apud scriptores reperi. Ad minimum rarissimè evenire puto, quod osculum non intercesserit, & quod hac parte sponsa probatione non sit oneranda, sed illa pro se præsumptionem militantem habeat.

Morgengabam quod concernit, ea sine dubio plenè jure statim ad novellam uxorem per-

pertinet, atque inter Nobiles Germanos etiamnum in usu diversis in locis, quæ cum ex moribus Germanorum profluat, ad prohibitionem juris Romani de donationibus inter Virum & Uxorem planè non pertinet, quamvis forsan & ex ejusdem juris principiis facile defendi queat. Cum hac non est confundenda *alia Morgengaba species*, quam uxor jure peculiari ex mariti bonis capit: nec non *alia Longobardorum morbus* recepta, cui apud nos dotalitium respondere videtur, de quibus confer Ziegler in not. ad Grot. de J. B. & P. l. 2. c. 7. §. 8. verb. *Tale est matrimonium ad Morgengabicam.*

LIB. XXIII. TIT. II. De Ritu Nuptiarum.

DISINCT. I.

Inter Nuptias *publicas & clandestinas.*

Hic alia planè est denominandi ratio, quàm in divisione sponsaliorum in publica & clandestina. Ibi enim ad *consensum parentum* primario respiciebatur, hic vero ad modum consummationis, nempe *ad benedictionem sacerdotalem*

talem. *Publica* ergò dicuntur, quæ accedente sacerdotali benedictione consummata; *clandestina* e contrario, ubi eadem deficit, & personæ ante legitimè desponsatæ privatò ausu corpora communicant. Ubi tamen quilibet deprehendit, eò ipsò non committi concubinatum, cum reverà consensus matrimonialis adsit, sed solummodò Leges Ecclesiasticas, quæ benedictionem sacerdotalem præcise requirunt, violari.

Si de usu hujus distinctionis disputamus, tunc partim *ad ipsas personas contrabentes*, partim etiam *ad liberos ab ipsis procreatos* oculus dirigendus est. *Personæ contrabentes*, quoniam in Leges Ecclesiasticas impingunt, censura etiam Ecclesiastica coercentur. Successio tamen, quæ ex mero jure civili defertur, salva ipsis manet, quia jus civile benedictionem sacerdotalem ignorat. Ast ad successionem ex statutis non admittuntur. Requirit enim hæc tales personas conjugatas, quæ Legibus Ecclesiasticis in Provinciis receptis sese conformarunt. Idem *ratione successionis liberorum* obtinet, atque ejusmodi liberi pro legitimis omnino habentur, conf. de his Illustr. Stryk. *de success. ab intest.* Diff. 1. c. 2. §. 49. & 50.

DIST. II.

*Inter Matrimonium ratum sed non
legitimum : legitimum sed non ra-
tum : legitimum & ratum
simul.*

ORiginem suam hæc distinctio juri Cano-
nico debet. Concurrunt enim in cau-
sis matrimonialibus, quas Canones pro spi-
ritualibus habent, duplices Leges, Ecclesia-
stica & Civiles, id est, quædam ex dispositio-
ne Legum generali requiruntur, quædam
autem specialiter ex canonum ordinatione.
Legitima ergo dicuntur matrimonia in rela-
tione ad jus commune, *rata* autem relatione
ad leges Ecclesiasticas facta. Sic e.g. si quis
cum infideli matrimonium contrahit, illud
quidem legitimum esse potest, si consensus
contrahentium eorumque parentum acce-
serit, sed ratum non est, quia canones tale
matrimonium non ratihabent. E contrario,
si duo fideles, sed absq; parentum consensu
nuptias contrahunt, ratum, quidem est, id
est, canonibus conforme, verum juri com-
muni repugnat, ob neglectum parentum
consensum. Quod si ergo illa duo conjun-
guntur, ratum est & simul quoq; legitimum.

Sed quid de usu dicendum? Sanè, si legitimum non sit matrimonium, id est, si consensus deficiat, sine dubio nullum illud erit ac propterea rescindendum: verum, si ratum non sit, rescissio non statim locum invenit, quamvis non pauci ex Canonistis contrarium propugnent, v. Brunnem. *de jur. Eccles. l. 2. cap. 17. §. 8. in not. verb. cum infideli contractum*, quorum tamen opinio Evangelicis sese non adprobat, propter textum *1. Corinth. 7. conf. Schilter. Instit. jur. canon. l. 2. Tit. 10. §. 13.*

DIST. III.

Inter Matrimonium *justum & injustum.*

Hæc distinctio theoreticè etiam falsa est. Matrimonium enim injustum planè non est matrimonium, cum hoc juxta Leges celebrari debeat, illud verò injustum Legibus è diametro contrariatur. Hæc cum ita sese habeant, non opus est, ut de usu practico dispiciamus.

DIST. IV.

Inter Matrimonium *verum & presuntum.*

Verum dicunt, quod modò legitime probari potest, e. g. per testes & per instrumenta:

menta: *presumptum*, ad quod probandum conjectura in medium vocantur, v.g. diutina cohabitatio, quod tamen admittit probationem in contrarium. Hæ duæ species ergo non aliter, quàm *solo modo probandi* differunt.

DIST. V.

Inter Matrimonium *inchoatum, perfectum & consummatum.*

Prima species planè incongruè huc refertur, quia per illam sponsalia denotantur, at verò sponsalia non sunt species matrimonii juxta receptum loquendi usum, sed matrimonio opponuntur.

Restant ergo duæ posteriores, *perfectum* scilicet & *consummatum*. Matrimonium prius describit Lauterbach. *ad b. i. quod absolutum est ratione essentia*, id est, prout puto, ubi non solum declaratio consensus, sed ipsa etiam sacerdotalis benedictio adest, (quia alias non esset matrimonium, sed sponsalia, benedictio sacerdotalis enim quin moribus nostris ad essentiam matrimonii spectet, nullum dubium est. Ad *consummatum* verò præter copulam illam sacerdotalem carnalis quoque, id est, corporum conjunctio requiritur, quia tunc demum conjugati scopum suum planè affecuti sunt. Ergo ex so-

la consensione thalami, wenn das Ehebett
beschritten/ regulariter plena consummatio
nondum provenit.

Verum enim verò, si dicendum, quod res
est, usum hujus distinctionis non invenio.
Nec enim perfectum matrimonium ex aliis
causis iterum resolvi potest, quam quidem
consummatum, & vice versâ. Jura, quo-
que uxori ratione dotis utroque casu eodem
modo competunt, Illud unicum solum-
modo excipitur, quod jure Saxonico, si de
successione in portione statutaria agitur, perfe-
ctio matrimonii non sufficiat, sed consum-
matio ejusdem necessario requiratur, ita ta-
men, ut sola thalami consensio hic jam pro
consummatione habeatur, v. Carpzov. P. 3.
C. 19. Def. 4. Idem in Marchia. In aliis lo-
cis sufficit, modo sacerdotalis benedictio
ac cesserit, Illustr. Dn. Stryk. in not. ad Brunn.
*Jus Eccles. l. 2. c. 17. §. 40. verb. post consen-
sum thalami.*

DIST. VI.

Inter consensum paternum, qui in li-
berorum nuptiis ex *honestate* & qui ex
necessitate requiritur.

Multum interest, hæc duo à se invicem
accuratè distinxisse. Quod si enim *ho-
nesta-*

necessitatis saltem causâ liberi ad impetrandum consensum paternum obstringuntur, exinde sequitur, liberos quidem peccare in conscientia sua, si neglecto eo ad matrimonia provolant, & propterea etiam à Magistratu politico pœna aliqua arbitraria coërceri posse, sed ita tamen, ut ipsum matrimonium perfectum maneat & salvum. E contrario autem si dictum consensum *necessitatis* esse statuimus, matrimonium eò missò irritum omnino erit & nullum.

At, quæstio principalis in eo nunc consistit, quale prædicatum ex hisce duobus consensus paternus apud nos in praxi mereatur? Non inutile erit fortassis, si antequam ad hanc quæstionem respondemus, singulas Legum divinarum & humanarum species percurramus & quid illæ de consensu hocce disponant, breviter recenseamus, idque ductu eorum, quæ Excell. Dn. Thomasius in *Diss. Lips. de matrim. invit. parent. contr. §. 16. seqq.* de hac materia fusè & accuratè disserit.

Scilicet quoad *jus nature* distinguendum est, utrum liberi adhuc in familia paterna maneat, an verò ex eadem jam discesserint & propriam sibi constituerint. Priori casu necessitatis erit consensus & propterea parentes nuptias ipsis in vitis contractas rescin-

dere poterunt, quia conjugium liberorum est actus maximi momenti in familia & multis modis in præjudicium parentum cedere potest. Posteriori casu consensus honestatis saltem erit, cum ex lumine naturæ nulla ratio adferri possit, quæ matrimonium dissolvendum esse directò suadeat.

Jus divinum positivum sæpius liberis inculcat, ut obedientiam parentibus suis ubique præstent, atque actionum suarum directionem iisdem relinquunt, poenam quoque illis minatur, qui jussus paternos spernunt eorumque monita susque deque habent; sed nullibi invenitur in S. Scriptura, matrimonia liberorum propterea rescindenda esse, quæ absque parentum consensu inita fuerunt. Ad dubia, quæ hic movet Havemann in *Gamolog. Synopt. lib. 1. tit. 3. posit. 2.* jam responsum est in *cit. Disp. §. 17.*

Leges Justinianæ consensum parentum in liberorum (in potestate patria existentium) nuptiis sine dubio de necessitate exigunt, & sic matrimonia eo destituta pro nullis declarant, *pr. I. de nupt. in nuptiis emancipatorum* itidem honestatis solummodò fuit.

Jure Canonico consensus parentum indistinctè de honestate saltem exigitur, si liberi existant in patria potestate, si emanci-

cipati sint. Ad textus obstantes ex jure Canonico responsum est in *dict.* *disp.* §. 19.

Quod *praxin* attinet, cum jus Canonicum in causis matrimonialibus ex unanimi DD. confessione Legibus Romanis præferatur, hinc sine dubio etiam, nisi aliud dispositum inveniatur, consensus paternus hodie de necessitate non erit, sed ex honestate solum adhibendus. Testantur id plurima exempla, ubi liberi insciis parentibus sese conjunxerunt & à Clerico quodam Pontificio, vel Evangelico etiam, extra Provinciam se copulari curaverunt, & nihilominus tamen ejusmodi nuptiæ non fuerunt dissolutæ, aut pro nullis declaratæ. Dixi autem, *nisi aliud dispositum inveniatur*. In nonnullis enim Provinciis, v. g. Sceptro Borussico subjectis, & ni fallor, in Ducatu Brunsvicensi & Luneburgensi, contrarium obtinet, ita, ut quamvis ipsa corporum conjunctio jam accessisset, declaratio nullitatis adhuc tamen fieri queat. Interim, qui ejusmodi constitutionem in Provincia aliqua adesse dicit, hoc assertum suum in dubio probare tenetur, quia pro observantia juris Canonici præsumptio militat. In Saxonia defectus consensus paterni matrimonia liberorum non reddit irrita, parentibus tamen liberos pro-

propterea exheredes scribere permittitur,
Carpzov. *Jurispr. Eccles. lib. 2. Tit. 3. Def. 54.*

DIST. VII.

Inter Cognationem *spiritualem*
& *secularem.*

COgnatio *spiritualis* jure decretalium inter baptizatum & compatrem ejusque filios & uxorem; imò inter eum & baptizati Patrem atque matrem, nec non inter hos & baptizantem contrahitur. Sic quoque talis cognatio ex sacramento confirmationis apud Pontificios oritur. Concilium Tridentinum tamen hoc eatenus restrinxit, ut non amplius ad suscipientis compatris filios & uxorem transeat cognatio, sed saltem inter baptizantem & baptizatum ejusque parentes, item inter susceptorem & baptizatum ejusque patrem & matrem contrahatur. Verum, quia Evangelici hanc cognationis speciem planè non agnoscunt, v. Gerhard *Loc. Theol. loc. de conjug. num. 367. seqq.* inde adlata distinctio nullius quoque momenti erit, & matrimonia inter jam enumeratas personas contracta non rescindentur, quod fiebat jure Canonico, v. fusè de hac materia Desselius *Erotem. jur. canon. lib. 4. Tit. 10. qu. 3. seqq.* Sanchetz *de matrimon. l. 7.*

Disp.

Disp. 54. seqq. Quamvis verò & in *l. 26. circ. fin. C. de nupt.* matrimonium inter susceptorem & susceptam jam prohibitum fuerit; hoc tamen ex eadem erronea ratione factum, quam jus canonicum habet, *quia scilicet per baptismum renascitur homo & sic cognatio aliqua exinde oritur*, v. Dessel. *loc. cit. qu. 2.* Et ergò dum eam Pontificiorum rationem generaliter rejecimus, nec Jus civile, nec canonicum hac parte nos obligabit, neque video, quâ ratione illi, qui contrariam juri civili hic allegat consuetudinem probatio imponi, & quomodo adhuc ad petendam dispensationem adstringi queat, qui cum susceptore suo nuptias celebrare intendit? Jus civile enim hac parte nunquam potuit esse receptum apud Evangelicos.

DIST. IIX.

Inter Cognationem secularem *naturalem* s. sanguinis, & *civilem* s. legalem.

PRior ex propagatione sanguinis oritur inter personas, quæ vel generârunt alias, vel quæ ab eodem communi stipite generatæ sunt, & *hæc perpetuum effectum habet.* Posterior ex adoptione provenit, & hæc quidem

talem. *Publica* ergò dicuntur, quæ accedente sacerdotali benedictione consummata; *clandestina* e contrario, ubi eadem deficit, & personæ ante legitimè desponsatæ privatò ausu corpora communicant. Ubi tamen quilibet deprehendit, eò ipso non committi concubinatum, cum reverà consensus matrimonialis adsit, sed solummodò Leges Ecclesiasticas, quæ benedictionem sacerdotalem præcise requirunt, violari.

Si de usu hujus distinctionis disputamus, tunc partim *ad ipsas personas contrabentes*, partim etiam *ad liberos ab ipsis procreatos* oculus dirigendus est. *Personæ contrabentes*, quoniam in Leges Ecclesiasticas impingunt, censura etiam Ecclesiastica coercentur. Successio tamen, quæ ex mero jure civili defertur, salva ipsis manet, quia jus civile benedictionem sacerdotalem ignorat. At ad successionem ex statutis non admittuntur. Requirit enim hæc tales personas conjugatas, quæ Legibus Ecclesiasticis in Provinciis receptis sese conformarunt. Idem *ratione successionis liberorum* obtinet, atque ejusmodi liberi pro legitimis omnino habentur, conf. de his Illustr. Stryk. *de success. ab intest.* Diff. 1. c. 2. §. 49. & 50.

DIST. II.

*Inter Matrimonium ratum sed non
legitimum : legitimum sed non ra-
tum : legitimum & ratum
simul.*

O Riginem suam hæc distinctio juri Cano-
nico debet. Concurrent enim in cau-
sis matrimonialibus, quas Canones pro spi-
ritualibus habent, duplices Leges, Ecclesia-
stica & Civiles, id est, quædam ex dispositio-
ne Legum generali requiruntur, quædam
autem specialiter ex canonum ordinatione.
Legitima ergo dicuntur matrimonia in rela-
tione ad jus commune, *rata* autem relatione
ad leges Ecclesiasticas facta. Sic e.g. si quis
cum infideli matrimonium contrahit, illud
quidem legitimum esse potest, si consensus
contrahentium eorumque parentum acces-
serit, sed ratum non est, quia canones tale
matrimonium non rati habent. E contrario,
si duo fideles, sed absq; parentum consensu
nuptias contrahunt, ratum, quidem est, id
est, canonibus conforme, verum juri com-
muni repugnat, ob neglectum parentum
consensum. Quod si ergo illa duo conjun-
guntur, ratum est & simul quoq; legitimum.

Sed quid de usu dicendum? Sanè, si legitimum non sit matrimonium, id est, si consensus deficiat, sine dubio nullum illud erit ac propterea rescindendum: verum, si ratum non sit, rescissio non statim locum invenit, quamvis non pauci ex Canonistis contrarium propugnent, v. Brunnem. *de jur. Eccles. l. 2. cap. 17. §. 8. in not. verb. cum infideli contractum*, quorum tamen opinio Evangelicis sese non adprobat, propter textum *1. Corinth. 7. conf. Schilter. Instit. jur. canon. l. 2. Tit. 10. §. 13.*

DIST. III.

Inter Matrimonium *justum & injustum.*

Hæc distinctio theoreticè etiam falsa est, Matrimonium enim injustum planè non est matrimonium, cum hoc juxta Leges celebrari debeat, illud verò injustum Legibus è diametro contrariatur. Hæc cum ita sese habeant, non opus est, ut de usu practico dispiciamus.

DIST. IV.

Inter Matrimonium *verum & presuntum.*

Verum dicunt, quod modò legitime probari potest, e. g. per testes & per instrumenta:

menta : *presumptum*, ad quod probandum conjecturæ in medium vocantur, v.g. diutina cohabitatio, quod tamen admittit probationem in contrarium. Hæ duæ species ergo non aliter, quàm *solo modo probandi* differunt.

DIST. V.

Inter Matrimonium *inchoatum, perfectum & consummatum.*

Prima species planè incongruè huc refertur, quia per illam sponsalia denotantur, at verò sponsalia non sunt species matrimonii juxta receptum loquendi usum, sed matrimonio opponuntur.

Restant ergo duæ posteriores, *perfectum* scilicet & *consummatum*. Matrimonium prius describit Lauterbach. *ad b. r. quod absolutum est ratione essentia*, id est, prout puto, ubi non solum declaratio consensus, sed ipsa etiam sacerdotalis benedictio adest, (quia alias non esset matrimonium, sed sponsalia, benedictio sacerdotalis enim quin moribus nostris ad essentiam matrimonii spectet, nullum dubium est. Ad *consummatum* verò præter copulam illam sacerdotalem carnalis quoque, id est, corporum conjunctio requiritur, quia tunc demum conjugati scopum suum planè assecuti sunt. Ergo ex so-

la consensione thalami, wenn das Ehebett
beschritten/ regulariter plena consummatio
nondum provenit.

Verum enim verò, si dicendum, quod res
est, usum hujus distinctionis non invenio.
Nec enim perfectum matrimonium ex aliis
causis iterum resolvi potest, quam quidem
consummatum, & vice versa. Jura quo-
que uxori ratione dotis utroque casu eodem
modò competunt, Illud unicum solum-
modò excipitur, quod jure Saxonico, si *de*
successione in portione statutaria agitur, perfe-
ctio matrimonii non sufficiat, sed consum-
matio ejusdem necessario requiratur, ita ta-
men, ut sola thalami consensio hic jam pro
consummatione habeatur, v. Carpzov. P. 3.
C. 19. Def. 4. Idem in Marchia. In aliis lo-
cis sufficit, modò sacerdotalis benedictio
acceserit, Illustr. Dn. Stryk. in not. ad Brunn.
Jus Eccles. l. 2. c. 17. §. 40. verb. *post consen-*
sum thalami.

DIST. VI.

Inter consensum paternum, qui in li-
berorum nuptiis ex *honestate* & qui ex
necessitate requiritur.

Multum interest, hæc duo à se invicem
accuratè distinxisse. Quod si enim *bo-*
nesta-

necessitatis saltem causâ liberi ad impetrandum consensum paternum obstringuntur, exinde sequitur, liberos quidem peccare in conscientia sua, si neglecto eo ad matrimonia provolant, & propterea etiam à Magistratu politico pœna aliqua arbitraria coërceri posse, sed ita tamen, ut ipsum matrimonium perfectum maneat & salvum. E contrario autem si dictum consensum *necessitatis* esse statuimus, matrimonium eò missò irritum omnino erit & nullum.

Ast, quæstio principalis in eo nunc consistit, quale prædicatum ex hisce duobus consensus paternus apud nos in praxi mereatur? Non inutile erit fortassis, si antequam ad hanc quæstionem respondemus, singulas Legum divinarum & humanarum species percurramus & quid illæ de consensu hocce disponant, breviter recenscamus, idque ductu eorum, quæ Excell. Dn. Thomasius in *Diss. Lips. de matrim. invit. parent. contr. §. 16. seqq.* de hac materia fusè & accuratè disserit.

Scilicet quoad *jus natura* distinguendum est, utrum liberi adhuc in familia paterna maneant, an verò ex eadem jam discesserint & propriam sibi constituerint. Priori casu necessitatis erit consensus & propterea parentes nuptias ipsis invitis contractas rescin-

dere poterunt, quia conjugium liberorum est actus maximi momenti in familia & multis modis in præjudicium parentum cedere potest. Posteriori casu consensus honestatis saltem erit, cum ex lumine naturæ nulla ratio adferri possit, quæ matrimonium dissolvendum esse directò suadeat.

Jus divinum positivum sæpius liberis inculcat, ut obedientiam parentibus suis ubique præstent, atque actionum suarum directionem iisdem relinquunt, poenam quoque illis minatur, qui jussus paternos spernunt eorumque monita susque deque habent; sed nullibi invenitur in S. Scriptura, matrimonia liberorum propterea rescindenda esse, quæ absque parentum consensu inita fuerunt. Ad dubia, quæ hîc movet Havemann in *Gamolog. Synopt. lib. 1. tit. 3. posit. 2.* jam responsum est in *cit. Disp. §. 17.*

Leges Justinianæ consensum parentum in liberorum (in potestate patria existentium) nuptiis sine dubio de necessitate exigunt, & sic matrimonia eo destituta pro nullis declarant, *pr. I. de nupt.* in nuptiis emancipatorum itidem honestatis solummodò fuit.

Jure Canonico consensus parentum indistinctè de honestate saltem exigitur, si liberi existant in patria potestate, si eman-

ci-

cipati sint. Ad textus obstantes ex jure Canonico responsum est in *dict. disp. §. 19.*

Quod *praxin* attinet, cum jus Canonicum in causis matrimonialibus ex unanimi DD. confessione Legibus Romanis præferatur, hinc sine dubio etiam, nisi aliud dispositum inveniatur, consensus paternus hodie de necessitate non erit, sed ex honestate solum adhibendus. Testantur id plurima exempla, ubi liberi insciis parentibus sese conjunxerunt & à Clerico quodam Pontificio, vel Evangelico etiam, extra Provinciam se copulari curaverunt, & nihilominus tamen ejusmodi nuptiæ non fuerunt dissolutæ, aut pro nullis declaratæ. Dixi autem, *nisi aliud dispositum inveniatur.* In nonnullis enim Provinciis, v. g. Sceptro Borussico subjectis, & ni fallor, in Ducatu Brunsvicensi & Luneburgensi, contrarium obtinet, ita, ut quamvis ipsa corporum conjunctio jam accessisset, declaratio nullitatis adhuc tamen fieri queat. Interim, qui ejusmodi constitutionem in Provincia aliqua adesse dicit, hoc assertum suum in dubio probare tenetur, quia pro observantia juris Canonici præsumptio militat. In Saxonia defectus consensus paterni matrimonia liberorum non reddit irrita, parentibus tamen liberos pro-

Disp. 54. seqq. Quamvis verò & in *l. 26. circ. fin. C. de nupt.* matrimonium inter susceptorem & susceptam jam prohibitum fuerit; hoc tamen ex eadem erronea ratione factum, quam jus canonicum habet, *quia scilicet per baptismum renascitur homo & sic cognatio aliqua exinde oritur*, v. Dessel. *loc. cit. qu. 2.* Et ergò dum eam Pontificiorum rationem generaliter rejecimus, nec Jus civile, nec canonicum hac parte nos obligabit, neque video, quâ ratione illi, qui contrariam juri civili hic allegat consuetudinem probatio imponi, & quomodo adhuc ad petendam dispensationem adstringi queat, qui cum susceptore suo nuptias celebrare intendit? Jus civile enim hac parte nunquam potuit esse receptum apud Evangelicos.

DIST. IIX.

Inter Cognationem secularem *naturalem* s. sanguinis, & *civilem* s. legalem.

PRior ex propagatione sanguinis oritur inter personas, quæ vel generârunt alias, vel quæ ab eodem communi stipite generatæ sunt, & hac perpetuum effectum habet. Posterior ex adoptione provenit, & hæc quidem

dem quoad ascendentes & descendentes adoptati effectum perpetuum habet, sed inter eos, qui à latere per adoptionem conjuncti sunt, scilicet adoptatum & filios naturales adoptantis, durante saltem adoptione impedimentum matrimonii parit, v. c. un. x. de cogn. legal. §. 1. & 2. f. de nupt. Dessel. l. 4. Tit. 12. qu. 2. Hodie cognationem legalem planè non amplius attendi communiter statuunt, v. Havemann Gamolog. Synopt. l. 2. tit. 6, problem. 10. num. 2. Illustr. Dn. Stryk. in not. ad Brunn. jus Eccles. l. 2. c. 16. §. 19. verb. prohibitio legalis, qui tamen adhuc dispensatione opus esse putat.

DIST. IX.

Inter Computationem *civilem*
& *canonicam*.

Juxta *jus civile* una est generatio unius personæ, unde tot dicuntur generationes, quot sunt personæ genitæ: sed *jure canonico* una generatio dicitur omnium filiorum ab eodem patre procreatorum, altera eorum qui ab his filiis geniti sunt, & ita deinceps tertia, quarta & ulteriores generationes accipiuntur, germanicè exprimitur accuratè per vocem: *Elled / das erste / andere Elled. &c.* vid. Julius Pacius in anal. Inst. ad pr. tit. 6. lib. 3.

Quoad

Quoad lineam rectam nulla diversitas inter utramque computationem deprehenditur, sed solummodò quoad collateralem sive obliquam. Fluit enim ex ante adducta descriptione, quod secundum jus civile tot esse debeant gradus, quot personæ in utroque latere deprehenduntur, quia tot sunt generationes, & quod propterea frater fratri in gradu secundo conjunctus sit: è contrario autem, quod juxta jus canonicum utrumque latus pro uno habeatur, unde duo fratres sibi è regione oppositi primam constituent generationem & sic primum quoque gradum. Quod si latera sunt inæqualia, tunc longius numerandum est, quia hoc novam constituit generationem & sic novum gradum.

Sed quæritur nunc, quænam ex hisce duabus computationibus alteri præferenda sit in praxi? Resp. utramque suum usum habere, sed in diversis casibus. *Computatio canonica* toties observatur in praxi, quoties *de prohibitione vel permissione matrimoniorum* quæritur, & propterea ordinationes Ecclesiasticæ de gradibus consanguinitatis loquentes hanc computationem indigitasse intelliguntur. Verum enim verò in *materia successionis computatio civilis* communiter obser-

observatur. Idem obtinet in aliis causis civilibus v. g. *in immunitate à testimonio dicendo*, quando nempe in *l. 4. ff. de test.* dicitur neminem usque ad sextum gradum inclusive compelli posse, ut invitus testimonium dicat. Item : *in mandato præsumio*, quando scilicet quæritur, ad quem usque gradum inter cognatos tale mandatum præsumatur? ubi in *l. 35. pr. ff. de Procur.* fratrum saltem fit mentio & sic illa præsumtio in secundo saltem gradu lineæ collateralis locum invenit. Plura adducere superfluum foret, sufficere enim potest regula generalis : *In omnibus causis, præter matrimoniales, computationem juris civilis locum habere.*

LIB. XXIII. TIT. III.

De Jure Dotium.

DISTINCT. I.

Inter Dotem *veram & putativam.*

VEræ & putativæ dotis appellationes à principali, cui accedit dos, matrimonio scilicet, desumptæ sunt.

Quod si enim matrimonium verum est, dos quoque idem prædicatum meretur; sin illud putativum, hæc quoque putativæ nomen

men habet. Per matrimonium putativum autem communiter illud intelligunt, quod quidem contra Legum dispositionem, ex ignorantia facti tamen celebratum est, v. g. si frater & soror in tenella ætate ab hostibus in diversa loca abducantur & postmodum vinculi consanguinitatis ignari sese conjungant. Hæc quoad explicationem ipsorum terminorum. Quantum verò ad usum fori attinet, inter dotem veram & putativam exigua, vel potius nulla, intercedere videtur differentia. Quamdiu enim dos putativa manet, id est, quamdiu partes contrahentes in ignorantia sua persistunt, iisdem privilegiis & juribus gaudet, quæ de dote vera unquam prædicari possunt. Quod si verò ignorantiam illam exuunt conjuges, tunc quidem omnia ejus jura cessant, sed tunc quoque non amplius est dos putativa. Non melius videtur hæc res illustrari posse, quam per distinctionem aliàs inter verum dominum & b. f. possessorem usitatam. Nam tunc dicitur, bonam fidem tantundem præstare possidenti, quantum veritas præstat. *l. 136. ff. de R. J.* sed hoc statim cessat, quamdiu illa bona fides desinit. Eodem modo comparatum est, si partes bona fide, id est, per ignorantiam facti, matrimonium in gradu prohibito contrahunt. K DIST.

DIST. II.

Inter Dotem *constitutam* & *promissam*.

DOtem promissam non propriè dotem esse, adstruit Lauterb. *Comp. jur. b. tit.* & in eam rem allegat *l. ff. solut. matrim. l. 13. §. 2. ff. de fund. dot.* addita ratione, quod dos per rei traditionem constituatur. Sed si evolvuntur istæ Leges, ne minimum quidem in illis deprehenditur, quo Lauterbachii sententia stabiliri possit. Ipse quoque fatetur, in pactis & statutis dotem promissam etiam sub nomine dotis venire, & sic v. g. maritum in Saxonia æquè lucrari dotem promissam, quam constitutam, &c. Si dicendum, quod res est, dos constituta & promissa non aliter differre videntur, quàm quod supra *ad tit. de emt. vend.* de distinctione inter *emtionem perfectam* & *consummatam* diximus, scilicet, quod dos promissa jus personale saltem marito tribuat, & sic illerem penes tertium existentem jure proprio vindicare nondum possit, quod tamen ipsi conceditur, si dos est stituta, id est, per traditionem condotis consummatus,

DIST.

DIST. III.

Inter Dotem *profectitiam* & *adventitiam*.

P*rofectitia* vocatur, quæ à mulieris patre, ac aliò in linea paterna ascendente constituta, sine distinctione, an constituens mulierem in sua potestate habeat, annon, l. 5. §. 11. ff. b. t. *Adventitia* autem est, quæ à matre mulieris, vel avo materno, aut à quovis alio data, v. Struv. S. I. C. Ex. 30. tb. 4. & huc etiam pertinet, si pater, cum deberet filiæ (emancipatæ, e. g. ex contractu,) ejus voluntate dedit, non enim ut parens dedit, v. d. l. 5. §. 11. ff. b. t. Interim usum in hac distinctione in praxi non deprehendo, cum marito idem jus competat, & uxori etiam eadem ubique privilegia, siue dos *profectitia* fuerit, siue *adventitia*.

DIST. IV.

Inter bona *dotalia*, *paraphernalia* & *receptitia*.

HÆc distinctio, si unquam alia, maximum usum in praxi habet, qui partim *intuitu uxoris*, partim etiam *intuitu Mariti* se exercit. *Uxor* quoad *dotalia* non solum gaudet jure tacitæ hypothecæ, sed jure prælationis etiam, vi cujus omnibus creditoribus expres-

ſam hypothecam eamque antiquiorem habentibus in concuſſu ſuper mariti bonis moto præponitur, *l. aſſiduis C. Qui pot, in pign.* (in Saxonia hoc ſaltem in hypotheca priori tacita procedit, Brunnem. *de Proc. Conc. Credit. c. 5. §. 27.*) In paraphernalibus tacita ſaltem hypotheca gaudet à tempore commiſſionis & illationis æſtimanda, Carpzov. *P. 1. Conſt. 28. Def. 87. ſeqq.* (Jure Magdeburgico dotalia & paraphernalia iisdem gaudent privilegiis, Martini *ad Proceſſ. Saxon. tit. 43. §. 2. n. 7.*) Verùm quoad receptitia plus juris uxori non competit, quàm aliis creditoribus, unde ſi uxor ex pecunia ſua receptitia certam quantitatem marito mutuo dedit, ad claſſem chirographariorum refertur, ſi de hypotheca ſibi non proſpexit, prout contra Richterum *de privil. Cred. c. 3. ſect. 1. num. III.* adſtruit Illuſtr. Stryk. *in not. ad B. Brunnem Proc. Conc. cred. cap. 5. §. 33. verb. obliget.*

Sed quid, ſi maritus adminiſtrationem bonorum receptitiorum de facto ſibi arroget atque hoc nomine deinde uxoris ſuæ debitor evadat, *queritur, annon tunc quoque tacitam hypothecam in bonis mariti habeat?* Affirmat quaſtionem Brunnem. *d. c. 5. §. 33.*

ex ea causa, quod nulla appareat ratio, cur non etiam receptitiorum bonorum administratio, si ea uxor non commiserit, obliget; Verum ex illis quæ ipse Beatus Vir d. c. 5. §. 52. habet, ibi: videntur tamen, id sine textu facere, & quæ nos suprà ad distinctionem inter hypothecam tacitam & expressam diximus, quod nempe in hac materia ab identitate rationis & æquitatis argumentari non liceat; sententia contraria sine dubio majus pondus habebit, cui etiam adstipulari videtur Carpzov. P. 2. C. 24. Def. 4. ab ipso Brunnemannò allegatus.

Hæc, quæ adduximus, de eo casu intelligenda sunt, si res uxoris jam sunt consumptæ; quod si verò eadem adhuc extant, tunc uxor indistincte illas vindicat, siue sint dotales, siue paraphernales, siue receptitiæ, Brunnemann. d. c. 5. §. 6. §. 33.

Observandum quoque est, quod in eo bona dotalia paraphernalibus prævaleant, quia dotalitium & donatio propter nuptias tanquam correlatum bonorum dotalium considerantur; at licet uxoris paraphernalia quàm maxima sint, propterea tamen commode aliquo reciproco non gaudet.

Quantum *ad maritum* attinet, is *bona dotalia*, si constante matrimonio eorum possessio penes tertium deprehendatur, *vindicare* potest, tanquam dominus: at *paraphernalia* & *receptitia* non potest. Ceterum tamen, quoad perceptionem emolumentorum, inter bona dotalia & paraphernalia nihil omnino interest. Nam maritus ex dotalibus etiam *ordinaria* saltem emolumenta percipit, quippe quæ fructuum nomine propriè veniunt, non autem extraordinaria v. g. thesaurum, lapidicinam, &c. v. l. 7. §. 12. 13. ff. *solut. matrim.* unde mariti dominium in rebus dotalibus reverà ab usufructu non differt, nisi *quoad facultatem vindicandi*, quâ usufructuarius destituitur, quod ipsum in causa fuisse puto, quare DD. illud dominium ab omnibus aliis separaverint & *civilis* nomine insigniverint.

Porrò si Uxor intuitu bonorum dotalium convenitur, maritus solus *proprio nomine* actionem suscipit, & absurdum adeo esset, si ille, quod nonnulli imperiti faciunt, Curatorio nomine sese subscribere vellet. At in paraphernalibus & receptitiis non aliter, nisi *Curatorio nomine* admittitur, sed tamen cum hac iterum differentia, quod in paraphernalibus ad mandatum, vel potius Curato-

ratorium producendum non sit obstrictus, quia hic auctoritatem suam immediatè ex Legis dispositione habet, quod in receptitiis secus est, quamvis & hic propter præsumptionem pro ipso militantem cum cautione de rato admittatur, *l. 21. C. de Procur.*

Bona *dotalia immobilia* maritus ne quidem consentiente uxore alienare potest, *pr. J. quib. alien. lic. vel non. at paraphernalia* potest, mandante scilicet & consentiente Uxore, non nomine proprio, quia non est Dominus. Moribus Saxonis etiam dotalia rectè alienantur, accedente mulieris ejusque Curatoris consensu interveniente etiam causæ cognitione & decreto Magistratus Richter *de success. sect. 4. membr. 2. n. 10. seqq. Struv. Exerc. 30. tb. 22.* Extra Saxoniam in plerisque Germaniæ locis dotalia itidem hodiè alienari posse, asserit ad Schilterum provocans Hoppius *in Comm. ad pr. J. quib. alien. licet in usu mod.* sed nescio, an huic asserito in dubio fides tutò adhiberi possit, cum dotium idem adhuc sit favor, qui olim erat. Illud interim expeditum est, alienationem validam esse, si Uxor in eam juratò consenserit, v. Struv. *d. Ex. 30. tb. 21.*

Restat, ut dispiciamus, *quid in dubio præsumendum sit, utrum scilicet bona uxoris pro*

dotilibus, paraphernalibus, an vero pro receptitiis haberi debeant? Communis & in foro recepta regula est; *Bona marito allata in dubio haberi pro paraphernalibus, non dotalibus, neque etiam pro receptitiis.* Ergò, si maritus asserit, quædam ex illis esse dotalia; Uxor contra, quædam esse receptitia, assertionis hujus probatio & marito & uxori incumbit pro diversitate casuum. Scrupulos, quos hic movet Dn. Beyer *pos. ff. b. t. p. 544.* facilè removeri posse puto. Autoritatem siquidem Hartmanni Pistoris, Antonii Fabri & Carpzovii *quoad ea, quo tempore nuptiarum ab uxore adferuntur*: Schilteri etiam eorum intuitu, *quæ post matrimonium contractum uxori cedunt*, jam sequestrare possumus, salva aliàs eorum autoritate. Interim postquam jus Romanum in materia dotium semel receptum fuit, (utrum benè, an malè, ad nos in præsentem non pertinet,) dotis constitutio autem peculiarem contractum requirit, qui nunquam præsumitur, sed in mero facto consistens ab allegante probari debet; hinc sine dubio etiam maritus dotem sibi constitutam esse asserens, hoc probare obstrictus erit. Wissenbach *ad ff. b. t. ib. 14.* Qualitas bonorum paraphernalium è contrario ut probetur, necessitas non requirit.

Eò ipso enim dum uxor bona quadam marito adfert & Lex immediatè sine aliqua conventionè eidem administrationem concedit, maritus iam fundatam intentionem habet. Qualitas receptitiorum der *Spille* (non *Spiele*) *Gelder* / (à voce *Spill* sive *Spindel*) / itidem ex peculiari conventionè dependet & sic probanda.

DIST. V.

Inter *Donationem propter nuptias*
& *Dotalitium*.

Non reperi quidem, quantitatem alterutrius ullibi in Legibus determinatam, sed hoc potius beneplacito contrahentium relictum fuisse; interim tamen moribus communiter ferè introductum est, quod *dotalitium donationem propter nuptias alterò tantò superare*. Hinc donatio propter nuptias communiter *duplicatas* dotis usuras continet, sed in dotalitio tot redditus uxori assignantur, quæ *quadruplicatas* dotis usuras æquant, unde si uxor 4000. thal. infert, dotalitii loco ipsi tantæ usuræ adjudicantur, quæ aliàs ex sorte 16000. thal. percipiuntur, eine Frau die 4000. Rthl. einbringet / wird auff 16000. verleißdinget / & per consequens 20. pro 100. solvuntur, Hartm. Pistor. P. 1. qu. 4.

num. 1. Carpzov. P. 2. c. 42. Def. 7. Henel. de
dotalit. c. 6. §. 10. Illustr. Dn. Stryk. caut. contr.
sect. 3. c. 18. §. 34. Et in tr. de success. ab intest.
Diss. 4. c. 2. §. 14.

In *Donatione propter nuptias* uxor proprietatem consequitur mortuò maritò; sed in *dotalitio* usumfructum solummodò, unde de hoc disponere ipsi non est permissum, bene tamen de illa.

Donatio propter nuptias fit in re unerationem: *dotalitium* autem in compensationem dotis, unde hoc absorbet dotem, non autem illa.

Intuitu *donationis propter nuptias* uxor tacita gaudet hypotheca, l. 12. §. 2. C. qui pot. in pign. (ubi ratio diversitatis inter dotem & donationem p. n. adducitur) at *dotalitium*, quia Dotem absorbet & sic in locum dotis surrogatur, eòdem gaudet privilegio, quod doti còmpetit, v. Mev. P. 1. Docif. 173.

Posses denique & hoc addere, quod *donatio p. n.* communiter ab hominibus civici ordinis, *dotalitium* autem à Nobilibus & Illustribus constituatur; verùm hoc universale non est.

LIB. XXIII. TIT. IV.

De Pactis Dotalibus.

DISTINCTIO I.

Inter Pacta dotalia *per modum contractus (simplicia)* & *per modum ultimæ voluntatis facta (mixta.)*

P*riora* non requirunt testes, nisi ad meliorem probationem, instar aliarum conventionum, in *posterioribus* autem quinque testes necessario præsentés esse debent, ita, ut iis deficientibus actus ipsò jure nullus habeatur, v. l. f. ff. de jur. dot. l. f. C. de mort. caus. donat.

Priora sunt irrevocabilia, *posteriora* autem pro lubitu tam à marito, quàm ab uxore mutari possunt. Unde cautè agit maritus, cui uxor magnam bonorum suorum partem adsignat, si pacta dotalia per modum contractus celebrari curat, v. Kohl *de Pact. dot. p. 1. n. 1. seqq.*

Ne tamen putes, statim esse Pacta dotalia per modum ultimæ voluntatis confecta, ubi quinque testes præsentés fuerunt, sed respici-

cien-

ciendum præterea quam maxime ad formalia, quibus paciscentes usi fuerunt. Quod si enim dixerint, v. g. es. soll der überlebende Ehegatte alle Güter behalten / haben / bekommen / hinnehmen / &c. tunc erunt pacta *simplicia*; quod si dixerint: erben / succediren / sunt *mixta* pacta, Illustr. Dn. Stryk. *Caut. contr. sect. 3. c. 2. §. 21.* Vocabula scilicet nonnulla naturam actuum inter vivos, nonnulla ultimarum voluntatum indolem magis exprimunt, quæ propterea sollicite seligenda.

LIB. XXIV. TIT. II.

De Divortiis & Repudiis.

DISTINCT. I.

Inter *Divortium* & *Repudium*.

Uamvis vocabulum *repudii* non absurde etiam in personam uxoris cadat juxta l. 101. §. 1. ff. de P. S. propriè tamen de eo casu accipitur, quando *futurum matrimonium* repudiatur: id est, quando desponsati à contractu sponsalicio iterum recedunt: *divortium* verò ad conjuges pertinet, exinde dictum, quia in diversas partes eunt conjuges, qui discedunt,

dunt, v. d. l. 101. §. 1. & l. 191. ff. de V. S.

Ufus in eo consistit, ne de terminis litigemus. *Repudium* ex diversis causis conceditur, quoties scilicet Judex ex circumstantiis deprehendit, fundamentum matrimonii, amorem scilicet infucatum, non adesse in desponsatis, neque eundem omnibus suasionibus adhibitis iterum restaurari posse, quò pertinent inimicitia capitales, deformitas insignis superveniens, item si sponsa resciscat, sponsum antea lue gallica infectum fuisse, vel adhuc infectum esse, &c. conf. *Mevius P. 6. Dec. 225. & 226.* Non ita verò, postquam consummatio matrimonii, ipsa unitas carnis, accessit. Tunc enim *divortium* non nisi ex duabus causis permittitur, propter adulterium scilicet atque malitiosam desertionem, v. *Matth. 5. v. 32. & c. 19. v. 9. 1. Corinth. 7. v. 11.* Scio quidem adhuc disceptare DD. utrum sub voce: *πορνεία*, qua utitur Christus, solum delictum concubitus illiciti intelligatur, & annon per illam vocem etiam alia delicta majora indigentur, quæ alias in S. Scriptura sub voce fornicationis venire solent, v. *Selden. Uxor. Hebraic. l. 3. c. 28. & 31. Wessenbec. Parat. ff. b. t. num. 11.* Scio etiam nonnullos ex nostratibus, & in specie *Strauchium instit. jur. publ. lib. 1. tit. 35.* statuisse,

tuisse, quod adhuc hodiè Principes plures, quam duas illas divortiorum causas permittere possint, neque eam sententiam infringere conabor; sed scio tamen, illud hactenus factum non esse, me autem in præsentì illud solum adferre debere, quod jam actu in praxi obtinet.

DIST. II.

Inter *Divortium & declarationem nullitatis.*

Divortium supponit, matrimonium ab initio validum fuisse, & illud ex causa superdemente solum rescindi, & hoc non obtinet, nisi in duobus casibus modò adlatis: Ast in declaratione nullitatis ne quidem ab initio validitas adfuit, sed vitium consensum matrimoniale *statim* impediens, v. g. metus, dolus, (quò etiam errorem in virginitate refero, impotentia, &c. Et quoad hanc declarationem matrimonium nihil peculiare præ reliquis contractibus habet, sed quæ his obstant, ea quoque illud annullare solent, v. Welsenbec. *Parat. ff. l. t. in fin.*

LIB. XXV. TIT. I.

De Impensis in res do-
tales factus.

DISTINCT. I.

Inter Impensas *necessarias*, *utiles*,
voluptuarias & *delicatas*.



Impensæ *necessaria* (ita dictæ, quod ad conservationem rei necessario requiruntur, & quod si ne iis res periisset v. l. i. seqq. ff. de impens. in res dot. fact.) cuilibet possessori restituuntur, siue in b. siue m. f. sit constitutus, l. 38. ff. de hered. petit. Ne quidem *prædonem* in d. l. excipit Paulus. Interim non pauca loca sint, quæ contrarium asserere videntur, ut §. 30. f. de R. D. l. 7. §. pen. ff. de A. R. D. Interpretes eò confugiunt, ut ea de jure stricto, citatam l. 38. autem de æquitate intelligant, moti verbis ipsius Pauli: *Prædo autem de se queri debeat, qui sciens in rem alienam impendit. Sed benignius est, in hujus quoque persona haberi rationem impensarum, & quæ fusè hic adducit Dion. Gothofred. in not. ad d. l. 38. Distinctionem Costæ de jur. & fact.*

Et fact. ignor. distinct. 34. num. 22. utrum m. f. possessor in opus jam existens aliquid impenderit, an verò opus planè novum aggressus fuerit, apud Brunnem. Comm. ad d. l. 38. num. 1. nulli fundamento superstructam esse censemus, mala enim fides utroque casu idem odium meretur sine dubio.

Hoc tamèn addendum erit, quod b. f. possessor impensas hasce repetat, licet res meliorata deinde absque ejus culpa iterum perierit, è contrario autem m. f. possessori jus repetendi tunc demum competat, si melioratio adhuc reuera existit, *d. l. 38. ff. de hered. petit.*

De Impensis *utilibus* ita tene: Bonæ fidei possessor easdem repetit, cum distinctione tamen & juxta diversam *personarum* atque *causarum* considerationem in *l. 38. ff. de R. V.* indigitatam. Quod si enim Dominus *easdem impensas factururus fuisset*, ad restitutionem obligatur eousque, quò pretiosior factus est fundus. Quod si verò Dominus *pauper sit*, qui, si reddere id cogatur, laribus, sepulchris avitis carendum habeat, b. f. possessor meliorationes factas tollit, modò ita fieri queat, ne deterior sit fundus, quàm si initio non fuisset edificatum. Sed etsi tollere vult b. f. possessor, quod si tamen paratus est domi-

dominus tantum dare, quantum, habiturus est possessor his rebus ablatis, hoc ipsi conceditur, &c. Singulare quid in dote occurrit, quod maritus scilicet ob impensas utiles non habeat jus retentionis, *l. un. §. 5. C. de R. U. A.* Sed actionem mandati, vel negotiorum gestorum. Malæ fidei possessor has meliorationes nunquam repetit, sed semper tollit, v. Struv. *Ex. 11. 1b. 33.* supposito iterum, modò ita tollere possit, ne fiat deterior fundus, quàm antea quidem fuit.

Voluptuarias denique impensas tam b. quàm m. f. possessor solummodò tollit, cum modò adlata tamen limitatione. Et hanc assertionem quoad m. f. possessorem ex ipsa *l. 39. §. 1. ff. de hered. petit.* stabiliri posse putamus, quàm tamen aliàs nonnulli tanquam obstantem obijciunt. Nobis hæc pro modo instituti nostri adduxisse sufficiat. Plura videri possunt apud Struv. *cit. Exerc. 11. 1b. 34. seqq.* & apud Autores ab eodem allegatos.

Delicata impensæ vocantur, quæ ex parte sunt utiles, ex parte autem voluptuariæ. Quod si ergò utilitas prævaleat, idem prædicatum illis tribuendum erit, quod utilibus impensis tribuimus; v. *l. 10. ff. h. t.* sin verò voluptas prævalet, in voluptuariarum quoque classem referendæ erunt.

DIST. II.

Inter Impensas *modicas & magnas.*

Magna vocantur, quæ perpetuam; modica autem quæ *presentaneam* solum rei conservationem respiciunt, quod Germani efferunt, was zum Dach und Sach gehöret.

Uusus distinctionis tunc deprehenditur, si quis utilitatem ex rebus alienis gratis percipit. Ita usufructuarius facta tecta habere & modicam refectionem suscipere debet, ea autem, quæ vetustate planè corruerunt, reficere non cogitur, l. 7. §. 2. ff. de usufr. Ita Commodatarius impensas cibariorum, valetudinis aliasque modicas in rem commodatam factas à commodante non recuperat, l. 18. §. 2. ff. commodati. Sic, si Maritus impensas in res dotales factas repetit, modicæ in ædificandis ædibus & in reponendis propagandisque vineis & in valetudine mancipiorum erogatæ non curantur, l. 12. ff. b. t. Speciale quid est, quod Pater, qui usumfructum peculii adventitii habet, non solum ad modicas, sed ad magnas etiam teneatur, Garfias de Expens. c. 11. n. 5. seqq.

Dixi autem, eum ad modicas impensas obstrictum esse, qui utilitatem ex rebus alienis gratis percipit. Aliud ergo si fructus

quis

quis titulo oneroso consequitur, v. g. conductor
 Hic enim omnes expensas, siue sint modicæ,
 siue magnæ, à Locatore recipit, v. g. quod
 pro soleis ferreis vel pro curatione equi de-
 dit, Garfius *d. tr. c. 14. n. 10.* Caroc. *de Locat.*
p. 4. qu. 40. Lauterbach. *ad tit. Locat. cond.*
 quò etiam illud refero, quod pro pabulo ex-
 penditur, v. Illustr. Stryk *not. ad Lauterb. tit.*
Locat. verb. Curationem. Quia enim Lo-
 cator percipiendo mercedem emolumen-
 tum ex re habet, hinc quoque incommoda
 ferat necessum est.

LIB. XXVI. TIT. I.

De Tutelis.

DISTINCT. I.

Inter Tutelam *testamentariam, le-
 gitimam & dativam.*



Uod causâ efficiente differant hæ-
 tres species, illud exigui momen-
 ti est & nec jure Romano usum
 practicum constituebat. At ve-
 rò apud Romanos in eo usus sese exserebat
 (1) *quod Tutores testamentarii & legitimi con-
 firmatione judiciali non indigebant, sed te-
 stamentarii, autoritate solius testamen-
 ti, legitimi autem vi agnationis tutelæ*
 L 2 admini-

administrationem in se suscipiebant, *arg. pr. J. de Attil. Tut.* (2) quod à testamentariis nulla *satisfactio* exigebatur, *pr. J. de satisfat. Tut.* sed ista quidem apud nos hodiè cessant, postquam per *Ordin. Polit. de A. 1577. tit. 32.* omnes satisfacere tenentur, omnes quoque confirmatione judicis opus habent, cujus-
cunque generis sint.

Hodiè ergò nullum usum habet adlata distinctio, nisi, quod Magistratus eum, quem Pater in testamento nominavit, nec non hoc deficiente legitimum, ante omnes alios extraneos confirmare obstrictus sit. Nec non, quod nominatio Tutoris in testamento adhuc sub conditione, vel in diem fieri & sic confirmatio Magistratus ex proprio arbitrio Tutelam alicui demandat, §. 8. *J. qui test. tut. dar. poss. l. 6. §. 1. ff. de Tutel.* & de tutoribus à Magistratu constitutis intelligenda est *l. 77. ff. de R. J.*

DIST. II.

Inter Tutelam testamentariam *simplicem & confirmatam.*

Tutela *simplex* dicebatur, quam Pater intuitu liberorum in *potestate patriæ existentium* constituerat, §. 3. *J. de Tutel.* & quidem in testamento perfecto, aut codicillis
testa.

testamento confirmatis: *Confirmata* autem, quando vel in testatore patria potestas deficiebat, v. g. si pater filio emancipato, vel mater liberis tutorem dederat: vel, si testamentum non erat solenne v. g. Codicilli per testamentum non confirmati, v. Struv. *S. I. C. Exerc. 31. tb. 17.*

Ufus in foro Romano erat, quod prior confirmatione Magistratûs haud indigebat, benè tamen posterior, *l. 1. pr. & §. 1. in f. ff. de confirm. Tut. vel Cur. l. 7. §. 1. eod.* Struv. *loc. cit.* Verum enim verò cum ad *dist. prec.* jam monuerimus hodiè, omnes Tutores confirmandos esse; exinde patet, adlatæ distinctionis nullum apud nos hodiè in praxi usum superesse.

DIST. III.

Inter Tutorem *administrantem*, *honorarium* & *notitiæ causa datum*.

Ille, qui *administrationis gratiâ* constituitur, simpliciter Tutor vocari consuevit & ergo voce *Tutoris* absolutè posita, in dubio intelligitur.

Honorarius Tutor est inspector reliquorum, seu, ut in *l. 3. §. 2. ff. de admin. Tut.* dicitur, observator actuum Tutoris administrantis & custos.

Tutori *notitia causâ* dato nihil amplius incumbit, quàm ut reliquos Tutores de administratione prudenter suscipienda informet, *l. 14. §. ff. de solut. add. eand. §. 1.*

Ufus distinctionis in eo consistit: si pupillus à Tutoribus læsus sit, *primò* quidem conveniuntur Tutores administrantes: quod si tamen hi eorumque heredes & fidejussores non sint solvendo, honorarii *deinde* ad reparandum damnum tenentur, imputatur enim iisdem, cur, si malè Tutorem administrantem conversari videbant, suspectum eum non fecerunt, prout loquitur Ulpianus in *l. 3. §. 2. ff. de administr. Tut.* & ibi omninò Brunnem. in *Commenta.* Ast ille, qui *notitiæ* causa datus, conveniri nequit, nisi forsan in consilio dando dolum malum adhibuerit, quod ex principiis de obligatione consilii facile deducitur.

Porro *Tutor administrans* indistinctè auctoritatem suam in negotiis pupillorum interponere valet; circa *honorarium* autem distinguendum est. Aut agitur principaliter *de patrimonio pupilli diminuendo* & *re pupilli in alium transferenda*, v. g. si res pupilli venditur, permutatur, &c. & tunc tutoris honorarii auctoritas non sufficit, de quo casu loquitur *l. 4. ff. de admin. Tut.* Vel è converso

prin-

principaliter de acquirendo agitur & per consequentiam solum de pupillo obligando, v. g. si pupillus hereditatem adit, & tunc etiam tutor honorarius auctoritatem suam validè interponit, quò pertinet l. 49. ff. de acqu. vel omitt. hered. Hæc conciliatio alleg. LL. Brunnemanni ad d. l. 49. præferenda esse videtur illi, quam habet Gothofred. ad cit. l. ff. de autor. & consens. v. Hilliger ad Donell. l. 7. c. 9. lit. C. Wissenbach ad ff. Disp. 51. th. 12.

Eandem distinctionem intuitu Tutoris notitia causa dati adhibendam esse puto, ob verba generalia l. 49. ff. de acqu. vel. omitt. hered. *Pupillum etiam cò Tutore autore, qui Tutelam non gerat, hereditatem ad eundem obligari.* In qua sententia eò magis confirmor, dum in l. 14. §. 6. ff. de solut. dicitur, *liberationem etiam contingere, quamvis quis Tutori notitia causa dato solverit, modò ei solvi prohibitum non fuerit.*

DIST. IV.

Inter infantes & impuberes in specie dictos.

I*nfantes* (qui tales dicuntur usque ad completionem anni septimi, l. 18. pr. C. de jur. deliber. tam masculi, quam foeminae) nihil omninò contribuunt in negotiis civilibus,

unde etiam Tutor durante infantia *non auctoritatem interponit, sed solus nomine pupilli administrat*; post infantiam autem demum auctoritatem interponere dicitur, quamvis & tunc solus administrare possit, si velit, v. *Lauterbach ad tit. de administr. Tut.*

Hæc theoretica saltem sunt, cum unus idemque sit effectus eademque obligatio, siue administraverit Tutor, siue auctoritatem interposuerit. Interim hoc quoad usum practicum notari meretur, quod infantes nunquam puniri possint propter admissa delicta, v. quos maximò cumulo allegat *Carpz. Pr. Crim. qu. 113. n. 10.* nisi, quod si Judex aliqualem malitiam & doli capacitatem in iis deprehendat, virgis castigari queant, quò pertinet Responsum Scabinorum Lipsiensium apud d. *Carpzov. l. c. num. 20. ibi: Ein Kind C. S. so'cher seiner Verbrechen wegen mit Ruthen ziemlich er massen gezüchtigt / und man solches geschehen mag ferner wieder ihn nichts für genommen werden*; At verò illi, qui infantiam jam egressi sunt, interdum pœnæ omninò subjici possunt, prout ad *seq. Dist.* mox dicetur. Posses hoc quoque addere, quod *infans* ne quidem in merè favorabilibus promissionem acceptare queat, *Illustr. Stryk. Caut. Contr. sect. 1. c. 2. §. 6.* quod tamen possunt impuberes. Sic

Sic quoque stuprum *infanti* illatum pro violento reputatur & capitaliter puni-
tur, licet ille consenserit, Carpzov. *Pr. Crim.*
qu. 69. n. 41. secus in impubere.

DIST. V.

Inter *Infantia proximos* & *pu-
bertati proximos.*

HAs ætates ita discernendas esse existi-
mant nonnulli, ut *pubertati proximi* di-
cantur, qui decimum annum & dimidium
impleverunt, *gloss. in §. sed quod diximus. 10.*
verb. Infantia. 3. de inutil. stipul. Bartol. in l.
1. n. 6. ff. de novat. Alii, si intra annum & se-
mestre pubertatem assequuntur, Cujac. *l. 17.*
Obs. 4. in f. Aut, si ad puberem ætatem sex
menses tantummodò desunt, Bald. *ad l. 14.*
ff. ad Sc. lan. Veriorem tamen eorum sen-
tentiam esse existimat Carpzov. *l. cit. num. 33.*
qui Judicis arbitrio committunt, qua ætate
propriè dicatur *pubertati proximus*, ut sci-
licet Judex inspecta impuberis discretionem
aliisque circumstantiis probè perpensis hac
de re judicium ferat, quamvis subjungat, In-
terpretes communiter utrumque, pluralita-
tem scilicet annorum & malitiam, conjun-
ctim requirere, quam quoque sententiam
nos præferendam esse ducimus, ex illo fun-
damento,

damento, quod *ut plurimum* malitia tunc demum adesse soleat, si pluralitas annorum adest. Ergò dividendos esse censemus eos septem annos, ab octavo scilicet usque ad decimum quartum, ut una dimidia ad proximitatem infantia, altera autem ad pubertatis proximitatem referatur.

Usus in eo consistit: *Infantia proximi* non aliter considerantur, quàm ipsi infantes, de quibus ad *dist. præc.* diximus, & sic per consequens non puniuntur. Aliud in *pubertati proximis*. Hi enim, si malitia ætatem supplet, poena omninò affici possunt, & si delictum valdè est atrox & maxima in delinquente impubere deprehenditur malitia, poenæ quoque ordinariæ locus erit, v. Carpz. d. qu. 143. num. 35. seqq.

DIST. VI.

Inter *Impuberes & minorennos*.

VOcabulum *minorennum* dupliciter sumitur, (1) *late* ut etiam impuberes sub se comprehendat, prout accipitur in *tit. ff. de minor. 25. ann.* (2) *strictè*, ut impuberibus opponatur, & hic posterior significatus in præsentia ad nos pertinet.

Longè diversa autem est ratio *impu-
& minorennium* quoad effectum juris.

Impu-

Impuberes inviti etiam tutores recipere tenentur, ob maximam iudicii imbecillitatem; non autem *minores* de jure Romano regulariter, nisi ad litem, §. 2. *J. de Curat.* quamvis hodiè aliud per *Reform. Polit. de A. 1577. tit. 32*

Impuberes absque Tutorum autoritate promittentes plane non obligantur & sic constitutione in integrum non indigent, sed ipsò jure tuti sunt: aliud in *minoribus*, v. l. 101. ff. de V. O. quæ tamen ex l. 3. C. de in integr. rest. min. 25. ann. ad eum casum restringenda videtur, *¶ minor Curatorem non habet.*

Impuberes testamentum condere non possunt, §. 2. *J. quib. non est permiff. fac. test.* benè tamen *minores* l. 4. C. eod.

Impuberes regulariter doli non sunt capaces & propterea etiam non puniuntur, prout ad *dist. preced.* monitum fuit; aliud in *minorenibus*, quippe qui regulariter à dolo & poena non excusantur, v. *Constit. Crimin. art. 164.* Carpzov. qu. 147. num. 59. seqq. Struv. S. I. C. Exerc. 48. tb. 11.

Impuberes sponsalia contrahentes firmiter non obligantur, sed adepta pubertate ab iisdem licitè iterum recedere possunt, etiam si alter pubertatem nondum sit affectus, c. 8. X. de despons. impub. Guttierrez. de matrimon.

matrimon. c. 29. num. 2. Brunnem. de jur. eccles. l. 2. c. 16. §. 11. Aliud in minoribus, qui etiam absque Curatorum & agnatorum consensu validè se despondet, Carpzov. Jurispr. Consist. lib. 2. Def. 46. Struv. Ex. 29. tb. 23.

Minores ad juramenta admittuntur & præstitò juramento super contractu aliquo beneficio restitutionis non gaudent, per Auth. Sacramenta puberum. C. Si advers. vendit. Aliud in impuberibus, v. l. 34. §. 2. ff. de jurejur.

Impubes Judicis personam neutiquam sustinere potest, benè tamen interdum *minorennis*, si Principi hoc ita placuerit. Ubi notandum est, Leges Romanas, quæ de ætate Judicis *pedanci* loquuntur, admodum impertinenter allegari in Compendiis nostris ad determinandam hodiernorum Judicum legitimam ætatem. Partes enim, quæ tunc eligebant tales Judices, ad numerum annorum in Legibus præscriptum adstricti utique erant; sed Princeps summus non item.

LIB. XXVI. TIT. II. & III.

De Testamentaria

Tutela.

&

De Confirmando Tutore vel Curatore.

Sub hisce Titulis occurrit distinctio inter *tutela testamentariam simplicem* & *confirmatam*, de qua nos jam ad tit. prec. dist. II. nostram mentem aperuimus.

Altera quoque distinctio inter confirmationem *cum inquisitione* & *cum satisfactione* hodie applicari amplius non potest. Profluebat nempe illa ex diversitate Magistratum apud Romanos, dum magistratus superior cum inquisitione, inferior autem cum satisfactione Tutores confirmabat, v. l. 2. & l. 5. ff. de confirm. Tut. vel Curat. Sed quis ignorat, argumentum à Magistratibus Romanis ad nostros hodiernos planè non procedere. Imo potius Ord. Polit. de A. 1577. tit. 32. von den Ppissen und Minder Jährigen

gen, ab omnibus Tutoribus satisfactio nem exigis, sine distinctione inter confirmationem à superiore, vel inferiore Magistratu factam.

Idem iudicium esto de distinctione, utrum Tutor *cum* vel *sine inquisitione* confirmatus fuerit. Confirmabatur scilicet sine inquisitione, quoties pater eum dederat, si autem alius aliquis, cum inquisitione, *l. 1. §. 1. ff. de confirm. Tutor.* Hodie confirmatio non valet, siue cum, siue sine inquisitione facta fuerit, sed adhuc majus aliquid, satisfactio scilicet, requiritur.

LIB. XXVI. TIT. VI.

De Legitimis Tutoribus.

DISTINCT. I.

Inter Tutelam legitimam *ordinariam* (siue *regularem*) & *extraordinariam* (siue *irregularem*.)

Ordinaria siue regularis vocatur, quæ defertur à Lege proximis pupilli cognatis, juxta successionis ordinem

Quicumque enim spem proximam & certam habet emolumentum consequendi ex hereditate

ditate pupilli, si is intra pubertatem decesserit, ille quoque onus tutelæ in se suscipere adstringitur. Unde simul patet, cur non detur cura legitima, quia scilicet cognati postquam pupillus pubertatem adeptus est & sic facultate testandi gaudet, spem certam succedendi non amplius habent, exceptis furiosorum & prodigorum cognatis, nec non in causis feudalibus.

Extraordinaria sive irregularis est, quæ matri, vel aviæ defertur ex Nov. 118. c. 5. ubi nonnullæ quæstiones moveri solent, an & quibus præferatur mater vel avia? Ad distinctum conceptum formandum sequentes casus separandi erunt. Aut mater cum avia concurrit, & tunc res dubio caret, matrem præferendam esse, quia mater in successione proxima est. Aut mater concurrit cum avo, sive paterno, sive materno, & tunc quamvis Struvius & Carpzovius dissentiant, idem tamen ex eadem ratione asserendum esse putamus propter verba Novellæ 118. c. 5. secundum hereditatis ordinem, v. Compend. nostr. Novell. cit. nov. Carpzovius P. 2. c. 11. Def. 13. excipit quidem, eò casu, ubi mater cum avo paterno concurrit, nulla plane tutela opus esse, quia nepos est in potestate illius avi; sed cum hoc hodie rarius fiat, ratio etiam

etiam Carpzovii parum stringere videtur. Porro: *aut avia concurrat cum avo*, & tunc puto, avum aviæ præferri debere ob præstantiam sexus, quam toties respicere videntur leges, quoties personæ concurrentes. ratione successionis eodem jure gaudent. *Aut denique avia paterna cum avia materna concurrat*, & tunc utraque admittenda erit, quia & ratione juris succedendi & ratione sexus sunt æquales.

Quoad usum distinctionis hæc breviter nota: In tutela legitima *ordinaria* cognati *inviti* etiam coguntur, nisi excusatione aliqua in legibus adprobata instructi sint; ast in *extraordinaria* matris & aviæ *arbitrio reliquerunt leges*, an in se recipere velint onus tutelæ, annon, v. Carpzov. *d. P. 2. c. 11. Def. 11. n. 13. 14.*

Deinde hoc etiam speciale quid est, quod mater & avia ad tutelam *extraordinariam* admittantur, quamvis sint pupillorum debitrices, aut creditrices, *Nov. 94. c. 2.* quod secus in *ordinaria* propter *Nov. 72.*

Mater, vel avia, si post susceptam tutelam matrimonium init, tutelam deponere tenetur, per *Nob. 94. c. 2.* aliud si cognatus aliquis uxorem superinducit.

LIB. XXVI. TIT. VII.

De Administratione & periculo Tutorum & Curatorum, qui gesserint, vel non, & de agentibus, vel conveniendis, uno vel pluribus.

DIST. I.

Inter *Administrationem* & *autoritatem* Tutorum.

DE hac distinctione jam supra diximus ad *tit. de Tutelis Dist. IV.* Hoc saltem in presenti addimus, quod quando quis cum Tutore *administrante* contrahit, verba ita concipi debeant: Es verkauft der Vormund Titius im Nahmen seines Pfleg-Befohlenen & in judicialibus: Es erscheint Tutor im Nahmen seines Pflegbefohlenen: Si autem cum Tutore *autoritatem interponente*, in hunc modum: Es verkauft Mevius mit Beystand und Bollswozt seines Vormundes Titii & in judicialibus: Es erscheint Kläger in assistentz seines Vormundes/vel: Es erscheint Tutor in Vormundschaft des Mevii. Exinde enim tunc apparet, an Pupillus aliquo modo

concurrat in contractu, utrum verò Tutor omnia solus expediat, v. Illustr. Dn. Stryk. *de Caut. contr. sect. 1. Cap. 2. §. 3.*

DIST. II.

Inter divisionem administrationis à testatore, Judice & ipsis Tutoribus factam.

USus in decidenda quaestione conspicitur: *utrum ex Contutoribus alter propter alterius malam administrationem pupillo ad interesse obligetur?* Hic nempe responderur: Si divisio tutelæ facta à testatore, tunc alter pro altero planè non obligatur, nisi forsitan viderit, alterum in rebus pupilli malè versari & tamen eundem justò tempore non postulaverit suspectum, *l. 2. C. de dividend. Tutel.* Eadem est decisio in *d. l.* si divisio à Judice facta fuit.

Sed si ipsi Tutores inter se dividunt Tutelam, hæc divisio pupillo non præjudicat. Potest enim adolescens unum ex his in solidum convenire, ita ut actiones, quas adversus alios habet, ad electum transferat, *d. l. 2.* Concedunt tamen DD. communiter beneficium excussionis sive ordinis, quod intelligo, nisi ceteri quoque negligentiam & culpam in omissione postulationis suspecti Tutoris ad miserint, & Tutor gerens pupillum
 Gimi.

DE AUTOR. ET CONSENS. &c. 179
similiter per culpam solum læserit, tunc enim in pari gradu obligationis constituti essent.

LIB. XXVI. TIT. IIX.
De Autoritate & Consensu Tutorum & Curatorum.

DISINCT. I.

Inter Autoritatem & Consensum.

Differencia apud Romanos in eo consistebat, quod *autoritas* (quam Tutores præstant) statim *ab initio* contractus, sive in continenti, id est, antequam ad alia negotia digrediuntur partes contrahentes, interponi debebat, post tempus enim, vel per Epistolam, aut per nuntium interposita autoritas nihil agebat, prout habet §. 2. j. de autor. Tut. Consensus autem (qui à Curatore requiritur) etiam *ex intervallo* accedere poterat. Rationem diversitatis sup-
peditant, quia autoritas Tutoris *ad integrandam personam pupilli*, consensus Curatoris autem *ad supplendam disponendi facultatem* requiritur. Seu clarius, quia in impubere ad-

modum imbecille est iudicium, ut parum vel nihil ad perficiendum negotium contri-
buere queat, minorennis verò majori ju-
dicio discretivo jamdum gaudet. Hæc ita
apud Romanos. Verum enim verò postquam
DD. nostri communiter asserunt, quod ho-
diè autoritas ex intervallo etiam à Tutore
interponi possit, modò exactam notitiam
eorum habeat, quæ à pupillo peracta fue-
runt, v. Struv. *S. I. C. Ex 31. lb. 42. inf.* & quem
allegat Perez. *ad tit. C. de autor. & consens. tut.*
num. 9. Hoppius *Exam. J. de autor. Tut. qu. 12.*
Brunnemann. *Exercit. J. de tit.* hinc addu-
cta differentia hodie apud nos exigua, vel
nullius potius utilitatis erit,

LIB. XXVII. TIT. I.

De Excusationibus.

DIST. I.

Inter Excusationem *necessariam*
& *voluntariam.*



Necessariam vocant, quando quis
ne volens quidem admittitur ad
tutelam, vel quod pupillo exinde
damnum immineat, v.g. si mino-
rennis, inimicus, prodigus &c. tutor esse
vellet,

vellet, vel ipsi etiam Reipublicæ, v.g. si miles tutelam adfectaret, & hæc proinde melius *prohibitio*, quam *excusatio* dici meretur.

Voluntaria è contrariò dicitur, quando quis, si vellet, omninò ad tutelam admitteretur, & hæc propriè est excusatio.

Necessaria non solum à suscipienda, sed à suscepta etiam tutela excusat; sed *voluntaria* à suscipienda saltem. Eò ipsò enim dum aliquis excusationem propter privatum suum favorem sibi competentem allegare scienter omisit, juri suo renunciâsse censetur, ad renunciata autem regressus non datur.

LIB. XXVII. TIT. III.

De Tutelæ & rationibus distrahendis & utili Curationis causa actione.

DIST. I.

Inter actionem *tutela* (seu *de rationibus reddendis*) & *de rationibus distrahendis*.

Prior oritur ex quasi contractu, posterior ex delicto. Illa datur ad damni illati reparationem & sic ad simplum

saltem; *hæc* autem ad duplum, quod rei persecutionem continet, l. 2. §. 2. ff. b. t. Hæc differentia hodie sine dubio cessat, cum actiones pœnales ad duplum, triplum, quadruplum, in foris Germaniæ non fuerint receptæ. Manet tamen alia, quod scilicet prior etiam contra heredes competat, posterior non item l. 1. §. 23. ff. eod. quamvis, cum per actionem tutelæ adversus heredes institutam *ratione persecutionis rei* idem obtineamus, quod per actionem de rationibus distrahendis, & præterea utraque actio hōc respectu elective concurrat, v. Lauterb. b. t. circ. f. hæc quoque observatio parum utilitatis habere videatur, præcipue cum nomen actionis in libellis nostris exprimere non teneamur.

LIB. XXVII. TIT. V. & VI.

De eo, qui pro Tutore,
prove Curatore negotia gestit,
nec non Quod falso
Tutore Autore gestum,
esse dicatur.

Veri Tutoris descriptio omnibus nota est,
dicitur

dicitur scilicet talis, qui *prævia Magistratus confirmatione* (nam ea hodie indistinctè requiritur, ut supra vidimus) administrationem Tutelæ in se recepit. *Protutor* è contrario dicitur, qui tutelam tanquam Tutor administrat bona fide, v. g. si quis erroneè crederet, se esse proximum Agnatum pupilli, vel etiam qui sciens, se tutorem non esse, tamen absque maligno animo res pupillares administrat, *l. 1. §. 1. ff. de eo, qui pro tutor,*

Tutoris & protutoris hætenus eadem est ratio, quod uterque res pupilli instar boni patrisfamilias administrare & damna illata resarcire teneatur, *l. 4. ff. d. t.* In eo tamen adhuc est differentia, quod Tutor statim a tempore *suscipiendæ*, Protutor autem à tempore *susceptæ* tutelæ demum obligetur: Tutor pro lubitu *tutelam deponere* non potest, bonè tamen Protutor, si modò necessarios pupilli certiores facit, ut ipsi Tutorem petant: Tutor de omnibus negotiis tenetur, *sive sint connexa, sive non*, Protutor saltem de connexis, nisi alius reliqua etiam gesturus fuisset, *l. 1. §. 9. ff. b. t.*

De jure Romano usus in eo quoque conspiciebatur, quod cum Protutore etiam ante pubertatem agi poterat, non autem cum tutore, *l. 1. §. 3. ff. eod.* Verum postquam Tu-

gen, ab omnibus Tutoribus satisfationem exigis, sine distinctione inter confirmationem à superiore, vel inferiore Magistratu factam.

Idem iudicium esto de distinctione, utrum Tutor *cum* vel *sine inquisitione* confirmatus fuerit. Confirmabatur scilicet sine inquisitione, quoties pater eum dederat, si autem alius aliquis, cum inquisitione, *v.l. l. §. 12. ff. de confirm. Tutor.* Hodie confirmatio non valet, siue cum, siue sine inquisitione facta fuerit, sed adhuc majus aliquid, satisfactio scilicet, requiritur.

LIB. XXVI. TIT. VI.

De Legitimis Tutoribus.

DISTINCT. I.

Inter Tutelam legitimam *ordinariam* (siue *regularem*) & *extraordinariam* (siue *irregularem*.)

Ordinaria siue regularis vocatur, quæ defertur à Lege proximis pupilli cognatis, juxta successionis ordinem. Quicunque enim spem proximam & certam habet emolumentum consequendi ex hereditate

ditate pupilli, si is intra pubertatem decesserit, ille quoque onus tutelæ in se suscipere adstringitur. Unde simul patet, cur non detur cura legitima, quia scilicet cognati postquam pupillus pubertatem adeptus est & sic facultate testandi gaudet, spem certam succedendi non amplius habent, exceptis furiosorum & prodigorum cognatis, nec non in causis feudalibus.

Extraordinaria sive irregularis est, quæ matri, vel aviæ defertur ex Nov. 118. c. 5. ubi nonnullæ quæstiones moveri solent, an & quibus præferatur mater vel avia? Ad distinctum conceptum formandum sequentes casus separandi erunt. Aut mater cum avia concurrit, & tunc res dubio caret, matrem præferendam esse, quia mater in successione proxima est. Aut mater concurrit cum avo, sive paterno, sive materno, & tunc quamvis Struvius & Carpzovius dissentiant, idem tamen ex eadem ratione asserendum esse putamus propter verba Novellæ 118. c. 5. secundum hereditatis ordinem, v. Compend. nostr. Novell. cit. nov. Carpzovius P. 2. c. 11. Def. 13. excipit quidem, eò casu, ubi mater cum avo paterno concurrit, nulla plane tutela opus esse, quia nepos est in potestate illius avi; sed cum hoc hodie rarius fiat, ratio etiam

etiam Carpzovii parum stringere videtur. Porro: *aut avia concurrit cum avo*, & tunc puto, avum aviæ præferri debere ob præstantiam sexus, quam toties respicere videntur leges, quoties personæ concurrentes, ratione successionis eodem jure gaudent. *Aut denique avia paterna cum avia materna concurrit*, & tunc utraque admittenda erit, quia & ratione juris succedendi & ratione sexus sunt æquales.

Quoad usum distinctionis hæc breviter nota: In tutela legitima *ordinaria* cognati *inviti* etiam coguntur, nisi excusatione aliqua in legibus adprobata instructi sint; ast in *extraordinaria* matris & aviæ *arbitrio reliquerunt leges*, an in se recipere velint onus tutelæ, annon, v. Carpzov. d. P. 2. c. 11. Def. 11. n. 13. 14.

Deinde hoc etiam speciale quid est, quod mater & avia ad tutelam *extraordinariam* admittantur, quamvis sint pupillorum debitrices, aut creditrices, Nov. 94. c. 2. quod secus in *ordinaria* propter Nov. 72.

Mater, vel avia, si post susceptam tutelam matrimonium init, tutelam deponere tenetur, per Nov. 94. c. 2. aliud si cognatus aliquis uxorem superinducit.

LIB. XXVI. TIT. VII.

De Administratione & periculo Tutorum & Curatorum, qui gesserint, vel non, & de agentibus, vel conveniendis, uno vel pluribus.

DIST. I.

Inter *Administrationem* & *autoritatem* Tutorum.

DE hac distinctione jam supra diximus ad *tit. de Tutelis Dist. IV.* Hoc saltē in præsenti addimus, quod quando quis cum Tutore *administrate* contrahit, verba ita concipi debeant: Es verkaufft der Vormund Titius im Nahmen seines Pfleg-Befohlenen & in judicialibus: Es erscheint Tutor im Nahmen seines Pflegebefohlenen: Si autem cum Tutore *autoritatem interponente*, in hunc modum: Es verkaufft Mevius mit Beystand und Botswort seines Vormundes Titii & in judicialibus: Es erscheint Kläger im Aufstentz seines Vormundes/vel: Es erscheint Tutor in Vormundschaft des Mevii. Exinde enim tunc apparet, an Pupillus aliquo modo

concurrat in contractu, utrum verò Tutor omnia solus expediat, v. Illustr. Dn. Stryk. *de Cant. contr. sect. 1. Cap. 2. §. 3.*

DIST. II.

Inter divisionem administrationis à testatore, Judice & ipsis Tutoribus factam.

USus in decidenda quaestione conspicitur: *utrum ex Contutoribus alter propter alterius malam administrationem pupillo ad interesse obligetur?* Hic nempe responderetur: Si divisio tutelæ facta à testatore, tunc alter pro altero planè non obligatur, nisi forsitan viderit, alterum in rebus pupilli malè versari & tamen eundem justo tempore non postulaverit suspectum, l. 2. C. de dividend. Tutel. Eadem est decisio in d. l. si divisio a Judice facta fuit.

Sed si ipsi Tutores inter se dividunt Tutelam, hæc divisio pupillo non præjudicat. Potest enim adolescens unum ex his in solidum convenire, ita ut actiones, quas adversus alios habet, ad electum transferat, d. l. 2. Concedunt tamen DD. communiter beneficium excussionis sive ordinis, quod intelligo, nisi ceteri quoque negligentiam & culpam in omissione postulationis suspecti Tutoris admiserint, & Tutor gerens pupillum
 Gimi.

DE AUTOR. ET CONSENS. &c. 179
similiter per culpam solum læserit, tunc enim in pari gradu obligationis constituti essent.

LIB. XXVI. TIT. IIX.
De Autoritate & Consensu Tutorum & Curatorum.

DISINCT. I.

Inter Autoritatem & Consensum.

Differencia apud Romanos in eo consistebat, quod *autoritas* (quam Tutores præstant) statim *ab initio* contractus, siue in continenti, id est, antequam ad alia negotia digrediuntur partes contrahentes, interponi debebat, post tempus enim, vel per Epistolam, aut per nuntium interposita autoritas nihil agebat, prout habet §. 2. j. de autor. Tut. Consensus autem (qui à Curatore requiritur) etiam *ex intervallo* accedere poterat. Rationem diversitatis suppeditant, quia autoritas Tutoris *ad integrandam personam pupilli*, consensus Curatoris autem *ad supplendam disponendi facultatem* requiritur. Seu clarius, quia in impubere ad-

modum imbecille est iudicium, ut parum vel nihil ad perficiendum negotium contri-
buere queat, minorennis verò majori ju-
dicio discretivo jamdum gaudet. Hæc ita
apud Romanos. Verum enim verò postquam
DD. nostri communiter asserunt, quod ho-
diè autoritas ex intervallo etiam à Tutore
interponi possit, modò exactam notitiam
eorum habeat, quæ à pupillo peracta fue-
runt, v. Struv. *S. I. C. Ex 31. lb. 42. inf.* & quem
allegat Perez. *ad tit. C. de autor. & consens. tut.*
num. 9. Hoppius *Exam. J. de autor. Tut. qu. 12.*
Brunnemann. *Exercii. J. de tit.* hinc addu-
cta differentia hodie apud nos exigua, vel
nullius potius utilitatis erit,

LIB. XXVII. TIT. I.

De Excusationibus.

DIST. I.

Inter Excusationem *necessariam*
& *voluntariam.*



Necessariam vocant, quando quis
ne volens quidem admittitur ad
tutelam, vel quod pupillo exinde
damnum immineat, v.g. si mino-
rennis, inimicus, prodigus &c. tutor esse
vellet,

vellet, vel ipsi etiam Reipublicæ, v.g. si miles tutelam adfectaret, & hæc proinde melius *prohibitio*, quam *excusatio* dici meretur.

Voluntaria è contrariò dicitur, quando quis, si vellet, omninò ad tutelam admitteretur, & hæc propriè est *excusatio*.

Necessaria non solum à suscipienda, sed à suscepta etiam tutela excusat; sed *voluntaria* à suscipienda saltem. Eò ipsò enim dum aliquis excusationem propter privatum suum favorem sibi competentem allegare scienter omisit, juri suo renunciâsse censetur, ad renunciata autem regressus non datur.

LIB. XXVII. TIT. III.

De Tutelæ & rationibus distrahendis & utili Curationis causa actione.

DIST. I.

Inter actionem *tutela* (seu *de rationibus reddendis*) & *de rationibus distrahendis*.

Prior oritur ex quasi contractu, posterior ex delicto. Illa datur ad damni illati reparationem & sic ad simplum

dicitur scilicet talis, qui *prævia Magistratus confirmatione* (nam ea hodie indistinctè requiritur, ut supra vidimus) administrationem Tutelæ in se recepit. *Protutor* è contrario dicitur, qui tutelam tanquam Tutor administrat bona fide, v. g. si quis erroneè crederet, se esse proximum Agnatum pupilli, vel etiam qui sciens, se tutorem non esse, tamen absque maligno animo res pupillares administrat, *l. 1. §. 1. ff. de eo, qui pro tutor.*

Tutoris & protutoris hætenus eadem est ratio, quod uterque res pupilli instar boni patrisfamilias administrare & damna illata refarcire teneatur, *l. 4. ff. d. t.* In eo tamen adhuc est differentia, quod Tutor statim a tempore *suscipiendæ*, Protutor autem à tempore *susceptæ* tutelæ demum obligetur: Tutor pro lubitu *tutelam deponere* non potest, bonè tamen Protutor, si modò necessarios pupilli certiores facit, ut ipsi Tutorem petant: Tutor de omnibus negotiis tenetur, *sive sint connexa, sive non*, Protutor saltem de connexis, nisi alius reliqua etiam gesturus fuisset; *l. 1. §. 9. ff. h. t.*

De jure Romano usus in eo quoque conspiciebatur, quod cum Protutore etiam ante pubertatem agi poterat, non autem cum tutore, *l. 1. §. 3. ff. eod.* Verum postquam Tu-

tores hodie propter *Ordin. Polit. de A. 1577. tit. 32.* singulis annis rationes reddere tenentur, & sic quoque singulis annis ante pubertatem cum ipsis agi potest, differentia illa sine dubio corrui.

Protutores hodiè adhuc dari certum est. Quamvis enim Leges publicæ velint, ne quis tutelæ munus, nisi ex decreto Magistratûs suscipiat, quod objicit Dn. Beyer *Pof. ff. b. t.* Leges tamen eadem non prohibent, quo minus quis b. f. ad tempus aliquod, præcipuè si Tutor nondum constitutus est, commodum pupillorum gerendo protutelam promoveat.

Falsus Tutor à Protutore ex diversa intentione distinguitur. *Protutor*, prout hætenus dictum, fovet intentionem omnia ex bono & æquo expediendi; at *falsus Tutor* eò animò ad negotia pupilli accedit, ut vel pupillum ipsum, vel alios, qui cum pupillo ejus auctoritatem secuti contraxerunt, decipiat, *v. l. 11. §. 2. & l. 12. ff. quod fals. Tutor.* Ergò ex factò *Protutoris* heredes etiam conveniri possunt, non autem ex factò *falsi Tutoris*, quia ille ex conventionem, hic autem ex delicto obligatur, *v. l. 9. §. 1. ff. quod falsu Tutor, autor.*

LIB. XXVII. TIT. VII.

De Fidejussoribus & Nominatoribus & Heredibus Tutorum & Curatorum.

DISTINCT. I.

Inter Fidejussores *Tutorum & aliorum contrahentium.*

OMninò cavendum est, ne quis ea, quæ de fidejussoribus in genere disponuntur, ad illos, qui pro Tutoribus prove Curatoribus fidem suam interponunt, vel interposuisse censentur, promiscuè applicet. Scilicet fidejussio in dubio nunquam præsumitur, quia est obligatio alterius favorem respiciens, & proinde, licet quis dicat, quod me fidejussorem suum constituere velit, & ego taceam, taciturnitas tamen mea mihi neutiquam præjudicat, quia tacui salvò jure meò. Brocardicum enim: *qui tacet, consentire videtur*, non est universale, ut Deò volente aliquando ex fontibus Legum civilium ostendetur. Enimverò in materia Tutelæ ita disponit *l. 4. §. f. ff. de t. Fidejussores*, inquit, à Tutoribus no-

minati, si praesentes fuerunt & non contradixerunt & nomina sua referri in acta publica passi sunt: æquum est, perinde teneri, atque si jure legitimo stipulatio interposita fuisset.

Fidejussores aliàs beneficio divisionis gaudent, prout notum est; sed fidejussores Tutorum, si pupillus eos convenit, hoc beneficio destituuntur, *l. f. ff. rem pupill. vel adolescent. salu. for.*

Fidejussoribus aliàs exceptio ordinis sive excussionis competit, si Creditor eos primò locò, non excussò ante debitore principali, convenire velit; ast fidejussoribus Tutorum hæc quoque exceptio denegatur in *l. 1. C. b. t.* Video quidem, DD. asserere, quod hodie etiam hisce illud beneficium non sit denegandum ob *Nov. 4. c. t.* sed audirem libenter, quid responsuri essent, si iisdem opponeretur principium ab omnibus adprobatum: *Jura singularia non talli per leges subsequentes generales.* Quod enim *d. Nov. 4.* de fidejussoribus Tutorum in specie mentionem non injiciat, sed generaliter saltem de fidejussoribus loquatur, verba ejusdem ita clarè innuunt, ut probatione aliqua non indigeant.

LIB. XXVI. TIT. II. & III.
De Curatoribus &
Cura.

DIST. I.

Inter *Tutores & Curatores*.

Quamvis Vocabulò Germanico *Bevormünder* & *Tutores & Curatores* denotentur, ac præterea, qui Tutor fuit durante pupillari ætate, plerumque etiam Curam gerere soleat in adolescentia vel minorennitate : item, quamvis minorennis non minus consensum Curatoris, quam pupillus auctoritatem Tutoris in administrandis rebus suis adhibere debeat, adeo, ut altero deficiente negotium sit nullum, & sic videri posset, *Tutores & Curatores* non nisi inani vocabulorum sono differre; nihilominus tamen his omnibus non obstantibus adhuc ostendi potest, præsentem distinctionem nostram utilitate sua non esse destitutam.

Scilicet quando dicunt, Tutorem principaliter dari personæ, minus principaliter bonis : è contrario autem curatorem primario circa bona minoris & secundariò saltem
circa

circa personam minoris versari, tunc exinde quæstio practica decisionem capit, *quis Judex in constituendo Tutore, vel Curatore pro competente reputetur?* A potiori faciendam esse denominationem, & dignius ad se trahere minus dignum, regula est ab omnibus DD. probata. Ergo si contingat, ut alius sit Judex intuitu domicilii pupilli, alius intuitu bonorum ipsius, Judex domicilii, sub quo persona pupilli deprehenditur, sine dubio potius jus in constituendo Tutore habebit, v. Alexand. l. 5. Conf. 44. num. 17. & ex multis aliis præcipuè Paulus Montanus in tr. de jure tutelarum cap. 44. n. 22. § cap. 20. in f. quæ datio ad bona etiam sub alio Judice sita se extendit. Exceptio est, nisi bona in alio planè territorio sita sint, quo casu Judex illius territorii providere debet pupillo, Montan. cap. 4. num. 24. Observat autem Guttiretz apud Brunnem. in Comm. ad l. un. C. ubi pretant. Tut. Judicem non debere exprimere, quod Tutorem etiam ratione bonorum alibi sitorum dare velit, tunc enim dationem fore irritam, sed illam ratione distorum bonorum per consequentiam fieri & sic tacitè. Hæc de constitutione Tutorum. In constitutione Curatorum ex ante adducta ratione Judex, sub quo bona minoris sita sunt, potius jus habebit. Tu-

Tutores apud Romanos statim ab initio intervenire debebant, in negotiis pupillorum; *Curatoribus* hoc etiam ex postfacto licebat. Verum hoc hodie cessat, prout diximus *ad tit. de autor. & consens. Tut. vel Curat.*

Tutores olim in testamento quidem constituebantur, non autem *Curatores*; sed hoc iterum cessat, quia hodie post *sape cit. Ordin. Polit. de A. 1577.* minorum arbitrio non amplius relictum est, an *Curatores* accipere velint, annon, sed hoc facere inviti etiam etiam compelluntur.

Hoc tamen adhuc hodie mansit, quod proximi cognati ad *Tutelam* quidem compellantur, quia certam succedendi spem habent, non autem ad *Curam*, quia post adeptam à pupillis pubertatem illa spes deficit, exceptis *Curatoribus* prodigorum & furiosorum. Idem in feudalibus, v. quæ diximus *ad tit. de Legitim. Tutor. Dist. I.*

In reliquis plerisque puto nulla inter *Tutores* & *Curatores* erit Differentia.

DIST. II.

Inter Impedimentum *animi* & *corporis*, ob quod *Curator* constituitur.

Videri poterat ab initio, parum interesse, utrum propter impedimentum animi,

an verò corporis constituatur Curator, cum utrobiq; idem sit ejusdem officium eademq; ubi vis obligatio. Et sanè *intuitu ipsius etiam Curatoris* nihil revera intererit. Ast interest tamen *intuitu ipsius, cui Curator constituitur.* Queritur scilicet, *an aliquis invitatus Curatorem accipere teneatur?* Hic, quia in administratione negotiorum civilium utruniq; requiritur, animus sc. & corpus, animus autem instar directoris est, cujus jussu & placita exequitur corpus, exinde statim consequitur, quod *quotiescunque adest defectus animi, v. g. in furiosis, mente captis, prodigiis, &c. toties etiam persona tali vitio laborans invita Curatorem accipere teneatur:* è contrario: *quoties vitium in corpore solum deprehenditur, e. g. in cæcis, mutis, surdis, morbo fonticò laborantibus, &c. quod toties persona infirma invita Curatorum accipere non obligetur.*

FINIS PARTIS II.